

NDI NGANI NDI TSHI

LWA NA VHURERELI

HO DZUDZANYWAHO



Ndi a ni livhuwa, Murathu Neville.

Ni nga dzula. Tsha u thoma, ndo vha ndi mushumoni nga maanda ḥamusu u swika ndi songo tsha swikelela dziňwe thingo dza vhalwadze. Ho vha hu na vhańwe vhathu kha mafhungo a phuraivethe uri vha rabelelwe, vhe nda vha ndi tshi tea u ḥangana navho. Fhedzi zwino zwińwe zwa... tshińwe tsha zwigwada, ndi tenda uri Billy o ri tsho vha tshi tshi bva Canada, mafhetu mavhili kana mararu. Zwino, vha dzhena hafha, ni a ḫivha, huno vha dzula dzhodelani na mimotheleni vha sa fhidzi tshifhinga tshothe. Huno ndi a ya u vha ḥanganedza, nda vha tanganedza huno nda vha rabelela vha tshi dzhena vha tshi bva huiwe na huiwe u mona na shango, na Asia, Uropa na huiwe na huiwe. Duvha na duvha, musi ri fhano, vhathu vha a dzhena. Hu na vha no fhira darathi kha mutevhe, vho lindelaho mivhudzisano ya phuraivethe, huno ngauralo zwi zwi ita uri zwi nge u kondă. Fhedzi vhathu vha lwalaho vhukuma na nyimele dza tshihađu dici no tea u rabelelwa, mulandu, ndi lingedza u vha ḥanganedza.

2 Fhedzi, two ralo, tshee nda vha ngomu heneffo na bodo ya vhalangandaka, kha u thetselesa huťuku na bodo yanga ya vhalangandaka fhano kha tshivhidzo, ro ḫo tea u ḥangana zwifhinganyana zwi si gathi two fhiraho. Huno nga itsho tshifhinga zwa mposela kule lu no ḫodou swika awara na hafu, huno ho vha hu na vhańwe vhathu vhe vha vha tshi tea u vha fhano nga itsho tshifhinga uri vha rabelelwe. Arali vha hone fhano, ndi ḫodou vha itela thabelo nga tshino tshifhinga. Ngauralo, arali vha tshi ḫo funa, avho vhathu vhe vha vha tshi tea u rabelelwa, two luga, arali vha tshi nga tou da ḥnha zwino musi mutambi wa piano, onoyo ane a vha ene, a tshi ḫo da huno—huno a ri ḥea tshuni thukhu ya “Nanga khulwane zwino i tsini, Yesu a pfelaho vhuťungu.” Zwino avho vhane vha tea u rabelelwa, arali vha tshi ḫo funa, uri ho vha hu na vhangana a thi ḫivhi. Huno vhoiñwi ni vharathu, ndi zwi dzhia nga u ralo. Vharathu, ndo tambula zwinzhi muvhilini wa nñe mune. Yesu o hwala muvhilini Wawe, thambulo, uri A kone u vha lushaka lwo teaho lwa Mupfumedzanyi, ngauri Ene e Mudzimu o itwaho ḥama uri A kone u tambula. O kona u pfa

maṭungu a u shaya nungo. Huno izwo ndi ngazwo A tshi da u ita tshipfumelo. Huno kha itsi O ɳea Tshivhidzo Tshawe ndaela ya u isa phanḍa na mushumo Wawe.

³ Huno ndi na—ndi na khuliso khulwane kha phurofesheni ya u alafha, vhuari na zwiñwe-vho, vhane—vhane nga talente dze Mudzimu a vha ɳea dzone dza u ita zwiñwe zwithu kha muvhili, u ita muaro na u bvisa mano o no tshinyalah, na zwiñwe-vho. Ndi a zwi takalela hezwo. Fhedzi hu da tshifhinga tsha musi zwi tshi fhira ndivho yavho—yavho, vhone—vhone a vha zwi ñivhi zwine vha tea u zwi ita. Ni a vhona? Huno ndi a elekanya, zwenezwo, ri na pfanelo yo fhelelaho, sa zwine ra do ralo kha mvelo, arali ro ya kha dokotela wa muña washu, khamusi do—dokotela a re nn̄da shangoni, muñwe dokotela o aluwaho wavhudzi a no hwala ñenzhe huno a tshimbila vhukati ha tsumu vhusiku, u ni wana, sa dokotela a ni alafha. Huno arali a kundelwa u ñivha, u do ya kha muñwe ane a tou vha n̄tha zwiñku u fhira ene. U do ni rumela kha mugudeleli. Huno zwino arali mugudeleli a sa zwi ñivhi, ndi—ndi a takala uri riñe ri na vhuñwe vhukoni, Nanga khulwane.

⁴ Huno Ha kundelwi, uyu Muñwe ha ralo, ngauri Ndi Musiki Ene muñ. Nahone O ri itela ndila. Zwino, arali ho vha hu na mariwe maanda-vho a u fhodza ngomu hanga a u zwi ita, ndo—ndo vha ndi tshi do da heneffo huno nda zwi ita. Ndo—ndo vha ndi tshi do tou takalela u ralo. Fhedzi, sa maanda a u fhodza, a thi na na mathihi, a hu na muñwe munna a re na maanda a u fhodza. Fhedzi ri ɳewa ndaela, ni a vhona, i tshi bva kha Kristo, u rabelela vhalwadze, Ene o no di vheaho maanda a u fhodza kha diphosithi. Ni a vhona? Huno ri khou da fhedzi, sa zwe zwa vha zwi zwone, u nwala tsheke kha hezwo. “Huno tshinwe na tshinwe tshine na humbela Khotsi nga Dzina Langa,” iyo ndi tsheke i si na tshithu, “tshinwe na tshinwe tshine na humbela Khotsi nga Dzina Langa, itsho Ndi do ita.” Ndi pfulufhedziso-de nandi! Zwi tou vha zwi si nga kundelwi. Huno ndo no thusa vhakomana na khaladzi dzanga, u mona na shango, u ita idzi diphosithi...kana u ita iyi miolo kha aya maṭari a re kha Bannga ya Mudzimu, kha Malofha a Yesu Kristo. Huno two vha na mvelelo nga maanda. Huno tshifhinga tshothe O badela, huno ngauri diphosithi yo no di vha hone heneffo, ni a vhona. “Ene—Ene—Ene o rungelwa zwivhi zwashu, nga ntho Dzawe riñe ro fhodzwa.” Ni a vhona, two fhela. Huno ro takala madekwana a ɳamusi nga n̄thani ha lutendo lwa vhoiñwi.

⁵ Ndi tenda uri Billy o vha a tshi khou mmbudza uri muñwe mukomana u a da a tshi bva ndilani yothe ya u bva Canada kana huñwe fhethu. Huno izwo ndi zwone? Inwi mukomana a bvaho Canada? Huno—huno inwi ni bvafhi, mukomana? [Mukomana u ri, “Devhula fhedzi ha Fort Wayne, ngei Kendallville.”—Mudz.] Kendallville, Indiana,

a bvaho Fort Wayne. Ndo vha ndo malwa ngei Fort Wayne. Ndi a elelwa zwavhudi. Ro vha na miṭangano minzhi henengei Thaberenakeleni ya Redigar. Ndi a humbulela uri ni a divha hune ya vha hone. Nahone ndi a elelwa, sa mutukanyana, ndo dzula milenzheni ya Paul Rader, ngomu Thaberenakeleni ya Redigar, sa mushumeli we a vha a tshi tou vha mutshudeni muswa. O vha e munna muhulwane, Mukomana Paul o vha o ralo, na Mukomana Redigar o vha o tou ralo, vhanna vha lutendo. Muya wavho nga u awele madekwana a ɣamusi. Huno zwino, vhunga ndo vha ndi mutukanyana, ndi khou lingedza u bvela phanda na zwe vha sia, zwe Yesu a siela Tshivhidzo Tshawe ndilani yothe u tsa fhasi.

6 Zwino, nga lutendo lwothe lune nda vha nalwo, ndi khou da u ni rabelela. Nahone a—a thi khou da sa a no tou dīdela. Na kathihi a ri ṭodi u sendela khazwo nga iyo ndila. Hai, izwo a si zwone. Ri khou da, ri tshi tenda uri ri khou yo ṭanganedza zwe ra zwi humbeli, ni a vhona, ri tshi zwi divha uri Mudzimu o zwi fulufhedzisa. Huno ri khou da na vhutanzo ho khwaṭhaho mbiluni dzashu ha uri Kristo o fulufhedzisa, huno vhoiwi vharathu no lingedza u vhea lutendo lwaṇu kha alitari, no ita zwe the zwe na kona, ndi khou do vhea lwanga na inwi madekwana a ɣamusi. Ni a vhona?

7 Huno, zwino, ri na alitari khulwane i no ḥaramuwa u buđekanya lutombo, huno kha iyo alitari hu na Tshithavhelo tshashu, Murwa wa Mudzimu. Ni a vhona? Ndi itshe Tshithavhelo tshi bvaho malofha. Mudzimu ha koni u sedza hezwo nga nn̄da ha u Tshi ḥonifha, ni a vhona, ngauri Ilo ndi Ifpi Ławé, “Uyu ndi Murwa mufunwa Wanga, ni Mu pfe.”

8 Ndi khou yo humbeli Murathu Neville, muhulwane washu, arali a tshi do da phanda zwino na nne musi ri tshi ṭuwa. Ndi ṭoda tshivhidzo tshothe... Mini-ha arali uyu o vha e mukomana waṇu, munna waṇu, murwa waṇu, khotsi anu? Ndi wa muṇwe muthu, elelwani. Kha ri ralo, nga vhufulufhedzei hothe vhune ra vha naho, u sendela kha Mudzimu zwino u itela vharathu.

Kha ri kotamise zwifhaṭuwo zwashu.

9 Khotsi wa Tađulu wa Tshilidzi, ri disa Vhuhoneni Hau zwino, nga alitari ya tshilidzi, naho ro ima tsini na bannga thukhu ya thanda, sa zwe zwa vha zwi zwone, fhano kha ḥifasi, fhedzi lutendo lwashu lwo takutshela ntha kha alitari khulwane i dugaho hangei, hune Yesu (Muthetshelo u nukhelelaho lu difhelelaho phanda ha Mudzimu, Tshithavhelo tsha Malofha tshi bvaho Khalivari) We a kunda vhulwadze vhuṇwe na vhuṇwe, dwadze ḥiṇwe na ḥiṇwe, lufu, vhudzulavhafu, na tshalo, huno a vuwa hafhu huno a gonya ngomu Tađulu, u dzula kha tshanda tsha u la tsha Vhuhulwane Hawe. Huno riṇe, nga lutendo, ri a da, ri tshi ditakulela ngei

n̄tha kha tshilidzi tsha Mudzimu, u amba kha iyi alitari, kha Musiki muhulwane wa Maṭadulu na lifhasi, “Ri tanganedze, Murena, musi ri tshi sendela nga Dzina la Murena Yesu.”

¹⁰ Ngevha vharathu vhashu, huno muñwe wavho u bva n̄tha-n̄tha ha Fort Wayne, fano kha mashango, huno muñwe ndilani yothe u bva Canada ngeno phasi, vha dela itshi tshifhinga tsho khetheaho nga maandesa. Zwi vhukati ha lufu na vhutshilo, Murena. Ngevha vhanna vhavhili, nangwe vhe vhaswa, hu na tshumelo khulu yo siiwaho khavho Yau, Murena, maswole mavhili, Vhakriste vha no U tenda. Huno swina lo thuntsha musevhe, huno uyo musevhe wa mulimo wo rwa huñwe fhethu ngomu ha muvhili wavho, huno vho vhuya, vha humela murahu ngei sibadela tsha tshilidzi tsha Mudzimu, u itela vhupfumedzanyi, u itela phodzo, uri vha kone u sendela vhuponi ha u lwa hafhu, tshitangu tshi n̄tha, vha tshi khou ya nndwani. Vho da u vha mirađo ya mmbi dza thabelo na rine, Murena. Huno ri ya u tangana na swina.

¹¹ Nga Dzina la Yesu Kristo, vha vhofholole. Ri a u laya nga Dzina la Yesu Kristo, vha litshe vha tuwe.

¹² Ndi vhone maswole a nndwa. Huno, sa mulanda Wau, ndi ya phanda zwino u vhea zwanda khavho, nga lutendo, ndi tshi tenda uri, “Izwi zwiga zwi do tevhela avho vha no tenda,” o ralo Murena washu, Kapuṭeni Muhuluhulu washu wa nndwa, “arali vha tshi vhea zwanda zwavho kha vhalwadze, vha do fhola.”

¹³ Izwi ndi a ita nga Dzina la Yesu Kristo. Ngavhe maanda a vhulwadze a no vhofha muvhili wa uyu mukomana, a tshi mu vhofholola, nga Dzina la Yesu Kristo.

Maanda a vhulwadze a no vhofha muvhili wa uyu mukomana, mu vhofholole. Nga Dzina la Yesu Kristo, ngavhe a tshi tuwa.

¹⁴ Mudzimu Ramaandothe, Musiki wa Maṭadulu na lifhasi, Musimuli wa Vhutshilo ha lini na lini, na Muñei wa tshifhiwa tshavhuđi tshiñwe na tshiñwe, disa phaṭutshedzo Dzau kha avha vhe ra vha fhaṭutshedza. Huno zwe ñwalwa Mañwaloni, uri, “Arali na amba na iyi thavha, ‘Sudzuluwa,’ ni sa timatimi mbiluni yanu, fhedzi na tenda uri zwe na amba zwi do khunyelela, ni nga vha na zwe na amba.” Ndi tenda uri vhulwadze havho ho tuwa muvhilini wavho. Zwino zwe ambiwa; zwino i ri zwi itwe. Amene.

¹⁵ Nga Dzina la Murena Yesu ndi tenda uri no vhofhololwa. Nga Dzina la Yesu Kristo ndi tenda uri inwi no vhofhololwa. Amene.

Naa tshivhidzo tshi a tenda nga ndila i fanaho? [Tshivhidzo tshi ri, “Amene.”—Mudz.] Zwenezwo i ri ni zwi itwe.

¹⁶ Zwino, naa hu do vha na vhañwe ngomu hafha vhane vha do tou takalela u eelwa thabeloni, naa ni do imisa tshanda

tshanu? Zwo luga, kha ri sendele Khae zwino musi ni tshi vheana zwanda ngeyo nn̄da. “Izwi zwiga zwi ḫo tevhela avho vha no tenda.”

¹⁷ Mudzimu mukhethwa nga maandesa, nga lutendo ri vhona Yesu, ri Mu tenda e hone o ima. U sedzesza Ipfi Lawe. Huno O ri, “Huñwe na huñwe hune vhavhili kana vho engedzeaho vha kuvhangana nga Dzina Langa, Ndi vhukati havho.” Zwino, Khotsi wa Tađulu, tendela maanda a Mudzimu Ramaandaethe u kwama avha vhathe, Murena, sa izwo vho farana nga zwanda, vho vheana zwanda. Ndaela ya u fhedza ye Wa i amba kha tshivhidzo, “Izwi zwiga zwi ḫo tevhela avho vha no tenda. Arali vha tshi vhea zwanda zwavho kha vhalwadze, vha ḫo vha...vha ḫo fhola.” Wo zwi fulufhedzisa, huno ri a zwi tenda. Ngauralo zwino zwo itwa, huno ri a U renda nga nthani hazwo, nga Dzina ja Yesu Kristo. Amene.

¹⁸ Huno nga Dzina ja Yesu Kristo ngavhe maanda a Mudzimu a tshi dolisa idzi sagaduku dza u ya kha vhalwadze na vha re na ḫodea. Huno musi dzi tshi rumelwa nn̄da huno dza vhewa kha vhalwadze, ngavhe zwi tshi khunyelela zwauri vha fhodzwe. Ro vhala Bivhilini uri vho dzhia kha Paulo Mukhethwa, dzisagaduku, dzifasikoti; mimuya mivhi ya tutshela vhathe, huno malwadze a fhodzwa. Huno, Khotsi, ri a zwi ḫivha uri a ri Paulo Mukhethwa, fhedzi ri a zwi ḫivha uri U kha ḫi vha Yesu. Huno ri a rabela uri Iwe u ḫo tendela iyi khumbelo u itela vhugala Hau. Amene.

¹⁹ A thi ḫivhi uri kana hu na...theiphi dzo no ḫi fungiwa, kana hai. Naa dzo fungiwa? Arali zwi songo ralo, ndi ḫo takalela vhone vha tshi dzi funga nga tshino tshifhinga. Ndi tenda uri switshi i nthia. Zwino, ndi fhulufhela uri a thi ni netisi madekwana a qamusi. Ndi khou thoma hu tshee ho sala tshi no ḫodou swika hafu ya awara kana miniti ya furaruñhanu. Huno zwino, ndi ngudo ya tshikolo tsha Swondaha, huno ndo elekanya uri ḫanwe khamusi izwo zwi ḫo farisa arali ndo ita uri izwi zwi theiphiwe zwi re kha mbilu yanga. Huno ri khou ḫodou dzhena kha ndi—ndima ntswa, thaberenakele ntswa, zwiswa zweithe.

²⁰ Huno zwino ndi ḫo takalela u vhala mañwe Mañwalo. Arali vhoinwi vhathe ni tshi ḫo takalela u vhala na nne, ndi ḫodou vhala kha Samuele Ya U Thoma, ndima ya vhu8, huno ri ḫoda u thoma nga ndimana ya vhu4 u ya kha ndimana ya vhu10; huno zwenezwo, u vhulunga tshifhinga, ya vhu19 u ya kha ya vhu20. Huno ndi na mañari o vhalaho a Mañwalo na tsumbedzi yo ḫwalwaho hafha nga nn̄da, uri arali vhoinwi vhathe ni na pene na penisela, kana tshinwe tshithu, bammbiri, uri ni ḫo takalela u amba nga ha izwi kana u dzula no zwi ḫwala fhasi, ni nga ḫi vha nazwo, kana, Vho-Maguire vha ḫo vha na the—the—theiphi.

²¹ Huno ndi ṭoda iyi theiphi i tshi kumedzelwa vhashumeli, vharathu vhanga, vhashumeli vho mpfesesaho nga ndila i si yone, nga maandamaanda vharathu vha zwivhidzo zwa dinomineisheni. Huno vhanzhisa vhothe ndi vha dinomineisheni.

²² Huno thoho yanga madekwana a ɿamusi ndi: *Ndi Ngani Ndi Tshi Lwa Na Vhurereli Ho Dzudzanywaho*. Huno ndi khou yo vhala zwino u itela zwa murahu, kana u vhalwa ha Luñwalo, u zwi ita uri zwi vhe zwa Luñwalo zwa vhukuma, ndi ṭodou vhala kha Samuele Wa U Thoma 8:4-10, zwenezwo 19-20. Kha vhathetshelesi vhanga vha vhonalah, ndi fulufhela uri musi ni tshi ya hayani ni do ñwala aya Mañwalo fhasi huno na a vhala nga vhlondi. Huno kha vharathu vha no do vha vha tshi khou thetshelesa theiphi, ndi a fulufhela uri na vhoiñwi a ni nga sokou imisa theiphi musi tshiñwe tshithu tshi tshi ambiwa khamusi tshire na sa do tendelana natsho, fhedzi ni do ṭoda Mudzimu khatsho, na vhone arali tshi tsha Luñwalo. Ndi elekanya uri ri tea u ita tshiñwe riñe vhañe na kha Mulaedza wa ñuvha.

²³ Ndi tenda uri zwivhidzo zweþhe zwi na Vhakriste ngomu hazwo, huno zwa vhukuma a thi ambi ndi tshi lwa na Vhakriste. Fhedzi tsho itisaho uri ndi ite zwe nda ita, na u amba zwe nda amba, ndi nga nthani ha ñuthuwedzo ya Muya Mukhethwa kha Ipfi.

²⁴ Zwino kha ri vhale kha Samuele Wa U Thoma, ndima ya vhu8, ri tshi thoma nga ndimana ya vhu4, nahone ri tshi vhala ya vhu10, ro i katela, u thoma.

Zwenezwo vhabulwane vha Israele vhothe vha kuvhangana, huno vha ða kha Samuele ngei Rama,

Huno vha ri khae, Vhona, iwe wo aluwa, huno vharwa vhau a vha tshimbili...a vha tshimbili kha ndila: zwino ri itele khosi ya u ri hañula vhunga tshakha dzoþhe.

Fhedzi fhungo a lo ngo takadza Samuele, musi vha tshi ri, Ri ñee khosi ya u ri hañula. Huno Samuele a rabela MURENA.

Huno MURENA a ri kha Samuele, Ipfa ipfi la vhathe kha zweþhe zwine vha u vhudza zwone: ngauri a vho ngo landula iwe, fhedzi vho landula nñe, uri ndi songo vha vhusa.

U ya nga mishumo yoþhe ye vha ita u bva ñuvha le nda vha brvisa Egipita na u swika kha lino ñuvha, nga ndila ye vha mpfuralela, huno vha shumela minwe midzimu, vha ita nga u ralo na kha iwe.

Zwino ngauralo-ha ipfa ipfi lavho: hone vha ñalutshedze nga ho khetheaho, huno u vha sumbedze mukhwa wa khosi ine ya do vha vhusa.

Huno Samuele a amba aya maipfi ōthe a MURENA kha vhathu vhe vha mu humbela khosi.

- ²⁵ Zwino ndimana ya vhu19 na ya vhu20 u itela magumo.

Naho zwo ralo vhathu vho hana u thetshesela ipfi la Samuele; huno vha ri, Aiwa; fhedzi ri do vha na khosi i no ri langa;

Uri na riñe ri nge tshakha dzōthe; na uri khosi yashu i kone u ri hañula, huno ya ya... phanda hashu, huno ya lwa nndwa dzashu.

- ²⁶ Murena nga a inge phathutshedzo Yawe kha u vhalwa ha Maipfi Awe. Zwino, sa kîlasi ya tshikolo tsha Swondaha, ndi do takalela u amba uri ri todou lingedza u vha vha—vha thetshesaho nga hune ra kona kha Ipfi.

- ²⁷ Huno ri a zwi ñivha uri—uri nga tshiñwe tshifhinga zwithu zwi a ambiwa, (huno zwiñwe zwivhidzo), zwi no khukhulisa muñwe o funzwaho u fhambana na zwe vha...vha khou zwi pfa. Sa tsumbo, munna o mmbudza liñwe ñuvha, ane a vha khonani yanga o dzulaho a re hone zwino, a ri, “Musi no amba, Mukomana Branham, lutendo luhulu lwe nda vha nalwo kha inwi, nahone nda tenda, musi no amba uri a hu na ‘vhudzulavhafu ha U Ya Nga Hu Sa Pheli,’” ha pfi, “ndo todou wa tshidzuloni tshanga. Huno nda ri, ‘Ngoho uyo munna u khou khakha.’” Huno zwenezwo ha pfi, “No ri litsha ra ima lwa tshifhinganyana. Huno zwenezwo na ri, ‘Hu na tshivhumbeo tshithihi fhedzi tsha Vhutshilo Vhu Sa Pheli, huno uvho vhu bva ha Mudzimu.’” Huno uvho ndi hone vhune rōthe ra ñoda, ni a vhona.

- ²⁸ Huno a hu na Luñwalo lu no ri hu na vhudzulavhafu ha U Ya Nga Hu Sa Pheli. Ngauri, U Ya Nga Hu Sa Pheli na kathihi a ho ngo thoma, nahone a hu gumi. Ngauralo Bivhili yo ri “vhudzulavhafu ho sikelwa diabolo na vharuriwa vhawé,” ngauralo a si ha U Ya Nga Hu Sa Pheli. Ho vha na tshifhinga tshe ha vha hu siho, huno hu do vha na tshifhinga tshire ha sa vhe hone, hafhu. Fhedzi vha nga di tarifiwa ngomu henefho, nga kha mulilo na tsevhela, na khunda dza mulilo, lwa phiriodi ndapfu dza tshifhinga, fhedzi mafhedziselonu hu do guma ngauri vhudzulavhafu a si ha U Ya Nga Hu Sa Pheli. Huno arali ho vha hu na vhudzulavhafu ha U Ya Nga Hu Sa Pheli, no vha ni tshi do tea u vha na Vhutshilo Vhu Sa Pheli u tshila ngomu ha vhudzulavhafu ha U Ya Nga Hu Sa Pheli. Nahone arali ho vha vhu ha U Ya Nga Hu Sa Pheli, tshifhinga tshōthe ho vha vhu hone, huno inwi tshifhinga tshōthe no vha ni vhudzulavhafu nahone tshifhinga tshōthe ni do vha vhudzulavhafu. Ni a vhona, ngauralo a hu na tshithu tsho raloho.

- ²⁹ Ngauralo, ni a vhona, U Ya Nga Hu Sa Pheli ndi “na kathihi ho ngo vha na u ranga kana magumo.” Huno hu na tshivhumbeo tshithihi fhedzi tsha Vhutshilo Vhu Sa Pheli,

huno itsho tshi kha Mudzimu, tshi bva kha ipfi la Tshigerika Zoe, line la amba "Vhutshilo ha Mudzimu Ene muñe." Huno musi ri tshi bebwu hafhu nga Muya wa Mudzimu, ri vha vha U Ya Nga Hu Sa Pheli na Mudzimu, ngauri ri na tshipida tsha Vhutshilo Hawe, tshine tsha ri ita vharwa na vhananyana kha Mudzimu, zwenezwo ri na Vhutshilo Vhu Sa Pheli. Huno Vhutshilo vhune ha vha kha rine, Mudzimu u do vusa muvhili u na Vhutshilo nga duvha la u fhedzisela, fhedzi ndi Muya wa Mudzimu une wa vha kha rine une wa vuwa, ngauri ndi Muya wa Kristo we wa vha u kha Kristo, une wa hanyisa mivhili yashu nahone na rine wa ri vusa, na Ene, u dzula kha—kha—kha Vhugala nahone ra vhusa Nae.

³⁰ Zwino kha thoho, zwino, ndo fhira kha iyi miñwaha, huno iyi thaberanakele yo ima. Naho, ndo odeeiniwa tshivhidzoni tsha Baphuthisi tsha Vhurumiwa, nga Dokotela Roy E. Davis, miñwaha i no todou swika ya furaruraru yo fhiraho, fhamo Jeffersonville. Zwino nne, u bva tsheetsho, ndo vha ndi kha dzangano lwa tshifhinga tshipfufhi fhedzi, miñwedzi i si gathi, u swika tshiñwe tshithu tshi tshi bvelela nga tshivhidzo tshe tsha vha tshi si tsha luñwalo, huno nda mu vhudza uri ndi nga si kone u tshimbila nga heyo. Huno ngauralo, a hu na zwiñwe, nda humbelwa u "zwi ita kana tshiñwe-who," huno nda ita tshiñwe-who. Ngauralo itsho tsho vha tshithu tshithihi tshire nda tenda, uri ili ndi Ipfi la Mudzimu. Huno nda ri kha uyo munna we a vha e mu—mudededzi muhulwane, "Arali ni tshi do ntsumbedza hezwo kha Ipfi la Mudzimu!"

"Fhedzi tsho vha tshi hone," a ri, "iyo ndi pfunzo yashu."

Nda ri, "Fhedzi ndi khou tshi ḥoda tshi tshi bva kha Ipfi, ni a vhona, Ipfi la Mudzimu."

³¹ Huno a si ngauri a thi wa dzangano le nda vha ndi tshi lwa na dzangano, ngauri ndi a livhuwa vharathu vhanga, vhane nda khou amba navho ñamusi, vhane nda vha na dzithambo khavho, ndi a humbulela, nga maanda tsini na dinomineisheni riñwe na ñiwe, nga maandamaanda kha zwiimo zwa Mafhungo-madifha O Dalaho, na kha vhunzhi ha zwiñwe zwivhido. Ndo humbelwa u dzhena kha vhutama havho huno nda vha murado wavho, fhedzi ndo dzula ndi a dilangaho. Ngauri, thuthuwedzo ine nda vha nayo, a thi tami u i vhea kha tshigwada tshithihi tsha vhatu. Ndi tama u vhea zwe Mudzimu a nne, thabelo ya vhaladze, u vha na mbuelo kha vhana vha Mudzimu vhothe kha dzangano liñwe na liñwe. Ha athu mmbudzisesa nga ha uri ndi songo rabela na kathihi, kana nga ha hetshi ngauri vhe vha *Tshino-na-tshila*, Mudzimu u hañula mbilu ya muthu.

³² Huno zwino, u thoma nga, tsho itisaho uri ndi si vhe murado wavho nahone nda amba ndi tshi lwa nazwo, ndi, tsha u thoma, ndi ngauri a thi tendi uri dzangano la Vhukriste ndi

la Luñwalo. Ndi tenda uri a si la luñwalo. Huno izwo ndi zwine nda do lingedza, madekwana a ñamusi, u lingedza ndo difunga nga tshilidzi tsha Mudzimu, u ni sumbedza uri a si la luñwalo, a si zwa lutendo kwalwo u vha na liñwe dzangano-vho.

³³ Zwino, tsha u thoma, ri hu vhidza “vhurereli,” ipfi *vhurereli* ndi “tshifukedzi,” zwi amba u fukedza tshiñwe tshithu. Zwino, Adamu o vha e na vhurereli, fhedzi ene zwa vhukuma o vhu ita ene muñe, nga mañari a muhuyu, huno ha sa shume. A ita theori ya ene muñe huno a lingedza u ita ndila ya u ponya, u wana tshidzo kha tshiñwe tshithu tshe a tshi ita ene muñe, huno Mudzimu a tshi landula, u bva kha Adamu u swika kha nzudzanyo ya dzangano la u fhedza. Na kathihi a two ngo ralo, huno nga tshilidzi tsha Mudzimu ri do zwi sumbedza ñamusi nga kha Bivhili. Vhurereli ho vha vhu tshifukedzi. Adamu o diitela tshifukedzi nga mañari a muhuyu, a tshi ita, ene muñe, u lingedza u ita tshiñwe tshithu ene muñe.

³⁴ Fhedzi Mudzimu o toða lufu, tshipfumelo. Zwino, hu na phambano khulu vhukati ha vhurereli na tshidzo, ni a vhona, tshidzo. Vhurereli ndi tshifukedzi. Ni a vhona? Tshidzo ndi Mbebo, tshifhiwa tsha Mudzimu. Tshidzo ndi Mbebo, tshifhiwa tsha Mudzimu, huno i nga si kone u waniwa nga muñwe munna-vho kana tshiñwe tshigwada-vho tsha vhanna. Ndi muthu ane Mudzimu a mu ñisela itshi tshifhiwa. Huno izwi zwifhiwa zwa Vhutshilo Vhu Sa Fheli two tiwa nga Mudzimu kha muthu muñwe na muñwe ri sa athu vhuya ra vha na shango, u ya nga Mañwalo. Bivhili yo amba, kha Nzumbululo, uri mulwanakristo we a tea u ða kha lifhasi, u do fhura vho ñthe vho dzulaho kha lifhasi, vhe madzina avho a sa ñwalwe Buguni ya Ngwana ya Vhutshilo shango li sa athu tewa. Ni a vhona? Mudzimu, nga u dzula Hawe o ñivha, o vhona uyo a no do ða na uyo ane a sa do ða, Kristo o tsela fhasi u ita ndila ya avho vha no do ða. Ni a vhona, u ñivha vhañwe.

³⁵ Arali e Mudzimu, itali, U tea u vha a si na magumo. Huno arali E a si a si na magumo, A nga si vhe a si na magumo hu si na u vha a re na maanda othe. A nga si vhe a re na maanda othe hu si na u vha a re hoñhe-hoñhe. A nga si vhe hoñhe-hoñhe hu si na u vha a no ñivha zweñhe. Ngauralo, ni a vhona, zweñhe izwo zwi Mu ita Mudzimu.

³⁶ Ngauralo, O ñivha magumo u bva u rangani. O ñivha uyo a no do ralo na uyo ane a sa do ralo, huno O ñivha uri ho vha hu na vhanzhi vha no do ralo, ngauralo A ruma Kristo u ita tshipfumelo u itela avho vha no do ða. Zwino, a hu na tshithu tshire ra ita tshire tshi nga vha na vhushaka nazwo. Yesu o ri, “Vhoñhe vhe Khotsi a Nñea vhone,” vho, likhathi lo fhiraho, “vha do ða kha Nñe. Huno a hu na muthu ane a nga ða nnñdani ha Khotsi Anga a tshi mu kokodza.” Ni a vhona? Zwino, ni a vhona, zweñhe zwi kha ndivho ya Mudzimu.

³⁷ Inwi ni ri, "Mukomana Branham, naa ndi ngomu?" A thi divhi. Ndi fhulufhela uri ndi ralo. Ri shuma tshidzo ya riñe vhañe nga nyofho na u tetemela. Zwino, Tshivhidzo tsho telwa u ḥangana na Mudzimu tshi si na badzi kana tshilavhi. Zwino, arali ri kha itsho Tshivhidzo, ro tiwa na itsho Tshivhidzo. Zwino disedzeni nga Ipfi, zwenezwo ni nga kona u ḥola uri ro no vha vhukule vhungafhani.

³⁸ Zwino, zwino, Vhukriste ha dzangano vhu nga si nee uvho vhuñanzi ho khwáthaho na kathihi. Hai. Vhañwe vhavho vho ri, "Inwi ni a da na bula uri Yesu ndi Kristo huno na lovhedzwa tshivhidzoní." Diabolo u ita zwenezwo zwithihi. U a tenda, eme muñe, uri Yesu ndi Kristo, nahone u a tetemela. Ni a vhona, izwo ndi zwone.

³⁹ Mudzimu na kathihi ho ngo vhuya a laya, a hu na fhethu kha Luñwalo, uri hu vhuye hu vhe na liñwe dzangano-vho. A hu na fhethu Bivhilini ha hezwo. Adamu o thoma liñwe huno la kundelwa.

⁴⁰ Huno zwenezwo Nimirodo o lingedza u ita dzangano. Arali ni muñivhazwakale, huno ni tshi divha divhazwakale ya Babele, vhalani *Two Babylons* ya Hislop, ni do wana tshedza tshinzhi. Uri, Nimirodo, uyu munna wa tshivhi, o dzhia Babele na tshivhidzo tshituku tshothe tshi konanaho naļo, kana mafhethu a re u mona hothe, e a vha e tshifanyiso tsha—tsha Vhukriste ho guneaho ha ili duvha la u fhedzisela, huno a ita fhethu huthihi huhuluhulu huno vhañwe vho salaho vhothe vha tamba... vho zwi thonifha. Huno ngomu henefho a fhaña thawara huno a lingedza u dzudzanya vhatu fhethu huthihi, fhedzi zwa kundelwa. Izwo zwo kundelwa.

⁴¹ Kora, kha Numeri 16:1, arali ni tshi do takalela u vhala, Kora o lingedza zwenezwi zwithu zwithihi. O kuvhanganya Vhalivi, nahone a wana... muriwe muthu a takalelwaho, munna wa n̄ha, munna muhulwane, munna mukhethwa, huno ene na Dathani vha kuvhangana huno ha pfi, "A zwo ngo luga, munna muthihi a tshi khou lingedza u ri langa rothe." Huno ngauralo vha lingedza u ita uri dzangano li thoñwe, huno vha da phanda ha Mushe na Aroni, vhe Mudzimu a vha nangela mushumo uyu, huno vha vha vhudza uri vho dihwesa zwinzhisa, uri tshivhidzo tshothe ndi tshikhethwa, huno vhone vha na pfanelo ya u... "Kha vhunzhi ha ngeletshedzo hu na vhuponyi," a hu na zwiñwe, vha ralo. Izwo a zwi ambelwi Vhukriste. Izwo zwi kha nndwa. Dzhielani nzhele, vhunzhi ha phambano.

⁴² Inwi ni nga dzhia Luñwalo, huno na ri, "Yudas o ya huno a dinembeledza" huno "inwi iyani ni ite nga u ralo," arali ni tshi ḥoda u ralo, fhedzi izwo a zwi zwi iti zwo lugaho.

⁴³ Mudzimu o nanga Mushe nahone Mudzimu o nanga Aroni, huno wo vha u mulaedza wa duvha. Huno a hu londwi uri

lińwe sia lo vhonala li ḥavhuđi hani, zwo vha zwo fhambana na kuelekanyelete kwa Mudzimu. Huno ri tea u tendela kuelekanyelete kwa Mudzimu u vha kuelekanyelete kwashu. “Thalukanyo ye ya vha i kha Kristo kha i vhe kha inwi.” Huno iyi Bivhili i dzumbulula ḥthalukanyo ya Kristo. Huno Bugu ya Nzumbululo yothe, i vhidzwaho Aphokhalipi, ndi Nzumbululo ya Yesu Kristo. Huno ri kona u vhona ndila ine A ḥatula itsho tshithu, nga ndila ine A tshi vhetshela ḥthungo nthihi, huno ri do da khatsho nga murahunyana. Zwo luga.

⁴⁴ Kora, ndi tenda uri o vha a tshi fulufhedzea kha nyito yawe. Ndi tenda uri uyo munna o vha a sa khou—a sa khou ri u ita zwo khakheaho. Ndi tenda uri ho vha hu u sa divha ha uyo munna he ha sa vhone tshanda tsha Mudzimu tshi tshi shuma huno a divha Mañwalo, huno itsho ndi tshone tsho itisaho uri a zwi dise kha u ḥnaña.

⁴⁵ Huno izwo zwi ḥodou ita phesente dza fuṭahe dza vhuleme ḥamusi, dzine ra lingedza u ḥthavhela ngomu ha mbekanyamushumo ya Mudzimu, kuelekanyelete kwashu. Huno a ri tei u elekanya, na luthihi. U a ri elekanyela. Ri khou tea u kumedza kuelekanyelete kwashu kha lufuno Lwawe. Ni a pfectesa zwino?

⁴⁶ Kora, e na ndivho yavhuđi, o mona-mona e na pfunzo i si ya ngoho, a tshi khou vhudza avha vhakomana, huno a tshi vha sumbedza nga maňaňa, uri Mudzimu ho ngo fhaṭutshedza Mushe fhedzi, muporofita, mudindā, huno o fhaṭutshedza ene fhedzi, fhedzi, “Tshivhidzo tshothe tsho vha tshi tshikhethwa,” a ri, “huno zwino tshivhidzo tshothe tshi na pfanelo ya u ita *itshi*, nahone tshivhidzo tshothe tshi na pfanelo ya u ita *itsho*.” Huno ngauralo vha wana vhanna vhabhuđi, Vhalivi. Zwino, uho ndi u nanga ha Mudzimu, hune ḥamusi ha do vhidzwa, “vhashumeli,” Mulivi o vha e mushumeli wa thembele. Naa Mushe ho ngo vha vhidzela zwone phasi? Huno, hafha, na kathihi ho ngo ya khazwo a si na khu-... a si na khuliso. O vha vhudza uri vha dzhie dzindongo, huno vha vhee zwioro nga ḥnha hadzo, na u kumedza izwi zwioro zwikhethwa, zwe zwa vha zwi ndaela ya Mudzimu. Huno vha da u ita tshigwada tsha vhanna uri vha lange tshivhidzo, he Mudzimu a laya munna muthihi u ita nga u ralo.

⁴⁷ Huno, musi vho ita izwo, Mushe a wa nga tshifhaṭuwo tshawe ngauri o zwi divha uri Mudzimu o mu ḥea ndaela kha uyo mushumo. Huno Mudzimu a ri, “Ita uri vha dise idzo ndongo ngeno ḥnha phanda ha thaberenakele.” Huno ngauralo musi vha tshi thoma u kumedza ndongo dzavho dzo dala mulilo, na zwioro zwi tshi khou ḥuwa, Mudzimu a ri kha Mushe na Aroni, “Difhandekanyeni navho! Ibvani vhukati havho!” Ngauri, ngavhuya O vha vhidza “vhaitazwivhi, vha sa tendi.”

⁴⁸ Huno tshivhi ndi u sa tenda kha Ipfi la Mudzimu. Inwi ni a tswa ngauri a ni tendi. Inwi ni amba mazwifhi ngauri a ni tendi. Inwi ni ita vhupombwe ngauri a ni tendi. Arali no vha ni mutendi, no vha ni si nga iti zwo raloho. Hu na nguvho mbili fhedzi, idzo ndi lutendo kana u sa tenda, ni langwa nga tshiñwe kana tshiñwe.

⁴⁹ Zwino, Mudzimu, u rangani, o vha e Ipfi, huno A itwa nama huno a dzula vhukati hashu. O vha e Ipfi, Ndi ene Ipfi! Huno musi Mudzimu a tshi dzula kha inwi, ndi Ipfi la Mudzimu li no dzula kha inwi, hune ni nga kona u ri "Amene" kha tshiñwe na tshiñwe tshire A amba. Uyo ndi Mudzimu a no dzula kha inwi.

⁵⁰ Zwino arali ni tshi do dzhiela nzhele, avha vhanna vha si na mulandu vha re na dzindongo tshandani tshavho, mulilo mukhethwa tshandani tshavho, Mudzimu o vula liphasi huno a vha mila, huno a vha fhandekanya na Mushe ngauri Mushe o difhandekanya navho. Huno Mushe a tsivhudza tshivhidzo, "Ni songo ita vhutambetambe na ulwo lushaka lwa tshigwada. Tutshelani kule havho!" Zwino, ni a divha Maiwalo, vhalani ya vhu16, ya vhu17, ya vhu18, na yone, ndima, huno ni do zwi wana. "Difhandekanyeni na avha vhaitazwivhi, vhaitazwivhi vha sa tendiho. Ibvani vhukati havho, ngauri vho livha mutshinyaloni, na tshiñwe na tshiñwe tshire vha vha natsho." Huno musi vha... liphasi lo atama huno la wela ngomu li na avha vhanna vho faraho mulilo mukhethwa. Vhanna vha si na mulandu vho fhuriwaho nga munna.

⁵¹ Zwi a fana na namusi! Hu na vhanna vhanzhi vha si na mulandu vha no khou wela mureoni wa maitele, vho fara Ipfi Likhethwa tshandani tshavho, huno hu tshi nga vha khou rera zwi bvaho Khaço. Ndo vhona tsumbedzo i tshi da kha tshifhañuwo tsha mushumeli nga tshenetsho tshifhinga, mushumeli wa Methodisi, o vha e mushumeli wa Methodisi u swika vhusiku ha Swondaha yo fhiraho. Huno musi a tshi sedza, ndi dzhia uri zwi amba zwinzhisa kha inwi, mukomana, u bva.

⁵² Zwino, ni a vhona, vho fara dzindongo, mulilo u tshi khou fhisa muthetshelo u nukhelelaho lu difhelelaho phanda ha Mudzimu, huno izwo zwanda zwo faraho idzo, naho zwo ralo vha lovha vhe na ludongo tshandani tshavho, ngauri vho vha vha tshi khou lingeda u ita tshiñwe tshithu nga u fulufhedzea, nangwe zwo ralo, vha tshi khou lwa na Ipfi la Mudzimu, vha tshi khou lingeda u ita dzangano. Ha pfi, "Inwi ni hwalesa zwinzhisa. Naa inwi ni nnyi u amba uri ni na Ipfi la Mudzimu lothe?"

⁵³ Vho kundelwa u vhona uri Mushe o vha e mu—muđinda wa iyo awara. Ni a vhona, o vha e na U RALO MURENA. Ho vha hu si na muthu a no nga ene kha liphasi. O vha e na Mulaedza, huno vhathu vho kundelwa u U vhona. Huno Mushe o vha e kokotolo na U RALO MURENA. Ngoho. Zwo luga.

⁵⁴ Zwino ri wana zwenezwo zwithihi ḥamusi, vhanna vhavhuđi, vhanna vhahulwane, vhanna vha vhuthogwa vha tshi khou lingedza u rera Ipfi ja Mudzimu (tshandāni tshavho) nga maiwe maitele o itwaho nga muthu. Vha tshi khou tshea *hafha* nnđa, nahone vha tshi khou tshea *hafha* fhasi, huno vha tshi tshi ita *itsi*, huno “idani ni vhe murado wa tshivhidzo huno ni shandukise vhurađo hanu,” nahone vha fa lwa muya na iļo Ipfi tshandāni tshavho! Ni a vhona?

⁵⁵ Vho kundelwa u tenda mudinda wa Mudzimu kana Mulaedza Wawe wa iļo duvha. Vho kundelwa u pfectesera uri ndi ngani Mudzimu muhulwane a songo shuma na tshigwada tshothe tsha vhathu, huno a sokou zwi vhea kha munna muthihi.

⁵⁶ Naa ndo amba na vhangana vhavho ḥamusi, “Naa ndi mini zwine ra do ita, Mukomana Branham? Ri a zwi ḫivha uri ni kha ngoho, fhedzi ri do ita mini? Dzangano li do ri bvisa, a ri nga vhi na huňwe fhethu hune ra do ya.” Ndi vha pfela vhūfungu; fhedzi hu na Fhethu. Inwi ni ri, “Zwo ralo, ri do sika u isa lufuni.”

⁵⁷ Dafita o ri, “Nga tshiňwe tshifhinga ndo vha ndi muswa, huno zwino ndo aluwa, huno na kathihi a thi athu vhona o lugaho a tshi furalelwa, kana mbeu yawe i tshi humbela tshinnkwa.”

⁵⁸ Izwo zwi kokotolo kha theo yeneyo nthihi ye vha hana Yesu. Vho vha vho putelwa nga maanda kha dinomineisheni yavho, na vhotshifhe vhakhethwa na zwifhađo zwikhethwa, na zwivhidzo zwikhethwa na thembele khethwa, vha kundelwa u vhona Mudzimu thembeleni Yawe ya muthu. “Iwe, u muthu, u diita Mudzimu.” Ni a vhona, vho vha vho putelwa nga maanda ngomu hazwo! Avha vhanna vho vha vho putelwa nga maanda lwe Dathani na vhařiwe vho vha vhe kha ngoho. Nimirodo o vha o putelwa nga maanda lwe a kona u swikelela tshiňwe tshithu tshe tsha vha tshi tshi do dzhia vhathu nga n̄tha ha vhuhali ha Mudzimu. Adamu o vha e na ngoho ya uri arali o fukedza u vha fhedzi hawē Mudzimu o vha a tshi do kundelwa u hu vhona. Inwi ni nga si hu fukedze, Mudzimu u tea u hu fukedza. Ni a vhona? Ni a vhona? Mbekanyamushumo ya Mudzimu i a hu fukedza, hu si yađu. Zwo vha nga iyo ndila tshifhinga tshothe, vha kundelwa u vhona Yesu thembeleni Yawe, Mudzimu o vhonadzwaho ḥamani.

⁵⁹ Namusi zwi nga u nnyita uri ndi pfe ndi si wavhuđi musi ndi tshi vhona uri Maiipfi a Bivhili o tshewa nga maanda nga maitele. Vhathu vha mbilu dzi fhulufhedzeaho vha no ima heneffo huno vha pfa iļo Ipfi, huno vha zwi ḫivha uri Ndi Ngoho, fhedzi a vha lingedzi u sudzuluwa, nga ḫwambo wa uri maitele avho a vha funza zwo fhambanaho. Tanzwani dzikhali na dzipani, zwenezwo, vharathu, iyani phanda. Fhedzi riňe, na nne na nndu yanga, ri dzhia Kristo, Ipfi. Ni a vhona?

⁶⁰ Kha ri dzhie Yohane 3 lwa tshifhinganya, Nikodemo, muñe na muvhusi wa dinomineisheni i vhidzwaho Sanhedrini. Vho dikuvhanganya, huno vha ita maitele avho. Mu—muñwe wa Vhafarisei na muñwe wa Vhasadukei, huno vha vha na dinomineisheni yavho tshifhingani itsho, phambano dzavho, huno ngauralo vha... Uyu munna o vha e muñe, muvhusi wa iyi Sanhedrini khulwane, munna a akhamadzaho kha pfunzo. O vha a tshi divha Mañwalo, o elekanya. O a divha nga maitele avho. Naa Yesu ho ngo ri, “No ita, nga maitele añu, Milayo ya Mudzimu uri i songo vha na mveledzwa”?

⁶¹ Ni a vhona, nga ñwambo wa maitele avho! Naa izwo ndi mini? U vhea ɿhalutshedzo yavho kha Ipfi, vhudzuloni ha u Li litsha ɿ lōthe, zwine La amba. Vha ri a li ambi Izwi. Naa no dzhieila nzhele, ilo ndi ipfi ɿenelo lithihi le diabolo a li shumisa kha Efa, u thoma dzangano la u thoma, ni a vhona. “Nga ngoho zwi do vha nga iyi ndila. Mudzimu a nga si ite izwo, ni a divha.” Ni a vhona, ndi zwenezwo zwithihi. Ndi zwenezwo zwithihi ñamusi.

⁶² Zwino ri dzhieila nzhele uri uyu muvhusi o da kha Yesu. Tsha u thoma, zwino, u da a tshi khou ɿoda Vhutshilo Vhu Sa Pheli, u da a tshi khou ɿoda tshidzo. Nangwe zwo ralo, munna wa vhuimo hawe, muñe kha la Israele, fhedzi muñe kha la Israele u da kha Munna ane ra sa vhe na rekhodo ya uri o vhuya a vha na duvha tshikoloni. Munna o aluwesaho, tshifhe o aluwaho, muthu wa vhuçali, u da kha Muthu muswa. Vho vha vhe who tondweswaho, munna wa mupfumi u da kha Muhumbeli we a vha a si na fhetu ha u siamedza thoho Yawe, u Mu vhudzisa nga ha ndila ya tshidzo na Vhutshilo. Tsha u thoma, avho vha iyo Sanhedrini, vhunga Nikodemo o bula, who vhona tshinwe tshithu kha Yesu tshe vhañwe vhanna vha dzangano lavho vha vha si natsho. Vho zwi vhona uri ho vha hu na tshinwe tshithu Khae, ngauri o ri, “Rabi, ri a U divha.” “Rine,” iina, who vha vha si nga zwi buli, ngauri who vha vha tshi do rahelwa nnnda. Ni a vhona? “Ri a zwi divha uri Iwe u Mudededzi a bvaho ha Mudzimu, ngauri a hu na munna we a kona u ita izwi zwithu zwine Wa ita nn̄dani ha musi Mudzimu e nae. Ri a zwi divha hezwo!” Yawee, nn̄nenñe! Dzangano!

⁶³ Zwino, ri dzhieila nzhele uri Yesu o vha e u vhonadzwa ha Mudzimu. Zwino, “A hu na munna ane a nga ita izwi zwithu nn̄dani ha musi Mudzimu e nae.” Vho zwi divha uri ho vha hu na tshinwe tshithu tsho fhambanaho kha uyo Munna. O vha e Tshedza tsha duvha. O vha e Thanzi ya Mudzimu.

⁶⁴ Ngauralo Kora o vhona zwenezwo zwithihi kha Mushe. A who ngo vha na munna nga ilo duvha vhunga Mushe. O vha e thanzi Khethwa ya Mudzimu, ya ilo duvha, kha maanda a Mudzimu. Kora na tshigwada tshawe who a vhona kha Mushe. Who pfesesa uri a ho ngo kona u vha Mushe; Mushe o kundelwa

u vula Lwanzhe Lutswuku, Mushe o kundelwa u rumela mabulayo kha liphasi. Ho vha hu Mudzimu kha Mushe, nahone, ngauri Mudzimu we a Diimela kha ḥanzi kana tshedza tsha masiari, vho kundelwa u Mu vhona. Kora o ṭoda u ita tshigwada tshoṭhe tsha vhanna, u ḥisa ngomu tshiñwe na tshiñwe.

⁶⁵ Izwo ndi zwine dzangano la farisa ngazwo, u dzhenisa muthu muñwe na muñwe a sa ri tshithu a re hone, huno la zwi vhidza “Vhukriste.” Rumelani mutukana tshikoloni ane a sa ḫivhe two engedzeaho nga ha Mudzimu u fhira Muhotentoti a tshi do ḫivha nga ha vhusiku ha Egipita, na mu rumela hangei huno na mu ḫea pfunzo na mu gudisa saikholidzhi, na mu ḫea Ph.D., na digirii ya dokotela kana digirii ḫukhu, kana tshiñwe tshithu kana tshiñwe tshi no nga tshenetsho. Huno na mu rumela kule u yo rera Mafhungo-mađifha, a sa athu tshidzwa na kathihi, a no do landula mbebo ya musidzana na myuwo, a landula phodzo ya Muya, a landula Maanda a Mudzimu, a landula yone-yone milayo ye Yesu a i fela, a landula Marko 16 u vha yo hevhedzwaho, a landula “izwi zwiga zwi do tevhela avho vhane vha tenda” ngeno Yesu o amba Maipfi Eñe muñe, a landula Mishumo 2:38, a landula ḫiñwe-vho la mañwe Mañwalo oṭhe o hevhedzwaho. Huno a lingedza u dzhia maitele a munna ane vha sa ḫivhe tshithu nga hao, huno vha zwi amba vha sa fhedzi. Huno musi ni tshi vha vhudza Ngoho nahone ni tshi vha sumbedza Ngoho, vha a shona u sudzuluwa, nga ḫwambo wa dzangano ḫavho.

⁶⁶ Kora o ita zwenezwo zwithihi. O vhona Mudzimu kha Mushe. O zwi vhona uri ho vha hu Zhendedzi la Mudzimu le la vha li tshi khou shuma nga khae. Huno Nikodemo o vhona Mudzimu kha Kristo, “A hu na munna ane a nga ita izwi zwithu nn̄dani ha musi Mudzimu e nae.” Nikodemo o vha o no di vha kha dzangano, a tshi khou lingedza u bva. Kora o vha o bva, a tshi khou lingedza uri muñwe a dzhene ngomu. Izwo two vha zwi two fhambanaho. Nikodemo o vha a tshi khou lingedza u wana tshidzo, u bva kha itsyo tshithu; o vha khatsho u bva a tshee mutukana, o vha o neto ngatsho. O vha a tshi ṭoda u tshidzwa. Fhedzi Kora o vha a tshi khou lingedza u mu itela fhe—fhetu he a vha a tshi nga vha tshigwili.

⁶⁷ Iyo ndi ndila ine vhathu vha vha ngayo ḫamusi. Uvho ndi vhuleme kha Vhukriste, ri na u edzisela hu si ha ngoho hunzhisa. Huno vhathu vhashu vha Pentekoste, pfarelo nga liambele, vho vhfha ngazwo, mbambedzo ya ḫamani! Mudzimu kha vuse munna huno a mu ḫee tshiñwe tshithu, huno muñwe na muñwe shangoni u do lingedza u edzisela uyo muthu. Naa a ni limuhi uri ni khou vhulaha thimu ya inwi muñe? Musi ni tshi khou tambo futhibola . . . “Huno tshilidzi,” sa Paulo o vha a tshi do vha o zwi amba, “kha ri gidime iyi mbambe ri na vhusifhelembilu.” Munna a re na Bola, ni songo i bvisa zwandani zwawe, lingedzani u mu linda. Fhedzi vhudzuloni ha izwo, ngauri

e si wa dzangano ḥanu, ni lingedza u mu dzhiela Yone. Muňwe munna a re na mādebe nga maanda, o kundelwa, o vha a tshi do khukhulwa nga maluvha a re tshalini, huno zwenezwo a lingedza u ni dzhiela Yone. Izwo ndi zwone. Zwino, ri tshi amba nga lwa maya, ndi a amba. Ni mpfarele, ndi... Zwo ralo, u do khukhulwa nga tshithu tshiṭuku vhunga Mishumo 2:38, u do wa nga ngoho. Arali a vhuya a khukhulwa nga Marko 16, naa u khou yo bvelela hani? Ni a vhona? Ngudo dzenedzo khulwane dza Kristo. Huno tshithu tshenetsho tshe tsha reriwa kha Khoro ya Nicaea, vha ḫo khukhulwa ngatsho nga murahu ha iyi miňwaha yothe.

⁶⁸ U lingedza, Kora o vha a tshi khou lingedza u ita dzangano, u dzhena ngomu ḫalo. Huno Nikodemo o vha e khalo, a tshi khou lingedza u bva khalo. Nikodemo o ḫanganedzwa, huno a bva. Kora o lovha e ngomu ḫalo, nga vhuđidini hawe, o lovha nga vhuđidini ha ene muñe. Yawee, nnenñe!

⁶⁹ Dzangano ḫe Nikodemo a vha e khalo, ḫo zwi ḫivha uri Kristo o vha o ruňwa nga Mudzimu, ḫo amba nga u ralo. Nikodemo, kha ndima ya vhu3 hafha, u a zwi bula, "Rabi, ri a zwi ḫivha uri Iwe u Mudededzi o ruňwaho nga Mudzimu, ngauri a hu na munna ane a nga ita aya mādembe ane Wa ita nn̄dani ha musi Mudzimu e nae." Huno tshigwada tshenetsho tshithihi, nga ḫwambo wa dzangano ḫavho, tsho Mu vhidza "Belesebulu," nga nthani ha maanda Awe a u pandela vhodiabolo, huno ha pfi, "U fhura vhatu vhashu nga Pfunzo Yawe." Ndi zwenezwo zwithihi na ḫamusi. A tshi fhura mini?

⁷⁰ Yesu o ri, "Ndi ita fhedzi tshine tsha takadza Khotsi, Ndi vhulunga fhedzi Maipfi a Mudzimu," ngauri O vha e Ipfi. O kundelwa u ita tshinwe tshithu-vho nga nn̄da ha Ipfi.

⁷¹ Fhedzi, nga ḫwambo wa dzangano ḫavho, nga ḫwambo wa ndila yavho, vho vha vho vhofha vhanna. Mbiluni dzavho vho zwi ḫivha, fhedzi dzangano ḫavho ḫo vha li si nga vha tendeli u zwi vhulunga. Zwenezwo, u ita ndila ya u ponya, u thivhela vhatu u tutshela dzangano ("vhatu vhothe vha khou Mu tevhela"), u thivhela vhatu u tutshela dzangano huno vha tevhela Ngoho ya Mudzimu (zwe A vha e Ngoho "Ndi nn̄e Ngoho, Tshedza"), u vha thivhela u tevhela Heyo, vho amba uri O vha a tshi khou fhura vhatu. Zwi elekanyeni! Munna, we mbiluni yawe a vha a tshi zwi ḫivha uri O vha e Mudzimu, uri Mudzimu o vha e Khae ("a hu na munna ane a nga amba izwi zwithu, kana a ita izwi zwithu, nn̄dani ha musi Mudzimu e nae"), a tshi zwi ḫivha izwo huno a tshi zwi amba izwo huno a tshi zwi bula izwo, huno zwenezwo a tshi rembuluwa huno a Mu vhudza "Belesebulu, na mufhuri wa vhatu," vhatu vhavho, "nga Pfunzo Yawe." Yawee, nnenñe!

⁷² Nikodemo o zwi ḫivha uri O vha e Muporofita. Zwino, uyo o vha e muthihi kha dzangano we a funa Mudzimu lwo

edanaho huno a ofha Mudzimu lwo edanaho, huno a limuha nga Testamente Ndala uri uyu Munna u na dzindalukanyo huno o sumbedzwa nahone a khwathiswa, Muporofita o ruñwaho nga Mudzimu. Uyo munna, ndi do mu hulisa arali o da vhusiku, a swika heneffho. U khwine nga maanda u fhira vhunzhi ha vhadededzi vhashu ñamusi, vha nga si de na luthihi. Nikodemo o swika mafhedziselonni. Ngauralo, ni songo mu hatula, arali inwi ni sa athu swika. Nikodemo o zwi divha uri O vha e Muporofita, ngauralo o ofha Mudzimu. O vha a si nga litshi uyo Munna a tshi tuwa khae, Tshedza tsha ilo ñuvha. A hu londwi uri Tsho vha tsho fhambana zwingafhani, uri dzangano lawe lo ri Tsho vha tsho fhambana zwingafhani, o vhona Mudzimu a tshi khwathisedza uyo Munna huno a zwi divha uri O vha e Muporofita. Huno arali O vha e Muporofita, Ipfi la Murena li dela muporofita, huno O zwi divha zwe A vha a tshi khou amba nga hazwo. Ni a vhona? Ngauralo o ya kha Yesu, a toda u divha uri a nga wana tshidzo hani. Arali uyu Munna o vha e Muporofita, Ipfi la Mudzimu lo vha li Nae, huno U do divha ndila ya tshidzo.

⁷³ Fhedzi zwe Nikodemo a do tea u guda ndi zwine vhathe vhanzhi ñamusi, vha dinomineisheni dza lino ñuvha, vha tea u guda. Zwe Nikodemo a vha o tea o zwi divha, ndi zwine vhathe ñamusi vha vha vho tea u vha vho zwi divha, vha idzi dinomineisheni. O vha a tshi fhira Muporofita. U da Khae u wana, u Mu vhudza u mu vhudza uri ndi ifhio ndila ya u ya kha Vhutshilo, huno Yesu Ene mune o vha e Vhutshilo. A re na Murwa u na Vhutshilo. Ngauralo ho ngo ralo, ho ngo fanela u da u lingedza u guda pfunzo, u fanela u da u tanganedza Muthu. Izwo ndi zwine zwa vha zwone madekwana a ñamusi! Tombo la khuda Lihulu li khou landulwa hafhu. Naa Tombo la khuda Lihulu ndi mini? Ndi Ipfi, a hu na zwiniwe. Kristo, Ndi Ipfi.

⁷⁴ O do tea u guda tshiniwe tshithu. O elekanya, “Zwo luga, zwino, uyu Munna ndi Muporofita, U tou vha Muporofita.”

⁷⁵ Ngauralo, no dzhiela nzhele, Yesu ho ngo fhindula mbudziso yawe, O tou mu kaidzela vhupofu hawe. U fhira Muporofita, O vha e Ipfi na Tshedza tsha Ipfi tshi penyaho! O vha e Mudzimu a penyaho nga kha tshishumiswa, a tshi khou sumbedza uri ho vha hu Mudzimu kha Munna. O vha e Ipfi. Yohane Ya U Thoma, ndima ya 1... Yohane Mukhethwa, ndima ya 1, kha ndi ralo, i ri, “U rangani Ipfi o vha e hone, huno Ipfi o vha e na Mudzimu, huno Ipfi o vha e Mudzimu. Huno Ipfi a itwa ñama, huno a dzula vhukati hashu.” Huno hafha Ipfi la Mudzimu lo vha li tshi khou penya nga kha iyi fureme i shayaho nungo ya Munna, huno ya pofudza dzangano. Fhedzi U da u wana vhathe. U fhira Muporofita, O vha e Ipfi! Ndi Vhutshilo. Hu si... O vha a songo tea u ni funza nga ha vhuñwe Vhutshilo vhu ñaho, O vha e uvho Vhutshilo Ene mune! O vha e Vhutshilo. O vha e Tshedza. O vha e Vhutshilo.

O vha e Vhutshilo Vhu Sa Fheli, ho vha vhu Khae, huno Ene e eṭhe ndi Muṇei wa Vhutshilo Vhu Sa Fheli. “A re na Murwa u na Vhutshilo.” Ngauralo no...ni nga si tou vha na Ipfi li tshi khou funza nga Hae, ni tea u vha Nae.

⁷⁶ Inwi ni ri, “Oo, vhathu vha dzula fhasi huno vha guda iyo Bivhili na maipfi a Tshigerika oṭhe, na zwine thalutshedzo dza vha dzone, na dzitswayo, na zwiñwe-vho.” Huno vha sa ḋivhe zwo engedzeaho nga ha Mudzimu u fhira tshiñwe tshithu! Ni a vhona? Hai! A re na—a re na tshi—tshi—tshivhumbeo, a re na pułane? Ndi a re na Murwa, a re Nae, Muthu. Ndi Ene a re na Vhutshilo.

⁷⁷ Nikodemo o zwi ḋivha uri O ḋivha nga ha Vhutshilo, fhedzi na kathihi ho ngo zwi ḋivha uri Ene o vha e Vhutshilo Vhu Sa Fheli. Uyo ndi ene, Munna we a vha a tshi khou amba nae, Muqinda, Tshedza tsha duvha, Tshedza tsha shango. “Tshedza tshi penya swiswini, huno swiswi a lo ngo tshi pfesesa. O rumelwa kha vha re Vha Ene muṇe huno Vha Ene muṇe a vho ngo Mu ṭanganedza.” Ndi ngani? Ndi ngani? Ngauri vho vha vho dzudzanye nga maanda, vhe kati na u ṭanzwa dzikhali na dzipani, na maitele, lwe vha kundelwa u vhona Ipfi lo itwaho ḡama.

⁷⁸ Zwi a dovhoholwa. Zwi a dovhoholwa hafhu. ḋivhazwakale i a ḋidovholola kanzhi. Ee, o zwi ḋivha uri O vha e na—O ḋivha nga ha Vhutshilo, fhedzi Nikodemo ho ngo zwi ḋivha uri O vha e Vhutshilo. Izwo ndi zwi re zwone namusi. Vhathu vhanzhi vha lingedza u ita Yesu, oo, Mudededzi muhulwane, nahone vha lingedza u ri O vha e Muporofita. Fhedzi musi ni tshi lingedza u ri O vha e Mudzimu, izwo zwo kalulesa. Ni a vhona? Fhedzi O vha e Mudzimu, huno Ndi Mudzimu, nahone tshifhinga tshoṭhe U ḍo vha Mudzimu. Ndi zwenezwo fhedzi. Izwo ndi zwone.

⁷⁹ Dzhielani nzhele, na kathihi Ho ngo vhudza Nikodemo, zwino, musi a tshi da Khae, na kathihi Ho ngo ri, “Zwino, Nikodemo, Ndi na dzithompho khulwane kha iwe, dza uri u mu—mu—mune kha la Israele. Ndi ḍo u vhudza tshire, wa khou ḫoda ndi Vhutshilo Vhu Sa Fheli, thañwe u tea u pholisha ndivhongudwa yau. A u ambi maipfi au nga ndila yone.” Vhūṭafutafu. “Kana, khamusi u tea u ḫoda ofisi ya nthā kha dinomineisheni yau, u vha na Vhutshilo Vhu Sa Fheli.”

⁸⁰ Izwo ndi zwe vhathu vhanzhi nga maanda vha lingedza u ita ḡamusi, uh-huh, ofisi ya nthā, vha ḫoda u vha u bva kha mu—mufunzi u ya kha tshifhe wa shango, kana—kana u vha muñwe mubishopo kana tshiñwe tshithu tshi no nga tshenetsho. Izwo a zwi tsha vha na mushumo na Mudzimu u fhira tshiñwe tshithu.

⁸¹ Sedzani zwe A ita phanda ha muthu o raloho. O mu kaidzela u sa ḋivha hawe awara ye a vha a tshi khou tshila

khayo, “U ḥoda u Mmbudza uri u muṇe kha ḥa Israele huno a u koni u pfectesa izwi zwithu, musi,” A ri, “muthu a tshi tea u bebwa hafhu?”

⁸² “Malandu,” a ri, “nne munna o aluwaho, nda dzhena mbumbeloni dla mme anga?”

⁸³ A ri, “Huno iwe u mubishopo, mukhadinala, tshifhe wa muvhuso tshivhidzoni tsha Pentekoste,” kana muṇwe muthu-vho, “muṇwe munna muhulwane kha dzangano, huno a u divhi Luṇwalo?”

“Oo, ri na Mushe.”

⁸⁴ “Arali wo vha wo divha Mushe, wo vha u tshi do vha wo Nndivha, ngauri ndi ene we a amba nga ha Nqe.” Ni a vhona? Fhedzi hu si u ya nga maitele avho, dzangano ḥavho—lavho, izwo zwo vha zwi zwo fhambanaho. Fhedzi Mushe o amba nga Hae, huno O vha e Uyo we Mushe a amba nga hae, huno nangwe zwo ralo a vho ngo zwi divha. Ndi ngani? Vho divhofha nga maanda nga maitele, lwe a vho ngo zwi divha.

⁸⁵ Huno vharathu vhanga vhane vha vhala, vha no dzhia iyi theiphi, ni songo i dzima zwino. Lwa tshifhinganyana, kha ri sedze itshi tshithu ro tshi livha. Ndi a ni funa, inwi ni mulisa. Huno a thi khou lingedza u vha a no divha zweṭhe. Arali ndi tshi khou ita iyo mbonadzo, zwenezwo inwi ni imise theiphi huno ni nthabelele. Ndi khou lingedza fhedzi u ni disela tshiṇwe tshithu tshi re Ngoho. Ni songo tshi litsha tshi tshi ni fhira.

⁸⁶ Zwino, ndi thonifha ndaela ya munna, na zwiṇwe-vho, fhedzi musi ni tshi ita aya madzangano... Sedzani Vhafarisei, vho vha si na mushumo na Vhasadukei, ngauri Vhasadukei a vho ngo tenda kha—kha muruṇwa kana—kana maya, kana mvuwo, kana tshiṇwe tshithu, huno Vhafarisei vho vha vhe na zweṭhe, huno vho vha vha tshi lwa. Zwino vha vhuthihi vha tenda tshiṇwe tshithu, vha vhuraruthihi vha tenda tshiṇwe, huno Mumethodisi tshiṇwe, na Mupuresbiteriemi tshiṇwe, nahone ni vhea mikano mituku. Huno ni na mini? U fhandekana ha dzangano ḥa vhuthihi. Nga iṇwe ndila, ri do wana afho fhethu Bivhilini nga tshifhinganyana, zwine ḥa vha zwone, na zwine Mudzimu a amba uri li zwone.

⁸⁷ Zwino, hai, na kathihi Ho ngo mu vhudza u pholisha. O vha a tshi khou tou mu kaidza u sa divha tshithu tsha vhukuma. “Iwe u muṇe kha ḥa Israele, huno a u divhi izwi zwithu? Arali Ndo u vhudza zwithu zwa lifhasi, huno a u koni u zwi pfectesa...” Elekanyani! “Muṇe, vhuimo ha n̄ha tshivhidzoni tsha lutendo kwalwo, mubishopo, mukhadinala, huno a u koni na u pfectesa tshivhumbeo tsha lushie tsha zwithu zwa mvelo zwine Nda u vhudza, naa u khou yo pfectesa hani zwithu zwa maya zwi bvaho Ṭadulu?”

⁸⁸ Fhedzi murei wa khovhe a si na ndivho o aluwaho we a kundelwa na u nwala dzina la ene munę, o Li pfesesa, ni a vhona, huno a itwa thoho ya tshivhidzo ngei Yerusalem, Petro. Ni a vhona? Oo, "Vhothe vhe Khotsi a Nneea vhone, vha do da." Ni a vhona? Vha a Li vhona. Vha a Li tenda. Vha a ita Ngalo, vha tshi zwi divha uri a hu na tshi no do vha fara.

⁸⁹ U tou fana na mufuwi. A zwithu zwavhuđi u ita miswaswo, fhedzi u ita tshifanyiso. Vho ri mufuwi o dzudza phambo, huno vho vha vha si na makumba o edanaho, a vhea gumba la sekwa fhasi hayo. Musi sekwa lituku lo no thothonywa, lo vha li tshithu tshi vhonalaho tshi tshi kanukisesa tshe idzo khukhwana dza vhuya dza tshi vhona. Lo vha li na tshifhađuwo tshilapfu tshi kanukisaho, huno la tshimbila li tshi kwakwa vhudzuloni ha u ita kukuliko, huno—huno khukhwana dzothe dza la nahone dza dzhomba u mona na dulu. Huno iyo yo vha i si nndyo yalo, kokotolo. Ngauralo linwe duvha phambo ya kale ya li isa murahu ha dulu, u fara zwipanzi, huno seli ha muvhundu ho vha hu na i—isha. Huno zwa sokou itea muya wa da u tshi bva ishani, huno la pfa munukho wa madi. I tou vha mvelo yalo. Phambo ya kale ya ri, "Kukuliko, kukuliko, kukuliko, kukuliko, vhuya murahu!"

⁹⁰ La ri, "Kwakwa, kwakwa, kwakwa," heneffo u ya mađini. Ndi ngani? Lo vha li sekwa, tsha u tou thoma. A hu londwi uri phambo yo ita kukuliko zwingafhami, lo vha li kha di vha sekwa.

⁹¹ Huno iyo ndi ndila ine zwa vha ngayo kha munna o telwaho Vhutshiloni Vhu Sa Fheli. Musi a tshi vhona Tshedza tsha Mudzimu, a hu na madzangano o edanaho shangoni u mu itela kukuliko murahu ngomu hao. Hai. Ndi ngani? Ndi mvelo yawe. A nga di vha o vha e kha nndyo navho lwa tshifhinga tshilapfu, huno a tshi khou la mađagala na zwa matshilisano zwavho, fhedzi u da fhethu he a wana tshiňwe tshithu tsho fhambanaho, ngauralo u a zwi divha. "Nngu Dzanga dici divha Ippi Langa," o amba Yesu, "mutsinda a dici nga mu tevheli." Dici nga di vha dici tshi khou tevhela tshiňwe tshithu tshisili, fhedzi fhasi ngomu hadzo hu na tshiňwe tshithu tsho fhambanaho. Kha dici tou pfa Ngoho tshiňwe tshifhinga, ni dici sedze. "Vhothe vhe Khotsi a Nneea vhone vha do da."

⁹² Iina, O mu kaidzela u sa divha. "Iwe u munę kha ja Israele, huno a u divhi izwi zwithu? Ü fanela u bebwa hafhu!" Zwino, ivhani munna wa mvelo, ndi ḥoda u...inwi ni dzhiele nzhele tshiňwe tshithu hafha, "Ni fanela u bebwa hafhu."

⁹³ Zwino, vhutshilo ha mvelo, arali ri na vhutshilo ha mvelo, uri ri kone u vha vha shumaho kha uvhu vhutshilo ha mvelo, kha zwithu zwa mvelo, ri tea u vha na mbebo ya mvelo. A vha sokou ni khwidela fhasi ni tshi bva murini huňwe fhethu, ni a vhona, vha ni ḥomola nga inwe ndila. Vho zwi lingedza, fhedzi a two ngo shuma. I tea u vha mbebo ya vhukuma, mbebo ya

mvelo, u ni ita a shumaho uri ni kone u vha na zwipfi zwiyanu, u tshimbila, u amba, u vhona, u thetshela, u pfa, u nukhedza, u thetshelesa, u mona-mona, na zwiñwe-vho, ngauri ndi hone-ha ni muthu, nahone ni—ni tewa nga izwi zwithu zweþe ngauri zwi dzhena ngomu vhutshiloni ha mvelo.

⁹⁴ Huno, kha mbebo yo raloho, nga tshiñwe tshifhinga ri vha vho ɬalifhaho nga maanda kha vhùali ha shango kana mafhungo a shango, ri vha Vhaphuresidennde na—na zwikola zwiñlwane, na mashumele makone na vhorasaintsi, na zwiñwe-vho. Huno tshifhinga tshoþe ni a ðivha, u bva u rangani, ho vha hu vhana vha Kaini vhe vha vha na ulwo lushaka lwa vhùali; hu si vha Sethe, vho vha vhe vhalisa vha nngu vha ɬitukufhazdaho. Fhedzi vhana vha Sethe vho vha vhe vhathu vha ofhaho Mudzimu. Fhedzi vhana vha Kaini tshifhinga tshoþe vho vha vho thanya, vhe vha nthia, vha saints, madokotela na vhanna vhahulwane. Izwo ndi zwone. Bivhili yo amba nga u ralo, ni a ðivha, Iyo i funza hezwo. Nahone vha vhurereli nga maanda, fhedzi vha lovha magumoni. Ri vha vho ɬalifhaho nga u ya tshikoloni, ri tshi dzhia ndivhongudwa, na zwiñwe-vho, ri vha vho ɬalifhaho nga maanda, vho thanyaho, huno ri nga ita zwithu huno ra amba zwithu, nahone nga tshiñwe tshifhinga ra amba u fhira munna o ɬalahlo Muya. Naa Yesu ho ngo amba, “Vhana vha ɿino shango vho ɬalifha u fhira vhana vha Muvhuso”? Ngoho, ngauri vhone, nga maanda a ɬhalukanyo avho vha a kona—kona u amba huno vha fhira vhañwe nga vhùali nahone vha amba u vha fhira, huno vha dzhia Mañwalo huno vha A shanda u A ita uri a ambe zwithu zwine A sa zwi ambe.

⁹⁵ “Oo, A li ambi kokotolo hezwo.” Musi munna a tshi amba hezwo, tutshelani kule hawe. Mudzimu u sedzesi Ipfi Lawe, ni a ðivha, Bivhili yo amba. Lo ñwalwa nga ndila ine ɿa tea u vha ngayo. Ni a vhona? Zwino, Lo vhewa nga ndila ine ya flura, kana u ita uri vhùali vha khukhulwe Ngalo. Li a leluwa nga maanda, itsho ndi tshone tshi itisaho uri Li vha khukhule. Ni a vhona? Zwo luga.

⁹⁶ Hoþe uvhu vhùali na zwithu zwine vha kona u zwi kuvhanganya, u swika zwino, fhedzi zwi bva...iyo mbebo i bva fhasi ha, ili lifhasi. I bva kha lifhasi, huno i lwa na Muya wa Mudzimu. Mbebo ya u thoma, u ri ita uri ri vhe vha shumaho hafha, i ri ita muthu a faho, nga nthani ha nyito ya tshivhi ngadeni, yo ita uri munna a de shangoni nga musadzi. Huno munna o bebwaho nga musadzi ndi wa maduvha a si gathi, fhedzi munna o bebwaho nga Kristo ndi wa U Ya Nga Hu Sa Theli. Yobo o amba, “Munna o bebwaho nga musadzi ndi wa maduvha a si gathi na u ɬalelwu nga vhuleme.” Dzhielani nzhele, fhedzi munna o bebwaho nga Kristo, u tea u bebwu Ntha. Zwino, fhedzi munna o bebwaho nga lifhasi, u a ɬalifha nahone kaþukuþku a nga fhira vhañwe nga u thanya.

⁹⁷ Sedzani uri diabolo o vha e na vhukwila hani, o tsilufhadza tshifhe muñwe na muñwe a no da kha liphasi. Ene ngoho o ita. O tsilufhadza, u kha di zwi ita. Iina, ngoho o ita. O vha o thanya, fhedzi u da u lwa na o mu edanaho, linwe duvha, We a mu kunda. Huno tshithu fhedzi tshire ra tea u ita ndi u tou ditika Ngae, O no di mu kunda. Ni a vhona?

⁹⁸ Fhedzi vhu bva phasi, huno hone, uvhu vhuçali vhume munna a kona u vhu kuvhanganya u sumbedza na u tana izwu zwithu zweithe uri ndi ngani munna a tshi tea u ita *itshi* na uri munna u tea u ita *itsho*, zwe fhambana nahone ndi vhuswina (thalukanyo ya nama) kha Mudzimu. Luñwalo lwo amba nga u ralo. Ndi zwone. A hu londwi uri vha kona hani, u zwi shanda nga u thanya. Ndi toda muñwe muthu a tshi ntsumbedza he Mudzimu a vhuya a vha na dzangano kana a vhuya a laya uri linwe li vhe hone, nga nnnda ha zwine zwa li hatula haffha Bivhilini. A hu londwi uri vha lingedza u vha vho thanyaho hani, ndi zwe fhambanaho! Nga ndila ine vhuçali vhu nga ima huno ha ni taçisa nga vhukoni, huno ha ni ita uri ni pfe ni *uyo muñku* nga u ni vhudza nga hazwo, fhedzi ndi zwe fhambanaho na Mañwalo.

⁹⁹ Muñwe muthu o ri kha nne, “Mukomana Branham, hu na tshithu tshithihi tshire nda lwa na inwi ngatsho.” Ha pfi, “Inwi ni Yesu Fhedzi.”

Nda ri, “A thi ene. A thi wa linwe dzangano-vho.”

¹⁰⁰ Tshifhe wa linwe shango o ruñwaho, linwe duvha, huno a ri, “Muñwe muthu o mmbudza uri no vha ni Yesu Fhedzi, Mukomana Branham.”

Nda ri, “Izwo ndi zwe fhambanaho. Izwo zwe khakhea.”

¹⁰¹ Ha pfi, “Vho mmbudza uri ni tenda kha lufuno lwo vhofholowaho, uri vhanna vha tea u tutshela vhafumakadzi vhavho huno vha zwima . . .” Zwino, ni a vhona, ayo a tou vha mazwifhi a diabolo. Ni a zwi ñivha hezwo.

¹⁰² Nda ri, “Nne ndi lwa lwo fhelelaho na zwithu zwi si zwa mañwalo zwe raloho! Ndi tenda kha vhukhethwa na lukuna. Ndi tenda uri munna o vhofhekanywa na mufumakadzi wawe musi vha tshi khou di tshila.” Inwi ni songo mu dzhia ni songo thoma na rabela.

¹⁰³ Huno Yesu Fhedzi, tshigwada tsha Yesu Fhedzi, a hu na tshire nda lwa navho ngatsho, vhone ndi vhavhu ñi sa tshiñwe tshigwada-vho, kha nne. Fhedzi vha lovhedza nga ndila yo khakheaho, vha lovhedzela kha kutshilele kuswa. Ndi tenda uri ri newa kutshilele kuswa nga Muya Mukhethwa, hu si nga mađi. Ndi a shumisa Dzina la Yesu Kristo kha ndovhedzo, huno a hu na luñwe Luñwalo Bivhilini lwa u tikedza . . . u zwi ita uri zwi vhe zwe fhambanaho. A ho ngo vha na muthu Bivhilini we a vhuya a lovhedzwa nga dzina la “Khotsi,

Murwa, Muya Mukhethwa.” Ndi ḥoda muńwe muthu a tshi da a ntsumbedza fhethu huthihi he mūthu muthihi a lovhedzwa nga u ralo. Zwenezwo, arali zwi si zwa mańwalo, litshani u zwi ita!

Inwi ni ri, “A zwi iti phambano.”

¹⁰⁴ Zwo ita kha Paulo. O vha laya uri vha lovhedzwe hafhu, nga Dzina la Yesu Kristo, huno zwenezwo vha ṭanganedze Muya Mukhethwa. Huno Paulo o ri, “Arali muruiwā a bvaho Ṭadulu,” Vhagalata 1:8, “a da, a funza mańwe Mafhungo-mađifha-vho,” a si hayo e a a funza, “nga a vhe o seńwaho.”

¹⁰⁵ Ni a vhona, ndi maitele. Ndo amba na munna muhulwane zwi si zwa kale-kale. Ha pfi, “Mukomana Branham, ndi nga si kone. Ndi a zwi ḥivha uri Izwo ndi zwone,” a ri, “fhedzi ndi nga itani Ngalo?”

Nda ri, “Li thetsheleseni!”

A ri, “Mulandu, ndi—ndi na bvumo vhukati ha vhathu vha hashu.”

¹⁰⁶ Nda ri, “Fhedzi ndi ḥoda bvumo na Mudzimu, ngauralo thetshelesani Ipfi Lawe. Ni tea u nanga, ni do shumela Mudzimu kana muthu?”

¹⁰⁷ Fhedzi vha wana dzangano lavho, vha vhea idzi ndīvhiso khalo, vha tevhela u swika fhasi. Lwa u thoma lwe iyo ya vhuya ya shumiswa ho vha hu kha tshivhidzo tsha Roma Kaṭolika. Izwo ndi zwone. Ndi ḥoda muńwe muthu a no do ntsumbedza tshińwe tshithu tsho fhambanaho. Ndi a vhala ḥivhazwakale, na nne-vho, ni a ḥivha. Ngauralo elelwani, iyo ndi ndovhedzo ya Kaṭolika, huno muńwe na muńwe we a lovhedzwa nga iyo ndila o lovhedzelwa vhutamani ha Kaṭolika. Ndi do zwi sumbedza vhusiku vhu sa athu tsha, arali Murena a tshi funa. Izwo ndi zwone. Itsho ndi tshone tshi no itisa uri ni vhuye murahu.

¹⁰⁸ Hu si Yesu Fhedzi. Zwino, hu na vhunzhi ha vhanna vhavhuđi tshivhidzoni tsha Yesu Fhedzi. Vhunzhi ha vhanna vhavhuđi kha Khuvhangano dza Mudzimu, Tshivhidzo tsha Mudzimu, Methodisi, Baphuthisi, Puresbiterieni, na Kaṭolika. Fhedzi a hu na na lithihi lao li re Tshivhidzo, a hu na na lithihi lao. Hu na vhathu ngomu henefho vha re vha Tshivhidzo. Fhedzi a si iyo dinomineisheni ine vha vha nayo i no vha ita Tshivhidzo, vhunga vhanna vha tshi lingedza u zwi ita nga iyo ndila. Zwo khakhea. Lwa tshifhinganyana ri do tsela fhasi ndi tshi ni ɻea luńwalo nga zwifhinganyana zwi si gathi.

¹⁰⁹ Ee, u vha a shumaho kha lifhasi, ni tea u bebwa lwa mvelo u vha a shumaho, huno mbebo yo raloho i ri ita vho talifhaho sa zwe nda amba. Ni a vhona? Huno ri vha vho thanyaho, vhutali, maanda a ḥalukanyo ashu a ri ɻea hone. Fhedzi elelwani uri iyo mbebo, honoho u ranga hayo, ndi ho fhambanaho. Ndi ha lifhasi nahone ho fhambana na Ipfi ja Mudzimu, ho tsilufhala kha Mudzimu na kha pułane Yawe,

hu sa ḋivhi pułane ya Mudzimu. Arali ho vha hu songo ralo, Nikodemo o vha a tshi ḋo vha o ḋivha two engedzeaho u fhira zwe Yesu a ḋivha nga Halo. Ni a vhona? "Naa iwe u muṇe kha la Israele?" Ni a vhona? Vhonani hune dinomineisheni dzaṇu dza ya, hune vhanna vhahulwane vho thanyaho vhaṇu vha no kuvhangana huno vha ola pułane dzavho, huno vha dzula?

¹¹⁰ Kha ndi ni vhudze izwi. Tshifhinga tshothe Mudzimu a tshi rumela Tshedza kha liphasi, nga ha tshiṇwe tshithu kha Luṇwalo, vha a shavhela kule natsho. Huno zwenezwo uyo munna o no ṭuwa, vha ita dzangano ngatsho. Huno zwenezwo vha tshi tou li dzudzanya, ndi ṭodou humbela muṇwe mudivhazwakale-vho (a re hone fhano zwino, kana ndi kha dzitheiphi) u ḋa u ntsumbedza. Tshifhinga tshiṇwe na tshiṇwe tshe munna a vhuya a dzudzanya tshivhidzo, tsho fa henehafho huno na kathihi tsha si tsha dovha tsha vuwa. Ndi two fhambanaho kha Mudzimu. Ndi two fhambanaho na Maṇwalo. Ngauralo-ha ndi lwa nazwo, tshiṇwe na tshiṇwe tshine Mudzimu a lwa natsho. Arali Mudzimu e kha nne, zwenezwo ndi lwa na zwine Mudzimu a lwa nazwo. Swina Ławe ndi swina langa. Tshivhidzo Tshawe ndi Tshivhidzo tshanga. Vhutshilo Hawe ndi Vhutshilo hanga. O ḋekedza Vhutshilo Hawe, O vha nne uri nne nga kha tshilidzi Tshawe ndi kone u fana na Ene. Ni a vhona? Ro tshintsha mafhethu. U vha muitazwihhi vhunga nne huno a mpfela, fhethu hanga, uri ndi kone u vha murwa wa Mudzimu vhunga zwe A vha e zwone.

¹¹¹ Zwino ni a vhona hune dinomineisheni dzaṇu dza vha hu uri dzo no ḋi swika hone? (A ri athu thoma.) Vho ḫalifhaho kha vhuṭali ha shango fhedzi vho faho kha pułane ya Mudzimu! Zwino kha ri lavhelese murahu, ri ime hafha lwa tshifhinganya.

¹¹² Adamu o vha o fhambanaho na pułane ya Mudzimu, nga ḫwambo wa uri a songo thetshelesa Ipfi. O lingedza u diitela tshifukedzi, vhurereli. Tsho kundelwa, huno tshifhinga tshothe tsho kundelwa, tshine muthu a lingedza u ita. Nimirodo o khakha. Kora a lovha. Naa vho vha vha tshi khou lingedza u itani? U ita dzangano.

¹¹³ Huno nga murahu ha hezwo, musi mafhedziseloni vho no didzudzanya, Yesu a vha wana, vho fa! Ha pfi, "Ni na maṇo huno a ni koni u vhona. Ni na dzindevhe huno a ni koni u pfa." Ni a vhona? Ha pfi, "Ni bofu, no ranga phanda bofu. Arali bofu li tshi ranga phanda bofu, naa vhuvhili hao ha weli museleni?" O ri, "Iwe u muṇe kha la Israele, huno a u koni na u pfectsa zwine mbebo ntswa ya vha zwone? Ngeno, arali wo vha wo vha kule ha ayo maitele, huno wa farelela kha Ipfi, wo vha u tshi ḋo vha wo zwi ḋivha uri Ndo vha ndi tshi khou ḋa u ḋea vhathu mbebo ntswa. Wo vha u tshi ḋo vha wo ḋivha duvha Łanga. Arali wo vha wo ḋivha Mushe, wo vha u tshi ḋo

vha wo Nndivha. Mushe o amba nga ha Nne huno a ri Ndi do da, huno Ndi fhano! Huno arali Ndi sa iti zwithu zwe Mushe na vhaporofita vha amba uri Ndi do ita, zwenezwo u songo Ntenda. Arali Ndi sa iti mishumo ya Mudzimu, zwenezwo u songo Ntenda. Fhedzi arali u sa koni u Ntenda, ndi Muthu, nahone arali u sa koni u Ntenda ngauri Ndi Muthu nahone ndi tshi ita mishumo ya Mudzimu, tenda mishumo ngauri i ḥanziela tshithu tshire Nda khou ita.” Ni a vhona?

¹¹⁴ Fhedzi zwenezwo, sa ɿamusi, arali O tshila kha lifhasi ɿamusi, Khuvhangano dza Mudzimu dzo vha dzi tshi do vha na muthihi, vha Vhuthihi vho vha vha tshi do vha na muthihi, huno muñwe na muñwe o vha a tshi do vha na ene Yesu. Ngoho, dinomineisheni yavho yo do tea u dzhia bola. Ni a vhona? Arali i sa khou yo ralo, zwenezwo a vha khou yo ralo. U fhandekanya dzangano la vhuthihi.

¹¹⁵ Ndi elelwa mutukanyana o rinwaho “Little David.” Ndi munna, o mala zwino, ndi a humbulela uri u na muña. Ndi elelwa musi a tshi thoma. Ndo ya ngei St. Louis. Ndo no pfa nga ha vhareri vha vhatukanyana, vha no do takuwa heneffho huno vha ri, “Yesu, mutukanyana, o bebelwaho mukungwani. Mommy, zwiñwe zwa hezwo zwo vha zwi zwifhio?” Fhedzi hu si uyo mutukanyana. A posa badzhi yawe, a dzhia liñwalwa huno a rera. Fhedzi o vha e mini? Zwo sokou itea a vha e Yesu Fhedzi. Khotsi awe, Vho-Walker, vho vha vhe vha Yesu Fhedzi. Mulandu, vha Dzikuhvhangano vho kundelwa u zwi konđelela hezwo. Vho do tea u vha wanela David muñuku. Mulandu, vhañwe vhoñte vho do tea u vha wanela David muñuku. Huno nga tshiñwe tshifhinga musi mutukanyana o fara muñangano fhasi ngei Florida, o mmbidzelela uri ndi tsele fhasi huno ndi mu thuse. Huno Mukomana Moore na nñe ra vhalo masiañari mavhili a tshipida tsha nga phanda tsha bammbiri, hu si na tshithu nga nnnda ha Davids muñuku, tshivhidzo tshiñwe na tshiñwe tsho vha tshi na David muñuku. Oo, nga vhanna! Mulandu, arali tshivhalonyana tsha vhahulwane vha Mudzimu tsho vha tsho limuwa tshifhiwa kha uyo muthu muñuku, o vha a tshi do vha o swielela mimuya ya zwigidi ngomu Muvhusoni, ni a vhona; mu vhudzeni uri a hangwe maitele awe nga ha muthu na izwi nga u ralo. Mudzimu o vha e na tshifhiwa vhutshiloni hawé, tshi shumiseni!

¹¹⁶ Musi phodzo ya Muya i tshi imelwa lwa u thoma, muñwe na muñwe o vha e na vhudipfi tshandani tshawe nahone a kona u pfa munukho wa malwadze. Huno, yawee, nñenñe! Ndi ngani? Vho do tea u zwi ita, dzangano ɿavho lo vha li kha mbambe ya murahu. Ni a vhona, madzangano anu a nga phanda ha puñane ya Mudzimu, ni elekanya uri ndi zwone. Fhedzi Mudzimu u na Tshivhidzo Tshawe tshi no khou tshimbila nga ndila i fanaho, Muvhili wo dzumbamaho. Inwi a ni vhi murado wa Hoyo, ni bebelwa Khawo.

¹¹⁷ Vho Ძalifha nga vhuṭali ha shango, fhedzi vho fa kha puļane dza Mudzimu. Mmbudzeni, zwenezwo. Mmbudzeni, zwenezwo. Ni nga vha vhudza huno na vha sumbedza uri vha a khakha, nga Ipfi ᲍a Mudzimu na pfulufhedziso, huno naho two ralo a vha nga zwi vboni. Ndi nga dzula henehfo fhasi huno nda dzhia Ipfi huno nda ni sumbedza uri dinomineisheni yo khakhea. Ndi nga ni sumbedza uri ndaela dzine na vha nadzo Დamusi dzo khakhea, ni a vhona, idzi ndaela dza tshivhidzo. Nda sumbedza uri dzo khakhea, huno vha ᲍o ri, “Zwo luga, ro funzwa u tenda *itshi*.” Ni a vhona, u ya nga muhumbulo wanga, ndi—ndi furu, arali ni tshi divha tshine nda khou amba nga hatsho, furu ya ganunu. Iina, izwo ndi zwone. A vha koni u vhona. Yesu o ri, “Inwi, inwi—inwi a ni koni u vhona, uri ni kone u ᲍a kha Nne huno na vha na Vhutshilo.”

¹¹⁸ Ho vha hu na Nikodemo, munna a huliseaho, munna muhulwane, mubishopo tshivhidzoni tshawe, munna a divheaho, a funwaho nga muīwe na muīwe, huno a ᲍a kha Yesu huno a sa divhi nga ha vhutshilo u fhira—u fhira hu si na tsho itaho. O vha a sa divhi nga maanda nga Halo musi Yesu a tshi mu kaidzela zwone, fhedzi o vha a tshi fhulufhedzea lwo edanaho uri a nga ᲍a. Vharīwe vhavho vhothe a vho ngo vhuya vha ᲍a. Vho ima kule na vhotshifhe vhahulu na Mubishopo *Mukenenene* na *Mukenenene*. Ni a vhona? Vho ima kule navho, vha didzhiela maitele avho a vhahulwane vhavho u fhira u pfa Ipfi ᲍a Mudzimu.

¹¹⁹ Zwino, inwi ni nga vha vhudza, vha nga si zwi thetsheles. Ni nga tou kokotolo... Ni nga humbulela... Ndi ᲍odou ni vhudzisa tshiñwe tshithu. A thi khou amba izwi u ᲍ambuludza. Zwino, vharathu vha no khou thetshelesa theiphi, a thi khou amba izwi nga u ᲍ambuludza. Naa ni nga humbulela nne ndi tshi bva hafha, huno—huno tshikhūthu kha muri tsha mmbudzisa, “Zwi ᲍a hani shangoni u tshi mona-mona vhunga u tshi ita? Ndi na vhutshilo, ndi nne tshikhūthu kha uyu muri”? Tshi nga sumbedza uri tshi na vhutshilo, fhedzi ndi lushaka lwo khakheaho. Arali tshi tshi ᲍oda u mona-mona, ndila i yothe ine tsha ᲍o vhuya tsha mona-mona, u vhona, u thetshelesa, u pfa, u nukhedza na u thetshelesa, arali tshi tshi nga amba huno tsha amba na nne huno tsha humbela hezwo, ndila i yothe, tshi ᲍o tea u bebwa nga ndila i fanaho na ye nda bebwa. Amene. Na kathihi a tshi nga zwi pfesesi nga iñwe ndila-vho. Fhedzi arali tshi bebwa nga ndila i fanaho na ye nda bebwa, zwenezwo tshi ᲍o divha zwithu zwine nda zwi divha. Amene. Yawee, nnenne! Ee, muñe wanga. Ni nga si vhudze tshikhūthu murini ndila ine ra tshimbila nahone ra vha vha shumaho, tshi ᲍o tea u ᲍anganedza lushaka lwashu lwa vhutshilo u zwi pfesesa. Zwi a fana na Muya! Zwenezwo zwithihi zwi kha Muya, kana inwi ni nga si kone u Li pfesesa. A hu na ᲍hodea ya u lingedza u Li

anganya, itonu da Khae u thoma. Ngauri, “Nndani ha musi muthu a tshi bebwah hafhu, a nga si vhone Muvhuso,” O amba, izwo ndi, “Li pfeseseni.” Ni tea u bebwah hafhu uri ni Li divhe.

¹²⁰ Zwo ralo, inwi ni ri, “Ndo bebwah hafhu.” Huno na landula Ipfi? Naa ni nga vha hani nga u ralo? Vhutshilo ha inwi muné vhu ni nea khwathisedzo yazwo, tshigwada tsha inwi muné tshire na vha murado watsho, zwinoni zwa muthenga. Ni a vhona? Lindelani u swika ri tshi tsela fhasi kha izwo zwithu nga miniti i si gathi, ni a vhona.

¹²¹ Zwi da nga Muya. Naa ni nga vhudza hani vhatthu zwithu zwa Muya vha songo bebiwaho nga Muya? Ni tea u bebwah nga Muya u pfesesa zwithu zwa Muya. Ene... Yesu o ri, “Muya u vhudzulela hune wa funa, inwi ni nga si ambe uri u bva thungo ifhio kana hune wa ya.” Ni a vhona? Zwo ralo kha muñwe na muñwe o bebwaho nga Muya, a nga si ni vhudze. Muthu o bebwaho nga Muya ha elekanyi, u tendela Mudzimu u elekanya.

¹²² Ni elekanya uri ndi nga ima hafha kha pulatifomo, nda elekanya huno nda vhudza munna ngei murahu, “Dzina lawe ndi *John Doe* huno u bva fhethu *hukenerenene*, o ita *itshi*. Huno o mala muñwe musadzi hangei murahu, minwaha ya fumbili yo fhiraho, nahone o no vha na vhana nga uyu musadzi. O do tea u humisela murahu *itshi* tshithu, huno a ita *itsho*,” ni elekanya uri, ni tshi vha na muhumbulo, ndo vha ndi tshi nga ita izwo? A hu na vhutali ho raloho kha iyi mbebo fhano kha lifhasi u itela hezwo. Vhu nga phanda ha hezwo. Vhu tea u da vhu tshi bva N̄tha. Zwenezwo musi no bebwah nga Muya, N̄tha, Vhutshilo he ha vha vhu Khae We a ita izwo zwithu, ho ri, “Mishumo ine Nda ita, na inwi ni do ita.”

¹²³ Mbebo yanu i tea u shandukiswa. No fhuriwa. Ni nga di vha no amba nga dzindimi, ni nga di vha no fhufhela n̄tha na fhasi, ni nga di vha no ṭavha mukosi, ni nga di vha no ita *izwi* zweithe, *izwo*, na *zwinwe*, ni nga di vha no vha murado u fu-fulufhedezaaho. Nikodemo na ene o vha o ralo, ni a vhona, fhedzi o shaya mbebo. Huno musi ni tshi landula Ipfi, u lingedza u Li vhea huñwe fhethu-vho huno na ita tshiñwe tshithu Khało, nahone na Li balanganya nga ndila iyo. Zwenezwo Yesu o ri, “Izwi zwiga zwi do tevhela avho vhane vha tenda. Iyani shangoni lothe huno ni rere Mafhungo-madifha kha tshivhumbwa tshiñwe na tshiñwe.” Musi Mafhungo-madifha a tshi khou di rerwa, izwi zwiga zwi do tevhela. Mmbudzeni fhethu he A vhuya a zwi tuwisa tshivhidzoni. Ntsumbedzeni Luñwalo he A ri, a vhuya a ri, “u swika tshifhinga tshingafha.” O ri, “Kha shango lothe na kha tshivhumbwa tshiñwe na tshiñwe!”

¹²⁴ Ee, no vha ni tshi do tea u ṭanganedza lushaka lwa Vhutshilo he A vha e naño, uri ni kone u tshila Vhutshilo

Hawe. Huno musi ni tshi vhona Vhutshilo Hawe, zwenezwo ni do divha Ipfi Lawe. Izwo ndi zwone. "Musi Wone," lisala la vhuñe, hu si muhumbulo, hu si khumbulelo, hu si munyanyuwo, fhedzi "musi Wone, Muya Mukhethwa, wo da, U do dzhia izwi zwithu zwe Nda ni vhudza, huno wa ni dzumbululela zwone, nahone u do ni sumbedza zwithu zwine zwa do da." Iyo ndi mbebo. Iyo ndi khwathisedzo ya uri Ndi Ipfi. Huno musi munna a tshi ri u na Muya Mukhethwa, huno a landula Ipfi la Mudzimu huno a Li vhea huñwe fhethu-vho, Muya Mukhethwa u nga landula hani Ipfi La Wone une? Zwino ntsumbedzeni dzangano kha Ipfi. Khezwo. Ni a vhona? Zwo luga.

¹²⁵ Naa ni nga elekanya nga ha ramabindu... Zwino hafha ndi vhukule he tshivhidzo tshashu tsha salela murahu. Naa ni nga elekanya nga ha ramabindu we a thoma bindu ngeno fhasi, ndi...ndi bindu li no bvelela zwa vhukuma, huno u tea u wana thuso nga u t̄avhanya, huno u do ya kha tshivhalonyana tsha vhanna who faho, mitumbu, huno a ri, "Naa ni do da na ntshumela?" A vha nga vhi vha mbuelo khae.

¹²⁶ Itsho ndi tshone tsho itisaho uri dzangano li sa vuwe hafhu na kathihi. Ni a vhona? Tshivhalonyana tsha vha u sa tenda ho faho vha tshi dikuvhanganya fhethu huthihi vhunga Nimirodo, vhunga Kora, vhunga u tsa fhasi kha tshikhathi. Hani...Na kathihi Ho ngo li shumisa, na kathihi ho ngo shumisa dzangano. A nga si zwi ite. Zwo no di vha nn̄da ha lufuno lwa Mudzimu, zwo no fhira izwo. Zwi kule na u swikelwa, zwi kule na u ḥodiwa.

¹²⁷ Naa ni nga ya hani kha munna we a kundelwa u tshimbila, thoho yo oma mirado, tshan̄a na mulenzhe, na mu vhudza uri ni ḥoda a tshi ni gidimela mbambe ya milenzhe, a gidima iyi mbambe e na vhusifhelembilu, a vhetshela thungo... Ni a vhona? Naa a nga zwi ita hani musi munna a sa koni u tshimbila, o oma mirado? Ni do tea u bvisa vhuomamirado khae, u thoma, zwenezwo a nga kona u gidima.

¹²⁸ Izwo ndi zwine dzangano la ḥoda, ndi phodzo ya Muya. Yawee, nn̄enñe! Ndi a fhulufhela ur̄i a thi wani... a zwi pfali zwi u sasaladza. Ni a vhona, a thi khou sasaladza, fhedzi arali tshibigiri tshi songo ombelwa tshi ḥomowa nga ndila i leluwaho. Ni a vhona? Izwo ndi ngazwo Muya Mukhethwa u sa koni u shumisa dinomineisheni. Zwenezwo i tshi...

¹²⁹ Elelwani, ndi tenda uri Martin Luther o vha e na Muya Mukhethwa. Lwo fhelelaho. Khamusi hu si nga mukovhe Wawo ḥamusi, ngauri Wo vha u songo nekedzwa. Ro no fhira kha hezwi, inwi vhathu vha thaberenākele, hafha kha bodo ya u ḥwalela. Fhedzi o tenda kha Mudzimu, "huno a no tenda u na Vhutshilo ha lini na lini." Na kathihi a tho ngo elekanya uri ho vha hu na muthu o tendaho izwo vhunga nne, u swika nga matsheloni ano, ndi tshi pfa Charles Fuller musi ndi tshi

khou tsela fhasi. U a tenda, na ene-vho, uri mbebo ntswa a si ndovhedzo ya Muya Mukhethwa. Mbebo ntswa ndi u bebwa. Muya Mukhethwa ndi ndovhedzo. Ni a vhona? Zwo luga.

¹³⁰ Zwino ri wana uri uyu munna u tea u bebwa hafhu uri a kone u vha a shumaho. Zwo luga, u bebwa nga ḥama, zwenezwo ni na vhuṭali ha shango. Huno vhuṭali ha shango vhu thetshesela mudededzi wa ḥama waho. Ndi zwone. Izwo ndi zwone kokotolo uri ndi ngani munna a si na mbebo ntswa, huno na mu vhudza Ipfi la Mudzimu, a tshi thetshesela mubishopo wawe, tshifhe wawe kana dzangano lawe, vhudzuloni ha Ipfi la Vhutshilo. Ndi ngani? Ha divhi tshithu nga nnda ha hezwo. “Mulandu, ni a divha, linwe ḫuvha ndi nga di vha tshifhe.” Mulandu, Nikodemo o vha e muṇe. Izwo zwo vha zwi tshi fhira tshifhe, izwo zwo vha zwi tshi fhira mu—mu—mufunzi, izwo zwo vha zwi tshi fhira, uyo we a vha e muṇe kha la Israele. Ni a vhona? Ee, nahone o vha e munna muhulwane, o vha e wa itshi tshigwada huno a sa divhi zwo engedzeaho nga ha Mudzimu u fhira tshithu. Ni a vhona? Zwothe zwe a divha ho vha hu iñwe divhazwakale.

¹³¹ Naa Mudzimu wa divhazwakale u farisani arali A si a sa shanduki ḥamusi? Naa Mudzimu wa Mushe u farisani arali A si Mudzimu a sa shanduki ḥamusi? Naa Mudzimu u farisani we a kona u tshidza munna tshifhambanoni we a kundelwa u tshidza muṇwe a re kha nyimele i fanaho ḥamusi? Vhunga tshifhinga tshoṭhe ndo amba, “Naa zwi farisani u nea tshinoni tsha tshirulwane tshaṇu mbeu dzavhudzi na dzivitamine, u ita uri tshi vhe na phapha dzo khwaṭhaho dzavhudzi na mithenga yavhudzi, huno na tshi vhea ngomu ha kheidzhi?” A thi zwi wani. Lingedzani u mu vhudza nga ha Mudzimu wa maanda na zwithu, huno na mu longa ngomu ha dzangano line la sa vhuye la tenda kha tshithu tsho raloho. Ni a vhona? Lo bva tshoṭhe. Itsho ndi tshone tshi itisaho uri li kundelwe, lo fa. Ni nga si li shumise. Mudzimu ho ngo li shumisa na kathihi.

¹³² Itonu elekanya, Muya Mukhethwa na kathihi, nga tshiṇwe tshifhinga-vho, a wo ngo shumisa dzangano, a hu na kha Luṇwalo kana kha zwa divhazwakale. Arali nnyi na nnyi kha iyi theiphi, kana a re hone, a nga ntsumbedza he Muya Mukhethwa wa dzhia dzangano huno wa tshimbila kha lifhasi, kha de a mmbudze. Ndi ḫoda ni tshi mmbudza bugu ya divhazwakale ine zwa bva khayo. Ni a zwi divha uri a zwiho Luṇwaloni, ngauralo ndi ḫoda inwi ni tshi ntsumbedza divhazwakale ine zwa bva khayo. Mudzimu na kathihi ho ngo shumisa tshiṇwe tshithu tshi no nga hetsho. U shumisa muthu, tshifhinga tshoṭhe.

¹³³ Zwo luga, u bebwa nga Muya. Zwino, u bebwa nga ḥama, huno na vha na vhuṭali ha shango, vhuṭali vhu ḫo thetshesela mudededzi wa ḥama waho. U bebwa nga Muya ndi u tenda na

u thetshelesa pfunzo ya Bivhili, nga Muya Mukhethwa. Huno munna o bebwaho nga Muya u do thetshelesa Ipfi la Mudzimu hu si na u londa zwine mariwe maitele-vho a mu vhudza zwone. Zwi tou vha zwone. Inwi no dovha u bebwah, itsho ndi tshone tshi itisaho uri ni vhone. U vha wa dzangano, na vhea mafulufhelo anu kha ilo...

¹³⁴ Zwino, a thi khou ri vhatu vha re kha dzangano a vho ngo bebwah hafhu. Zwino, ndi do swika kha izwo nga miniti i si gathi, Murena a tshi funa. Ngoho, vho ralo, fhedzi ndi vhatu. A si dzangano lo bebwah hafhu; vhatu ngomu benefho vho bebwah hafhu. Fhedzi dzangano li mu thukhula kha Mudzimu, ndi zwenezwo fhedzi zwine la ita, li a ni fhandekanya. Zwo luga. Hu si na u londa n̄ama, dinomineisheni i funza n̄ama, tshifhinga tshothe i fhambana na lufuno lwa Mudzimu.

¹³⁵ U *bebwa hafhu* zwi amba uri ni “bebiwe zwi tshi bva N̄tha.” *Hafhu* zwi amba “zwi tshi bva N̄tha.” Ndi a humbulela uri izwo ni a zwi divha, ni a vhona. U *bebwa hafhu* zwi amba u “bebiwa zwi tshi bva N̄tha.” Zwino, ni do vhona, ni nga zwi guda arali ni tshi ḥodou ralo, thalusamaipfi. Ni a vhona, zwi amba “mbebo i no da i tshi bva N̄tha.” Ngauri, no bebwah *hafha*, zwino u bebwah hafhu ni tea u bebwah zwi tshi bva n̄tha *Hafha*, u bebwah hafhu. Zwenezwo uyo Muvhuso u n̄tha nga maanda u fhira uyu muvhuso, muhulwane nga maanda u fhira uyu muvhuso, u swika uyu muvhuso u wo tsilufhalaho kha Hoyo, nahone Hoyo u wo tsilufhalaho kha uyu.

¹³⁶ Vhunga ndo no amba kanzhi, n̄ne na mufumakadzi wanga fhano zwi si zwa kale-kale ro ya u wana dziñwe gurosari, kha miñwedzi i si gathi yo fhiraho, huno ra vhona musadzi we a vha o ambara tshikete. Huno tsho vha tshi tshithu tshisili nga maandesa tshe ra vhuya ra tshi vhona lwa tshifhinga tshilapfu.

¹³⁷ Zwo ralo, matsheloni ano, a thi ambi izwi u ḥambuludza, ndo pfa liñwe la madzangano mahulwane a divheaho. Huno ḥwananyana wanga na n̄ne ro vha ri tshi khou thetshelesa radio musi ri tshi ya u kumedza tshivhidzo. Huno luimbo lwe vha lu imba, luñwe lushaka lwa tshiñwe tshithu tshiñwe-vho nga *Mukenenene*, huñwe ha uho u imba ha klasiki hune kha n̄ne ha pfala vhunga vhasadzi vho fara mufemo wavho u swika vhe vha buñuu tshifhañwoni, huno zwenezwo vha elekanya uri uho ndi u imba. Uho ndi u tzwinja. Ndi takalela u imba havhudzi ha kale ha pentekoste, hu bvaho benefho mbiluni yañu. No kundelwa u hwala tshuni nga bakete ya malasha, fhedzi naho zwo ralo ni khou imba, ni tshi khou ita phosho ya dakalo kha Murena. Ndi elekanya uri izwo ndi zwa maya. Ndi a zwi takalela. Fhedzi uho u fara mufemo wañu u swika ni tshi tou vha buñuu tshifhañwoni, huno na fela kule huno zwenezwo na vhuya murahu, we... Inwi a ni khou vhuya na

divha inwi muñe zwine na khou imba. Naa ni lavhelela hani nnyi na nnyi-vho u divha? Izwo ndi zwone. Yesu o ri, “Ri amba izwo zwithu zwine ra zwi divha.” Izwo ndi zwone. Izwo ndi zwone. Zwine ra tea u ita ndi u imba zwine ra divha mbiluni dzashu, zwine ra zwi pfa.

¹³⁸ Huno musi vho no fhedza, ñwananyana wanga u guda muzika, huno o ri, “Khaladzi,” a ri, “izwo zwo vha zwi klasiki vhukuma.”

¹³⁹ Nda ri, “Ee, fhedzi ndi vhangana kha iyo khwairi ya vhathu vha no ɻodou swika fuþhanu vhane na elekanya uri vho vha vhe na dzisigarete kha mufemo wavho? Naa ndi vhangana vha iyo khwairi vhane na elekanya, uri madekwe ho vha hu vhusiku ha Mugivhela, a vho ngo vha na tshinwiwa tshituku tsha matshilisano? Naa ndi vhasadzi vhangana ngomu henefho vhe vha vha vhe na mavhudzi o fhungudzelwaho? Naa ndi vhangana vhe vha vha vho ambara pennde, musi mufunzi wa tshivhidzo o amba maðuvha a si gathi o fhiraho, ‘Mudzimu o ita shango lo nakesaho müsi A tshi tumbukisa pennde’”? Ngeno, ri tshi zwi divha uri hu na musadzi muthihi Bivhilini we a pennda tshifhatuwo tshawe, huno Mudzimu a kanzwa dzimmbwa ngae. Huno riñe, nnyi na nnyi a no divha tshiñwe tshithu nga ha tshivhidzo na nga ha vhahedeni, u a zwi divha uri pennde ndi tshivhumbamvumbo tsha vhahedeni, tsho ralo tshifhinga tshoþhe. Huno, nangwe zwo ralo, vhasadzi vha a zwi ita. Huno munna a tshi khou daha, a tshi khou nwa, a tshi khou bvela phanda. Huno o ima henefho nahone a ima, maipfi a no nga eneo. Ri do swika khazwo nga miniti i si gathi henehafha. Zwo luga. Na vha wa kuelekanye kwa dzangano, ngeno, hu tshi khou yo vha na u shoniswa ngei Khaþuloni, nga muhumbulo wanga.

¹⁴⁰ U bebwá nga Muya, ndi u tenda na u difara Muyani, ndi u pfesesa na tenda nga mbilu yanuuri Yesu ndi Kristo na uri Ili ndi Ipfi Lawe, uri a hu na mañwe maipfi ane a nga engedzwa Khaþo kana a ɻuswa Khaþo hu si na uri dzina lanu li bviswa Buguni ya Vhutshilo. Ilo lo vha li lo khwaþhaho. Arali na engedza tshithu tshithihi Khaþo, kha maitele aña, kana na ɻusa tshithu tshithihi Khaþo, zwo ralo, Kristo o amba, Ene muñe, “Dzina lanu li do thuthiwa kha Bugu ya Vhutshilo.” Zwino, wanani dzangano, dinomineisheni Bivhilini. Ni do i shavha! Zwo luga. Hu si na u londa ñama, pfunzo ya dinomineisheni yo fhambana na Bivhili. Iina. *U bebwá hafhu* zwi amba “Mbebo ntswa i bvaho Nþha; u bebiwa zwi tshi bva Nþha.” Zwenezwo ri vha vha shumaho kha zwithu zwi bvaho Nþha. Yawee, nñenñe! Ngauri Ndi Ene muñe a no khou shuma kha Ipfi Lawe nga kha inwi, davhi Lawe, kha Muþokola.

¹⁴¹ Itsho ndi tshone tsho itisaho uri Yesu a ri, “Arali Ndi sa iti mishumo ya Khotsi Anga, ni songo Ntenda.” Oo, zwa vhukuma! A ri, “A hu na munna o no gonyaho nþha Taðulu

nga nnda ha Uyo a no tsela fhasi a tshi bva Tađulu." Mu sedzeni a tshi lugisa Nikodemo hafha, musi Nikodemo... Ni a divha, vho elekanya, Ene e Muthu, O kundelwa u vha Mudzimu. Huno O amba, huno heneffo A ri, "A hu na munna o no gonyaho n̄tha Tađulu nga nnda ha Uyo o tselaho fhasi a tshi bva Tađulu, na Murwa-muthu ane zwino a vha ngei Tađulu." Izwo zwo vha zwo kalulaho khae. Naa A nga kona hani, Murwa-muthu, u tsela fhasi a tshi bva Tađulu; a tsela fhasi a tshi bva Tađulu; e onoyo a sa shanduki we a gonya Tađulu; huno Onoyo a sa shanduki o imaho hafha n̄tha ha iyi nndu, a tshi khou amba na Nikodemo, a vha zwino e Tađulu? Zwo ralo, o vha o tea o zwi vhona uri ho vha hu Mudzimu. U hothe-hothe, huňwe na huňwe! Ni a vhona? Fhedzi ene, kha maitele awe, ho ngo zwi divha izwo. O vha a si na thalukanyo ya myua. Thalukanyo ya ɣnama, huno yo kundelwa u zwi pfesesera.

U ri, "Naa muthu a tshi nnyamba uri N̄ne Murwa-muthu ndi nnyi?"

"Vhaňwe vha ri, zwo ralo, 'Ndi Murwa wa Dafita.'"

¹⁴² A ri, "Zwenezwo ndi ngani Dafita e Muyani o Mu vhidza 'Murena,' a ri, 'Murena o amba na Murena wanga, "Iwe dzula kha tshanda Tshanga tsha u la, u swika Ndi tshi ita maswina Au vhukando ha milenzhe"'"? Nga ndila ine A vha Mudzi na Đadzwane ɣa Dafita; O vha hone phanda ha Dafita, O vha e Dafita, na nga murahu ha Dafita. Ni a vhona? "Ndi Mudzi na Đadzwane ɣa Dafita," Bivhili yo amba nga u ralo, Mudzi na Đadzwane ɣa Dafita. Naa O vha a tshi nga vha hani Murwa Wawe-ha? Naa O vha a tshi nga vha hani Murena Wawe? Bivhili yo ri, "U bva heneffo vha si tsha Mu vhudzisa tshithu." Ndi humbulela uri tsho vha tshi tshithu tshavhuđi, na tshone-vho. Ee, muňe wanga. Zwo luga.

¹⁴³ U bebwa hafhu zwi tshi bva N̄tha. Zwenezwo ri vha shumaho, vha shumaho kha zwithu zwi bvaho N̄tha, nahone, ngauri Vhutshilo Hawe vhu kha riňe, vhune ha vha Ipfi ɻawe li tshi khwathisedza Ipfi Lone lîne. Muya u re kha inwi ndi Ipfi lo itwaho ɣama kha inwi. Muya u londota Ipfi, nahone u shuma kha u khwathisedza Ipfi.

¹⁴⁴ Zwino, Muya a u shumi kha dinomineisheni. A u takaleli u vhumba dzangano, ngauri Muya Wone uňe u fhambana na dzangano. Dzangano li khou toda zwithu zwa shango, thalukanyo ya shango, huno vha ita dzithembele khulu na zwithu zwo pholishwaho, na madzangano mahulwane o pholishwaho, vhareri vho pholishwaho, na zwiňwe-vho nga u ralo, na kilasi ya khwinesa mudini. Hune, Muya u khou lingedza u wana mbilu dzi fhulufhedzeaho hune Muya wa vhilaela u vhonadza na u sumbedza uri Ipfi ɣa Mudzimu liňwe na liňwe ndi Ngoho. Naa inwi ni nga kona hani, naa Muya

u nga kona hani u shuma kha dzangano ngeno li tshi khou landula, li tshi dzhia dzindaela vhudzuloni ha Ipfi? U nga si zwi ite. Ngauralo, ni a vhona, lo fa. Mudzimu ha yi kha ulwo lushaka lwa mafhethu u wana Tshawe, tshi—tshigwada tsha munna uri tshi Mu shumele, ngauri vho no di fa. Vhone ndi vha sa tendi kha Ipfi, kana vho vha vha si nga vhi ngomu heneffho. Ni a vhona? Zwino, ri vha shumaho kha zwithu zwi bvaho Ntha. Zwino, Muya u londota Ipfi. Zwino, izwo ndi zwone, ngauri Muya u nea Ipfi Vhutshilo. Ni a vhona? “Luñwalo lu a vhulaha; Muya u nea Vhutshilo.”

¹⁴⁵ Zwino, ndo vha ndi tshi khou da n̄ha ñamusi, ndo sedza miri mihilwane yo nakaho nn̄da ðakani, mivhundu mihulu, ya muronzhe, ya tshirulwane, i dzulaho i na zwithomathoma zwidala. Nda ri, “Ni a ðivha zwine izwo zwa vha zwone?” Nda ri, “Ro tou vha na lufu, huno Mudzimu o vhea ñanda Yawe ya maluvha nn̄da, a tshi a ðoma n̄ha ha mivhundu. Ndi maluvha a mbulungo. Vhutshilo ho vhuyeleta ngomu buseni. Mudzimu u kha di bva u swiña mbeu Dzawe dzoþhe dzi bvaho kha maluvha na zwithu, o zwi swiña murahu, huno Ú kha di bva u fhufhumisela nn̄da ñanda Yawe ya maluvha. U khou sedza kha ðifhasi ngauri ndi maluvha a mbulungo. Fhedzi musi ðuvha li tshi ðavha hafhu, iyo mbeu i ðo dzhia vhutshilo hafhu.” Amene. Zwino luga.

¹⁴⁶ Muya u takalela u khwathisedza Ipfi. Huno arali no tanganedza maitele vhudzuloni ha Ipfi... Zwino, inwi ni ri, “Zwo luga, riñe ri Li tenda ðoþhe, fhedzi, Mukomana Branham, ndi a zwi ðivha uri *Itshi* a ri tshi tendi.” Zwenezwo henehafho ndi hune na ima.

¹⁴⁷ Mufunzi o mmbudza nga tshiñwe tshifhinga uri ene...uri ka—kapuþeni o amba, kana ndi tenda uri ho vha hu madzhoro, ha pfi, “Mufunzi, iyani hangei, hu na kapuþeni a no khou fa. O thuntshwa nga matshinigani.”

¹⁴⁸ A ya henengei, huno kapuþeni o vha a tshi khou kakarika. Vha mu kokodzela denndeni ya Tshifhambano Tshitswuku, huno a ri, “Kapuþeni.”

¹⁴⁹ A sedza n̄ha nga kha mabulo a malofha, huno a ri, “Ee, muñe wanga.” Huno a ri, “Ni mufunzi.”

“Ee.” A ri, “Ni khou fa, kapuþeni.”

A ri, “Ndi a zwi ðivha.”

A ri, “Naa ni Mukriste?”

A ri, “Ndo vha ndi tshi anzela u vha ene.”

¹⁵⁰ Ha pfi, “Naa no Mu sia ngafhi, kapuþeni?” A ri, “Ni ðo Mu wana heneffho he na Mu sia hone.” Ndi zwone.

Kapuþeni a ri, “A thi elekanyi.”

¹⁵¹ Mufunzi a ri, “Ndi khwine inwi, inwi a ni na nga nn̄da ha miniti i ðoðaho u swika i si gathi yo engedzeaho, nga ndila ine

na khou kakarika ngayo.” Mulomo u tshi khou vulea, malofha a tshi khou bva mulomoni wawe na dzindévheni, huno gulu dza matshinigani dzo mu buđekanya. Ha pfi, “Ndi khwine ni tshi Ჰavhanya, mafhafhu aŋu a khou Ჰala.”

¹⁵² Huno kapuṭeni a thoma u tendeleka, o lala heneffo a tshi khou kakarika. U Ჰwethuwa ha Ჰa kha tshifhaṭuwo tshawe, ha pfi, “Ndi a Ჰivha zwino.”

Ha pfi, “Naa no Mu sia ngafhi? Thomani henehafho.”

¹⁵³ A ri, ““Zwino ndi a diladza uri ndi eđele.”” Afho ndi hone he a Mu sia hone, afho ndi hone hune a Mu wana hone.

¹⁵⁴ Musi dzangano laŋu li tshi ni funza tshiňwe tshithu tsho fhambanaho na Ipfi, inwi ni Mu sia henehafho. Vhuyani ngeno murahu, ngauri U khou shuma kha u khwathisedza na u ita iļo Ipfi ngoho. Izwo ndi zwe Yesu a vha e zwone, tshifhinga tshothe a tshi khou ita lufuno lwa Khotsi. Ni a vhona? Zwo luga.

¹⁵⁵ Ngauralo, ni a vhona, pfeseso ya dzangano la Nikodemo a yo ngo amba tshithu kha Mudzimu. Zwino, a hu londwi arali o vha e tshigwili, sa zwine ra tshi vhidza zwone, kha dzangano, muňe kha la Israele, u guda hawe hothe na pfeseso a zwo ngo amba hezwo [Mukomana Branham u lidza munwe wawe—Mudz.] musi o ima phanda ha Kristo, ho vha hu u kaidzwa fhedzi khae. Zwino, ndi humbulela vhathe vhothe vha tshi ri, “Khotsi mukhethwa, Nikodemo. Khotsi mukhethwa, Nikodemo. Ri a u gwadamela, muňe wanga.” Fhedzi musi Yesu, ene o ima phanda ha Mudzimu, O mu kaidzela u sa Ჰivha hawe. Ngauralo, ni a vhona zwine izwo zwothe zwa ya hone, zwi hangweni! Iđani, kha ri ye kha Mudzimu. Izwo ndi zwone. Zwo luga.

¹⁵⁶ Pfeseso khulwane ya Kora na yone a yo ngo amba tshithu, kana ya Adamu, muňwe na muňwe a tshi landula Mulaedza wo khwathisedzwaho wa Mudzimu. Zwino kha ri thetshelese zwavhuđi zwino, ri khou yo dzhena kha maiwe madi a re n̄ha nga tshifhinganyana. Ni a vhona, muňwe na muňwe wavho, tsho itisaho uri vha dzhene vhulemeni, Nikodemo, Kora, Nimirodo, na vhanwe-vho, ndi ngauri a vho ngo limuwa mudinda wa Mudzimu e na Ipfi lo khwathisedzwaho la iļo duvhā. Zwino, muňwe na muňwe-vho u a zwi Ჰivha hezwo. Zwino, ri nga Ჰwa kha hezwo lwa tshifhinga tshilapfu. Fhedzi Mudzimu u a bvumba nahone a amba uri tshiňwe tshithu tshi do itea; muthu u vhumba madzangano, a ita muthu uri a dzule zwi tshi tou vha kokotolo. Vho tenda uri hu na Mesia a đaho. Oo, avho Vhayuda, yawee, nñenne, ngoho! Fhedzi musi Yesu a tshi da nga ndila ye A ita, vho ri, “Uyo a nga si vhe Ene.” Vha kundelwa u pfesesa Ipfi. Zwino, Yesu ho ngo da lwo fhambanaho na Ipfi (O ralo?), fhedzi U da lwo fhambanaho na Ჰhalutshedzo ya dzangano ya Ipfi. Mushe ho ngo da lwo fhambanaho na Ipfi, u da kokotolo na Ipfi; fhedzi Kora o kundelwa u zwi vhona. Huno u tsa fhasi hothe ho vha nga iyo ndila.

¹⁵⁷ Zwino sedzani. Uyu Mulaedza wa ḫuvha u nga si tou vha tshiñwe tshithu tshi no khou ri “ro wana Ngoho nahone ri *itshi, itsho*,” zwi tea u bvumbiwa kha Ipfi Lawe! Huno zwenezwo nga murahu ha musi Ipfi lo no diswa, li tea u khwathisedzwa nga ndila yo teaho nga Ipfi.

¹⁵⁸ Yesu o khwathisedzwa nga ndila yo teaho nga Mudzimu, nga Ipfi. O ri, “Arali no vha no divha Mushe, no vha ni tshi do vha no divha ḫuvha Łanga.” Vhaporofita vho Mu amba zwavhuđi, vhaporofita vhothe vho amba zwavhuđi zve A vha e zwone. Huno nangwe zwe ralo zwe vha pofudza, vho kundelwa u zwi pfesesa. Ni a vhona? Fhedzi Yesu o vha... Zwino ni songo...

¹⁵⁹ Ndi ḫodou amba izwi u itela theiphi, na u itela inwi, na inwi-vho. Ni a vhona, muđinda a re na Mulaedza wa ḫuvha!

¹⁶⁰ Zwino, arali ni tshi ya, Seventh-day Adventist ri, “Ro i wana, itonu vhulunga Sabatha!” Inwi ntsumbedzeni izwo Mañwaloni. Vho-Mme Eddy Baker vho ri vha nayo. Ntsumbedzeni yone. Thanzi dza Jehovah dzo ri dici nayo. Ntsumbedzeni yone. Ni a vhona? Methodisi i ri vho i wana. Ntsumbedzeni yone. Baphuthisi i ri vho i wana. Ntsumbedzeni yone. Ntsumbedzeni mañwe madzangano-vho. Ndi khou ni sumbedza uri, othe, a nga nn̄da ha lufuno lwa Mudzimu. Othe ndi o fhambanaho, a funza maitele a muthu vhudzuloni ha Ipfi la Mudzimu. A thi divhi liñwe ļao li no do ḫanganedza zwithu zwe ñwaliwaho zwa vhukuma Bivhilini nga ndila ine Ya vha ngayo. Izwo ndi zwone. Fhedzi musi muñwe a tshi da huno a ri, “Ndi na Mulaedza wa ḫuvha,” u fanelia u thoma a vhonwa nga ndila yo teaho nahone a bvumbiwa uri u do da.

¹⁶¹ Musi Yohane Mulovhedzi a tshi tshimbila henehfo nn̄da, vho ri, “Naa iwe u Kristo?”

A ri, “A thi ene.”

Ha pfi, “Naa—naa—naa iwe u Eliya?”

A ri, “A thi ene.”

A ri, “Naa u nnyi?”

¹⁶² O kona u didivhadza, o vha e na Mulaedza wa awara. O ri, “Ndi ipfi la uyo a no khou huwelela sogani, sa muporofita Yesaya o amba. Zwino, arali mbebo yanga na vhutshilo zwi songo vhambedzwa na hezwo, ni songo—ni songo ntanganedza.”

¹⁶³ Musi Yesu a tshi da, zwe vha zwi zwenezwo zwithihi, zwenezwo zwithihi. Muđinda a re na Mulaedza, u fanelia u vha Mulaedza wo bvumbiwa no Mudzimu. Huno zwenezwo Mudzimu, a tshi amba nga kha uyu muđinda, u khwathisedza uri ndi Ngoho. Naa ni a zwi pfa? Naa ni a zwi pfesesa? Zwi pfesesen! Li fanelia u thoma la vha U RALO MURENA, lo bvumbiwa. Huno zwenezwo muđinda e na Mulaedza, u fanelia u vha kokotolo zwe Mudzimu a ri zwi do itea nga itscho tshifhinga.

¹⁶⁴ Iyo ndi ndila ye Mushe a vha e ngayo. Itsho ndi tshone tsho itisaho uri a we nga tshifhatuwo tshawe phanda ha Mudzimu, huno a ri, “Mudzimu, Wo nthuma.”

A ri, “Difhandekanye na itsho tshivhalonyana.”

¹⁶⁵ Ni a vhona zwine nda amba? Tshifhinga tshothe tsho vha tshithu tsho shandaho thalukanyo ya muthu, tsha mu bvisa kha lufuno lwa Mudzimu. Zwino elelwani, zwo bvumbiwaho nga Ipfi Lawe nahone zwo khwathisedzwaho nga ndila yo teaho nga Ipfi Lawe. Zwino, Yesu o ri, “Arali Ndi sa iti mishumo ye...ya Mudzimu, zwenezwo ni songo Ntenda. Ni a vhona, arali nda balelwa...Ndi ri, naa ndi nnyi wa vhoiwi ane a nga Nkhatulela tshivhi? Naa ndi nnyi wa vhoiwi ane a nga Ntsumbedza uri Ndi a sa tendi?”

¹⁶⁶ Nikodemo o ri, “Ri a divha uri Iwe u...Rabi, Iwe u bva ha Mudzimu, ngauri a hu na muthu we a kona u ita izwo zwithu nnandi ha musi Mudzimu o vha e nae.” Ni a vhona? Ngauralo zwo sumbedza uri o vha e mutendi.

¹⁶⁷ Zwino, riñe vhane ra divha divhazwakale ya tshivhidzo. Zwino ambarani khephe dza u elekanya dzañu. A hu athu lengiwa, ni a vhona, ngauralo itonu thetshelesa zwavhuđi vhukuma zwino huno ndi do lingedza u tavhanya u ya nga hune nda kona. Ndi—ndi tođa...Thetshelesani zwavhuđi kha theiphi. Zwino, muñwe na muñwe we a vhuya a vhalo divhazwakale ya tshivhidzo, u a zwi divha uri lwa u thoma lwe Vhukriste ha vhuya ha dzudzanywa, ho vha hu tshivhidzo tsha Roma Katolika. Zwino, arali hu na zwiñwe zwifhinga-vho phanda ha hezwo, ndi tođa muñwe muthu a tshi disa divhazwakale huno a ntsumbedza. Nñe ndi khonani ya hañwani ya Paul Boyd, vhadivhazwakale vhahulwane vhanzhi. Vhugudeloni hanga hangei ndi na, *The Post Nicene Council, The Nicene Fathers*, mañwalo othe o khetheaho a tshivhidzo, ane nda a divha. Ndo a guda miñwaha ya furaruraru, nda a sedzulusa. Å ho ngo vha na dzangano na kathihi. Tshivhidzo tsha Katolika ndi mme a dzangano. Ri a zwi divha uri izwo ndi ngoho. Na kathihi tshivhidzo a tsho ngo dzudzanywa, tsha vha na dinomineisheni, u swika tshivhidzo tsha Katolika. Huno ipfi katolika li amba “angaredzwaho.” Huno vho ita vhurereli ha tshivhidzo tsha muvhuso, huno vha vhu ita kha shango lothe li vhuswaho la Roma, huno lo vha na tshi—tshipida tsha khwinesa tsha shango lo kundwaho nga itsho tshifhinga. Ho vha hu tshivhidzo tsha shango, huno avho vhe vha sa tshi thetshelese vho vhulahwa. Khorø ya Nicaea, mađuvha a fumithanu a nndwa ya malofha, musi vhaporofita vha vhukuma vha Mudzimu, musi vha tshi ima henengei kha idzo...

¹⁶⁸ Tshivhidzo tsha Katolika, ndi ngani tsho thoma u thoma, mulandu, ri a zwi divha roþhe, ndo zwi funza fhano. Nga ndila ye, zwa vhukuma, Akwila na Prisila vha vha vhe mufunzi,

Akwila o vha e mufunzi wa—wa tshivhidzo tsha Roma. Musi Muya Mukhethwa u tshi wa nga Pentekoste, wo wela kha Vhayuda vha bvaho kha lushaka luñwe na luñwe fhasi ha ṭadulu. Fhedzi maduvha a si gathi nga murahu ha hezwo, Petro o vha na bono e n̄tha ha thanga ya nn̄du, u ya kha Koronelio, Muroma, munna o lugaho, huno a rabela huno Muya Mukhethwa wa wela khae. Nga murahu ha tshifhinganyana vhahulisei vha thoma u u ḥanganedza. Akwila na Prisila vha dzhena ngomu—ngomu Roma huno vha dzudzanya, kana, na kathihi a vho ngo dzudzanya, fhedzi vha vhekanya ngonani tshivhidzo tsha u thoma tsha Roma. Huno, musi vho ita, vha vha na vharathu na dzikhalađzi dzavho—dzavho.

¹⁶⁹ Huno Kladio, kha u vhusa hawe, a khaula Vhayuda vhothe Roma. Huno itsho tsho vha tshi tshone-tshone tshifhinga tshe tshivhidzo tsha Roma Katolika tsha ri Petro o vha e Roma. Ntsumbedzeni Luñwalo luthihi he Petro a vhuya a vha Roma, kana iñwe ḫivhazwakale-vho i no amba uri o ralo. O vha a siho, u ya nga Ipfi ja Mudzimu, huno Ilo ndi lone line nda li tenda. Huno Petro, e Muyuda, o vha a tshi nga vhuya a kondelela hani u gwadamela midzimu isili na zwithu zwe vha vha vhe nazwo, zwa u luvha zwifanyisamudzimu na zwithu? Ngafhi... Ni a vthona? Naa o vha a tshi nga lwa hani na pfunzo ya ene muñe hafha? Vhuṭafuṭafu. A zwi fhiri izwo zwa Muporotestanti na ene-vho. Imani, ri do swika khazwo nga murahu ha tshifhinganyana, hu si kale, Murena a tshi funa. Dzhielani nzhele. Dzhielani nzhele zwino, ri wanulusa uri tshifhinga tshenetsho tshine tshivhidzo tsha ri Petro o vha e Roma, ḫivhazwakale i amba uri Kladio (na Bivhili yo amba na yone) o pandela Vhayuda vhothe Roma.

¹⁷⁰ Huno Paulo a fhira nga Efeso huno a ḫa khunzikhunzini dza n̄tha henefho, u wana avha vhafunziwa, huno henefho o vha e henefho o dalela Akwila na Prisila. Nga murahu ha u tuwa havho, zwenezwo vharathu vha Roma tshivhidzoni itshi vha thoma u vhumba mihibumbulo yavho, huno vha engedza nga u gwadamela midzimu isili. Huno zwenezwo ngei Constantine, zwe mme awe vha vha vhe Mukriste wa vhukuma huno vho fhulufhela uri mutukana wavho u do vha nga u ralo, fhedzi o vha mupolitiki. Huno a vthona uri hunzhi Roma, kana tshipida tshihulu tshaho, tsha kilasi ya vhashai, tsho no di ḥanganedza tshidzo nga kha Kristo. Huno zwenezwo vho vha vho no thoma u vha vha takalelwaho nga maanda, ngauri vho vha vha tshi khou tsitsela Venus phasi huno vha tshi vhea Maria n̄tha, huno vha tshi tsitsela Jupiter phasi huno vha tshi vhea Petro n̄tha, na vharñwe-vho nga u ralo na—na vhafunziwa, huno ho vha hu vhurereli vhu takalelwaho nga maanda. Huno vho vha vhe na tshihindi. Vhone, avho Vhakriste vho vha vha tshi do fa!

¹⁷¹ Huno tshivhidzo tsha Katolika tsha ri, “Ro vha ri tshi khou thoma.” Iyo ndi ngoho kokotolo, tshivhidzo tsha Katolika tshi

thoma nga Duvha la Pentekoste. Fhedzi ngetshi tshe tsha tshi bvisela nn̄da, tsho dzudzanya huno tsha thavhela (u bva kha Ipfi) dzidogima. Huno dogima ya zwenezwino, vhoiñwi vhatu vha re na miñwaha i fhiraho fumi ni nga elelwa dogima ya zwenezwino, u gonya ha Maria, miñwaha i no ḥodou swika fumi yo fhiraho. Inwe dogima yo engedzwaho kha tshivhidzo. Vhudzuloni ha Luñwalo, ndi dogima! Huno vha do ni nea u pñsesa zwa zwino, a vha “londi zwine Luñwalo lwa amba, ndi zwine tshivhidzo tsha amba.”

Vhone, uyo tshifhe o mmbudza, ha pfi, “Mudzimu u kha tshivhidzo Tshawe.”

Nda ri, “Mudzimu u kha Ipfi Ławé.”

¹⁷² A ri, “Zwo ralo, zwauri Bivhili i tou vha ñvhazwakale ya tshivhidzo tsha Katolika tsha u ranga.”

¹⁷³ Nda ri, “Zwenezwo nne ndi Mukatolika wa u ranga.” Nda ri, “Izwo zwi nnyita Mukatolika o engedzeaho u fhira inwi, ni tshifhe.” Ni a vhona? Nda ri, “Arali izwo zwi zwone, zwenezwo ndi onoyo.” Nda ri, “Ni a vhona, ndi tenda kokotolo zwe vhaapostola vha funza. Ni tenda zwe muthu a thavhela ngomu hatsho.” Huno iyo ndi ñdila ye zwa tshimbila kokotolo. Ngoho, zwo ralo. Zwo tshimbila, kokotolo nga iyo ñdila.

¹⁷⁴ Zwino dzhielani nzhele ñvhazwakale. Zwenezwo vha thoma u engedza dzidogima, dogima. Huno musi Paulo a tshi da, ri a divha, u ya nga ñvhazwakale, uri ho ngo dalela na itsho tshivhidzo tsha u thoma, ngauri o kundelwa u kondelela u gwadamelia midzimu isili. Huno a dalela tshivhidzo tsha vhuvhili tshe vha vha vho tshi imisa, tshivhidzo tsha vhuvhili tsha Roma.

¹⁷⁵ Huno musi iyo Khoro ya Nicaea i tshi da, he Constantine a vhona muhumbulo wa u ḥanganya muvhuso wawe. Tshithu tshenetsho tshithihi tshe Ahaba a ita na Jesebele, vha tshi khou mala henengei phasi. Ni a vhona? Huno musi e na tshikhala tsha u ḥanganya vhatu vhawé nahone a ita lushaka luhulwane lwa maanda ngalwo, o elekanya uri vha do wana vhurereli havho, ngauralo a vha itela vhurereli ha tshivhidzo tsha shango. Huno musi vho no vha na iyo Khoro ya Nicaea, huno idzi mbudziso dzi tshi da uri kana ho vha hu na Mudzimu muthihi, kana vhararu; uri kana vha tea u lovhedza nga Dzina la Yesu Kristo, kana Khotsi, Murwa na Muya Mukhethwa; idzi ñdziwe mbudziso dzo ñswa kha—kha makhaulatshele ngomu heneffho. Huno, musi dzo itwa, vhañwe vha avho vhaporofita vho aluwaho vha bvela nn̄da heneffho vha si na tshithu nga nn̄da ha mikumba ya nngu ye vha ñiputela ngayo, nahone vha tshi la miroho. Ndi zwone! Fhedzi avho vhahulisei vhahulwane vho no ñi shuma ñdila yavho tshivhidzon, vha vha valela nga vhuñali ha shango. Fhedzi vho vha vhe na U RALO MURENA. Tsha dzhena swiswini la vhuhedeni lwa miñwaha i ḥodaho u swika ya tshigidi.

¹⁷⁶ Fhedzi tsha bvelela hafhu, u fhufhuma. Izwo ndi zwone. Ni nga si kone u Li vhulaha. “Ndi do vhuyedzedza, u ralo Murena, miñwaha yothe ine izwi zwithu zwa ja.”

¹⁷⁷ Idzo dinomineisheni dzo engedza nga dogima. Huno u ita izwi, u engedza nga dogima, ndila i yothe ine tshiñwe tshivhidzo-vho, ndila i yothe ine inwe dinomineisheni i nga vhuya ya tutshela kule ha Ipfi ja Mudzimu, ndi u engedza nga dogima vhudzuloni ha Mañwalo o khetheaho, ndi u lingedza u ita maitele anu kana pfunzo ya tshivhidzo tshañu, naho i tshi fhambana na Mañwalo. Zwenezwo ni nga kona hani u hatula tshivhidzo tsha Katolika, ngeno ni tshi khou ita zwenezwo zwithihi zwe vha ita? Naa ni a pfesesa? Zwo luga. Musi, zwino itonu elekanya, Mañwalo a nga si kundelwe! Dzidogima ndi mazwifhi, tsha u tou thoma. Huno musi ni tshi tanganedza dinomineisheni, no no di vha na dogima, ngauri ndi tshiñwe tshithu tsho engedzwaho. A tshiho Luñwaloni. A tshiho Luñwaloni.

¹⁷⁸ A hu na tshithu tsho raloho sa dzangano. Yesu na kathihi ho ngo ri, “Ndi ni nea ndaela ya u ya shangoni lothe, u vhumba dzangano.” Hai, muñe wanga, a hu na tshithu tsho raloho! U ita izwi, ndi u landula Mañwalo o khetheaho. Musi izwi zwo itwa, zwo shandukiswa u bva kha “Tshivhidzo nga mbebo” u ya kha “tshivhidzo nga dogima na ndaela.” Hu si *tshivhidzo*, kha ndi humbele pfarelo; nnđu ya vhuawelo! Ni bebelwa ngomu Tshivhidzoni, fhedzi ni vha murado wa nnđu ya vhuawelo. A si tshivhidzo tsha Baphuthisi, tshivhidzo tsha Methodisi, tshivhidzo tsha Pentekoste. Ndi nnđu ya vhuawelo ya Baphuthisi, nnđu ya vhuawelo ya Pentekoste, na nnđu ya vhuawelo ya Methodisi, inwi ni vha murado wadzo. Ni nga si kone u vha murado wa Tshivhidzo. A hu na tshithu tsho raloho. Ni bebelwa ngomu Hatsho. Nikodemo o vhudzwa hezwo. Ngauralo ni a vhona hune na vha hone? Yawee, nñenñe!

¹⁷⁹ Izwo ndi ngazwo ndi tshi lwa nayo. Hu si u lwa na vhathe ngomu hayo; sisteme ine nda lwa nayo. Ngauri vha nga si kone... Muñwe wa avho vhahulwane kana tshiñwe tshithu tshiñwe-vho, tshiñwe tsha izwo zwivhidzo tshi rera tshiñwe tshithu tshi re Bivhilini tsho fhambanaho na iyo pfunzo, iyo ndayotewa ine vha vha nayo kha itsyo tshivhidzo, u a khauliwa nga u tou ralo. Ee, muñe wanga. Vhanwe vhavho a vha takadzi lune vha nga si vhuye vha tendela mvuseledzo u ða kha tshiñwe tshivhidzo nnđani ha musi hu tshi vha muñwe wa vhanna vhavho. Mulandu, nga maanda vha...

¹⁸⁰ Muñwe muthu nga tshiñwe tshifhinga o vha a tshi khou yo nea mureri... Henehafha kha lino shango, mureri muñuku o aluwaho o ima hafha fhasi kha tshiñaraña, a tshi khou lila nahone a tshi khou humbela tshanduko, nahone a tshi ri, “Idani, tanganedzani Kristo, ðalani nga Muya Mukhethwa,” na zwithu zwi no nga zwenezwo. Huno muñwe a bvaho kha dzangano ja

Pentekoste a da huno a nea munna dołara zwandani zwawe, huno a tea u ya a shanduka ngauri o itela tshivhidzo tshawe vhupombwe. Ambani nga ha Katolika! Izwo ndi zwone. Huno inwi ni a diwia hune nda khou amba nga hao, na inwi-vho; kana itshi tshivhidzo tshi a ralo, nga inwe ndila. Zwo luga.

¹⁸¹ Itani izwi, u landula Mañwalo, musi izwi zwi tshi itwa, zwi a shandukiswa zwenezwo musi ni tshi engedza nga dogima huno na vha murado wa dzangano, no no di ṭanganedza dogima yanu ya u thoma, ngauri a si ya Luñwalo, ngauralo ndi tshiñwe tshithu tsho engedzwaho. Huno dogima ndi tshiñwe tshithu tsho engedzwaho, “tshi dzhia fhethu ha,” tshi khou dzhia fhethu ha mbebo. Musi ni tshi ṭanganedza dinomineisheni, no no engedza nga dogima. Zwo luga. Musi izwi zwi tshi itwa, zwenezwo zwi shandukiswa u bva kha “Tshivhidzo nga mbebo” u ya kha “ndu ya vhuawelo nga dogima kana ndaela.” Ngauri, ni a vhona, ndi dogima kha yone iñe, i sa vhi nga ndila ya Luñwalo.

¹⁸² Zwino, Yesu na kathihi ho ngo ri, “Iyani shangoni lothe huno ni ite dzidinomineisheni, iyani ni dzudzanye vhatu fhethu huthihi.” O ri, “Iyani ni ite vhafunziwa.” Ni a zwi tenda? [Tshivhidzo tshi ri “Amene.”—Mudz.] Amene. Ngauralo, ni a vhona, inwi no bva tshothe-tshothe.

¹⁸³ Thetshelesani, sedzani hafha. Kha ri zwi vale nga tshiñwe tshithu tshiñwe-vho hafha, kha ri tsitsele tshiñwe tshithu fhasi tsho khwaṭhaho nga tshino tshifhinga. Naa ndi vhangana vhanie vha vha na ḥalusamaipfi ya Tshigerika, yone Emphatic Diaglott i bvaho kha liñwalwa la kale, Tshigerika? Zwo luga. Li vhaleni, wanani tshiñwe tshikola-vho tshire na ḥoda. Dženani jaiburari huno ni wane ḥalusamaipfi, ḥalusamaipfi ya Tshigerika. Vhalani Nzumbululo 17, huno musi ni tshi vhalala heneffo, King James Version hafha i a amba, nahone izwi, “A nkhwala Muyani; huno nda vhona musadzi o dzula kha livhanda likhunwana, lo ḫalaho nga—nga madzina a u nyefula.” Zwino, izwo ndi zwe King James ya amba. Fhedzi ḥalutshedzo ya vhubvo yo ri:

...nkhwala tuyani...huno nda vhona musadzi...
lo ḫalaho madzina a nyefulaho,...

¹⁸⁴ Hu na phambano khulu vhukati ha “madzina a u nyefula” na “madzina a nyefulaho.” Zwino sedzani. Rothe ri a pfecta na u diwia uri itshe tsho vha tshi tshivhidzo tsha Roma tsho dzulaho kha miyhundu ya sumbe, tshi tshi langa maanda a shango. Huno tsho vhidzwa “phombwe,” nahone tsho vha tshi “mme a dziphombwe.” Sedzani! Naa phombwe ndi mini? Naa i nga vha munna? I tea u vha musadzi. Ngauralo arali i musadzi, i tea u vha tshivhidzo; tsho vha tshi mme a dziphombwe, zwenezwo zwithihi zwe tsha vha tshi zwone. Huno vhonani, sedzani, “Khae!” Kha zwi nwelele. “Khae

ho vha hu na madzina a nyefulaho.” Naa ndi mini? Zwino, vhashumeli fhano na kha theiphi, kha ri ni fhumudze. Naa ayo madzina a nyefulaho ndi mini? Methodisi, Baphuthisi, Puresbiterieni, Lutere, Vhapentekostala, na vhaiwe-vho. Madzina a nyefulaho, ngauri ndi madzangano, vhupombwe kha Mudzimu, u tou fana na zwe tsha vha tshi zwone.

¹⁸⁵ Huno vhone, kha izwo zwigwada, vhatu vha ri, “Malandu, ndi ene Mumethodisi, huno u ita *itshi*. Ndi ene Mupentekostala, huno u ita *itshi*. Ndi ene Mupuresbiterieni, huno u ita *itshi*.” Vha ita tshiñwe na tshiñwe kha khalenda, ni a zwi divha hezwo. Huno ndi mini? Ndi madzina a no tea unga Kristo huno a vhidzwa nga dzina la Mukriste, huno ndi madzina a nyefulaho! A si zwivhidzo. A vhidzwa lu si lwa ngoho “tshivhidzo.” Ndi nn̄du dza vhuawelo! Zwino ni a vhona uri ndi ngani ndi tshi lwa na dzangano, hu si vhatu? Sisteme ya dzangano, ni a vhona, madzina, madzina a nyefulaho (sedzani) a nn̄du dza vhuawelo, a vhidzwaho lu si lwa ngoho zwivhidzo. Tshivhidzo tsha Methodisi, tshivhidzo tsha Baphuthisi, tshivhidzo tsha Puresbiterieni, tshivhidzo tsha Pentekoste, tshivhidzo tsha Lutere, tshivhidzo tsha Vharathu vho Vhumbanaho, a hu na tshithu tsho raloho. Izwo a si zwa maiwalo.

¹⁸⁶ Hu na Tshivhidzo tshithihi fhedzi, huno ni nga si vhe murado Watsho. Ni bebelwa ngomu Hatsho. No telwa Khatsho. Muvhili wa Yesu Kristo wo dzumbamaho... Muvhili u mangadzaho, kha ndi ralo, wa Yesu Kristo fhano kha lifhasi, u na Ipfi li vhonadzwaho. Vharwa na vhananyana vha Mudzimu, a si vha linwe lao. “Ibvani vhukati havho,” O amba. Iina.

¹⁸⁷ Sedzani, nga u t̄avhanya zwino. A thi ḥodi u ni netisa, fhedzi arali ni tshi tou n̄nea miniti yo engedzeaho i si gathi zwino, ndi do tshimbila nga u t̄avhanya u ya nga hune nda kona, fhedzi ndi ḥoda inwi ni tshi vha na ngoho ya u zwi p̄fesesa, uri ni songo zwi pfela thungo. Ni a vhona?

¹⁸⁸ Elelwani, mme Roma, o wanala khalo, o dala madzina a nyefulaho, mme a dziphombwe. Zwenezwo, arali vhe dziphombwe, naa phombwe ndi mini? Naa phombwe ndi mini? Zwenezwo zwithihi na phombwe. Ndi musadzi a no tshila a sa fulufhedzei kha muano wa mbingano yawe. Huno tshivhidzo tshiñwe na tshiñwe-vho tshi no didzhia uri ndi tshone Tshivhidzo tsha Kristo, huno tshi tshi landula Ipfi la Mudzimu, a tshi fulufhedzei kha muano wa mbingano yatsho! Zwenezwo tshi ita vhupombwe nga u engedza nga dogima, vhupombwe na shango na vhučali halo, vhudzuloni ha u tanganedza Kristo na maanda a mvuwo Yawe nga Muya Mukhethwa. Huno ndi tshone mme a dziphombwe dzo itaho zwenezwo zwithihi. Khali a i vhidzi gedela uri i na “giris,” ni a divha; ni a vhona, rathi ya nthihi, na hafu dazeni ya inwe. Vhaiwe vha avha vhatu vha gidima vha tshi sokou tambo nga Kačolika, nahone vhe vha tshiñwe tsha zwenezwo zwithihi vhone vhañe. Tsho

vha tshi mme a ndovhedzo i si ya ngoho ya mađini. Ndi tshone mme a vhučanzi vhu si ha ngoho ha Muya Mukhethwa, huno inwi ni tevhela natsho. Zwino kha ri vhone.

¹⁸⁹ “Naa izwo ndi ngoho, Mukomana Branham?” Fhumulani lwa tshifhinganya.

¹⁹⁰ Ni a vhona, ndi tshone mme a madzina a nyefulaho, a nnđu dza vhuawelo dze vhatu vha vha mirađo yadzo, huno vha disa u nyadziwa, vha tshila nga ndila inwe na inwe, vha ambara dzishothi, vhasadzi vhe na mavhudzi o fhungudzelwaho, vho penndwaho, vha imba kha dzikhwairi, vha daha dzisigarete, vha dzhia tshilalelo, tshakha dzothe dza tshika ya shango, huno ndi tshikhukhuliso kha a sa tendi. Naa Timotheo ho ngo amba nga hazwo, Muya Mukhethwa? Sedzani. Ni a vhona, yone, Roma, ndi mme a liñwe na liñwe lao. Ni a vhona? No ita kokotolo kha dzangano lađu u tou fana na zwe ya ita, ni tshi thavhela dzidogima vhudzuloni ha Ipfi, ngauri tshigwada tsha vhanna tsho dzula fhethu huthihi, vhotshifhe na vhabishopo na vhañwe-vho vho ri zwi tea u vha nga iyi ndila, huno izwo ndi zwone kokotolo zwe zwa itea ngei Roma. Huno inwi ni lingedza u, mufunzi mukomana wanga, t̄anganedza Ipfi la Mudzimu lo dalaho, huno, sedzani hune na do ya, henefho nnđa ha vothi! Zwino ri do vhona arali Mudzimu o ni vhudza u ralo, kana hai, nga miniti i si gathi. Ni a vhona? Zwo luga.

¹⁹¹ Ni a vhona, ndi yone mme a liñwe na liñwe, ngauri yo vha yone ya u thoma u ūsa mañwalo a Luñwalo huno ya engedza nga dogima, ngauri yo landula vhaporofita vho doliswaho vhe vha vhe na vhatshilo ho khwathisedzwaho, na Ipfi. U itela vhučali havho, munna o thanyaho, Mphaya dza Roma, na vhañwe-vho, vho t̄anganedzaho Vhukriste, fhedzi vha tshi t̄oda... u vhu t̄anganedza nga ndila ya vhone vhañe. Ni a vhona? Izwo ndi zwone. Vha vhu t̄oda nga ndila ya vhone vhañe.

¹⁹² Naamani o t̄oda u sunda mapele awe mađini a shango la hawe, ho ngo takāela mađi a thophe a Yorodane. Fhedzi arali a vhuya a sunda mapele awe, u tea u tshimbila henefho nnđa kha ayo matope u tou fana kokotolo vhunga muporofita o mu vhudza. Ni a vhona, Mudzimu ha t̄aluli muthu.

¹⁹³ Dzhielani nzhele, yo vha dinomineisheni ya u thoma. Sedzani vhananyana vhayo, vho ita zwenezwo zwithihi, vho engedza nga dzindaela na dzidogima vhudzuloni ha Ipfi. Ni songo mmbudza; ntsumbedzeni nthihi ine ya vha uri a yo ngo bva Khalo. Ntsumbedzeni mufunzi muthihi a no do t̄anganedza Ngoho, lune vha nga si do ni t̄anutshela malugana nayo, nnđani ha musi ni tshi takalelwa nga maanda lune, ni a divha, vha tea u farelela kha inwi u itela u takalelwa hađu kana tshiñwe tshithu. Ndi two lugaho.

¹⁹⁴ Zwino sedzani kha Nzumbululo 18, lwa miniti i si gathi fhedzi, ndimana i tevhelaho hafhu, ndima i

tevhelaho, nga murahu ha musi Nzumbululo 17 yo no tandula nahone—nahone yo no sumbedza tshiphiri tsha uyu Mufumakadzana Babele. Ndima ya vhu17 ya Nzumbululo i talutshedza uri ndi ene tshivhidzo tsho dzulaho kha mivhundu ya sumbe, Mudzi wa Vatican, u no vhusta khosi dzothe dza lifhasi (izwo ndi zwone kokotolo zwine zwa vha zwone), na Vhaphuresidennde na vhone-vho, na vhaiwe-vho. Uh-huh. Ngauralo, fhedzi u heneffo, o fara lupfumo lwa shango lawe tshandani tshawe. Izwo ndi zwone kokotolo. “Naa ndi nnyi a no kona u ita nndwa nae?” Izwo ndi zwone. Rothe ri a zwi divha hezwo. Fhedzi ndi ngani ni tshi do vha wa tshiñwe tshithu tshi re na vhuñumanu nae? Zwino dzhielani nzhele kha ndima ya 18, ndima yeneyo i tevhelaho nga murahu ha musi tshiphiri tsho no talutshedzwa. “U dzula thembeleni ya Mudzimu.” Zwino, hafha, ene . . .

¹⁹⁵ Zella Braitman, naa ni hone fhano madekwana a ñamusi, Zella? O ñisa, i lufherani ngomu heneffo zwino, *Our Sunday Visitor*, bammbiri ya Kañolika. Huno bammbiri ya Kañolika yo vha i tshi khou fhindula muñhumeli. Ho pfi, “Naa no ri, vhafunzi, vhe vha ita yone . . . Kha mbalo ya Roma nga ñtha ha Vatican, kana nga ñtha ha khuluponi ya Mupapa, ho ñwalwa, ‘Vicarivs Filii Dei,’ zwine zwa amba, uri kha dzingu la mulisa la Kañolika heneffo, iyo ndi mba—mbalo ya ñivhanda la Aphokhalipi?”

¹⁹⁶ “Mulandu,” a ri, “zwa vhukuma, ndi yone. Ndi yone kokotolo, i talusa ñarathi na furathirathi. Ndi yone kokotolo.” Huno dzingu la mulisa la Roma li a zwi tenda, uri i a ralo. Fhedzi ngeyi phindulo yavho, yo thanyaho, yo dalaho vhuñali, ho pfi, “Fhedzi, ni a ñivha, dzina ñanu kha luñwe luambo li nga di talusa zwenezwo zwithihi.”

¹⁹⁷ Uyu munna a ri, “Langa, kañukuñuku ndi zwenezwo zwithihi kha luñwe luambo.” A li talusa. Ha pfi, “Vhonani, kañukuñuku nn̄e ndi ñarathi na furathirathi, na nne-vho.” Ha pfi, “Ho no vha na madana avho.” Ha pfi, “Tshifhinga tshothe tshiñwe tshithu tshi tshi takuwa, muñwe muthu u na ñarathi na furathirathi.” Huno ha pfi, “Vhafunzi, naa vho zwi ñivha uri kha luñwe luambo dzina la vhone vhanje li nga di talusa mulwanakristo?” Ha pfi, “Ndi ngani ni tshi sedza zwithu zwe raloho?” Sedzani vhuñali.

¹⁹⁸ Fhedzi Muya Mukhethwa u ñivha zwa khwine. Sedzani. Izwo zwi nga di vha zwone, dzina langa li nga di talusa ñarathi na furathirathi, fhedzi a thi na ñzinwe ndalukanyo dzothe. A thi dzuli kha muvhundu. A thi ambi izwi zwithu. A thi muvhusi, ni a vhone. Izwo ndi zwone. Uyo ndi ene ane A khou amba nga hae. Ngauralo vhuñali hanu ha shango a vhu ri tshithu, muñe wanga, izwo ndi zwone, Vhuhoneni ha Muya Mukhethwa. A thi na ñzinwe dzadzo, fhedzi ene u a ralo. “U dzula thembeleni ya Mudzimu, a tshi khou disumbedza uri ndi ene Mudzimu, nahone u dzula kha mivhundu ya sumbe.” Nne a thi dzuli kha mivhundu ya sumbe, arali li tshi talusa ñarathi

na furathirathi. A thi na dziinwe dzadzo, fhedzi ene u a ralo. Ni a vhona, khezwo. Ni a vhona? Ngauralo itonu ditika nga Muya Mukhethwa, “Ni songo vhilaela zwine na khou yo amba, ngauri a si inwi a no amba; ndi Khotsi.”

¹⁹⁹ Ngauralo naa vhuṭali haṇu na Mbebo yaṇu ntswa i bvaho N̄tha i tshi nga vhuya ya vhambedzwa na izwi zwithu fhano kha liphasi, avha—avha vhadziamanditi vha re khalo? Mulandu, vha ḏivha khurukhu ḫukhu iñwe na iñwe na khuda. Naa Mushe o vha a tshi nga ima hani musi o tevhela Milayo ya Mudzimu, u posela fhasi lubada lwawe huno lwa shanduka lwa vha ḥnowa, huno hafha hu ḫa vhadziamanditi huno vha ita zwenezwo zwithihi? Fhedzi Mushe o ima a tokomelwa, a tshi zwi ḏivha uri o tevhela Ipfi ḫa Mudzimu, huno ḥnowa yawe i ḫa dziinwe dzothe. Ni a vhona? Ngauralo musi no no thetshelesa huno na wana... O vha a tshi do ita mini musi o vha ranga phanda u ya shangoni ḫa pfulufhedziso, huno heneffo hu na Lwanzhe Lutswuku lwo vha valela ngomu, fhedzi ndila ya Mudzimu yo fhira heneffo vhukati halwo. Amene. Ha pfi, “Imani ni tokomelwe, huno ni vhone Vhugala ha Mudzimu!”

²⁰⁰ Musi hu ndilani ya mushumo, ya u tevhela Ipfi, imani heneffo huno ni i vhone i tshi vulea. Amene. Ndi na miñwaha ya fuṭhanuraru, ndo vha khou Mu shumela lwa miñwaha i no ḫodou swika furarurarū, ndi tama ngavhe ndo vha ndi na miñwaha ya milioni dza fumi ya u Mu shumela. Na kathihi a thi athu Mu vhona a tshi kundelwa u swika zwino, musi Ipfi Lawe ḫi tshi vhulungiwa. Izwo ndi zwone.

²⁰¹ Zwino sedzani, nga u ḫavhanya nga murahu ha tshivhi tshawe, zwiphiri zwawe zwa wanala. Ro no vha na hezwo lwa tshifhinga tshilapfu tsho fhiraho, ri a zwi ḏivha.

²⁰² Zwino ndima i tevhelaho, sedzani Nzumbululo 18. Ndi nga i fhenda lwa tshifhinganyana. I nga ḫi vha tshithu tshavhuḍi, i nga si ri dzhie nga nn̄da ha u lapfa nga miniti i si gathi, huno i nga ḫi amba tshiñwe tshithu tshiṭuku kha inwi. Ndi fhulufhela uri i a ralo.

²⁰³ Zwino ri a vhona hafha, kha ndima ya vhu¹⁷, ndimana ya vhu⁵.

*...kha phanda yawe ho vha hu na dzina lo
n̄waliwaho, TSHIPHIRI, BABELE LIHULWANE,
MME A DZIPHOMBWE, VHUTUDZI HĀ ḫIFHASI.*

Huno sedzani.

*Huno nda vhona musadzi (tshivhidzo) o kambiwa
nga malofha a vhakhethwa, na nga malofha a
vhafelalutendo vha Yesu:...musi ndi tshi mu vhona,
nda mangala nga ganuko lihulwane.*

²⁰⁴ Ni a vhona, ndi tshi mu vhona, o vha e tshithu tsho nakaho zwiḥulwane. Huno o vha e mme wa vharengisamivhili, vhurereli

ha vhurengisamuvhili, dzidinomineisheni, kokotolo zwe a ita, ni a vhona, ngauri vho thavhela dzidogima u tou fana na ene o ita. Zwino sedzani, sedzani Nzumbululo zwino, iyo ndi ndima ya vhu17, i guma nga ndimana ya vhu18. Zwino sedzani.

...nga murahu ha izwi zwithu, nga murahu ha musi tshiphiri tshawe tsha wanala, nga murahu ha izwi zwithu nda vhona muñwe muruñwa a tshi tsa a tshi bva ḥadulu, e na maanda mahulwane;...

²⁰⁵ Zwino, hafha hu ḫa muñwe mudinda a tsaho, ndima i tevhelaho, tshiphiri tshawe tsha wanala. Zwino, uhu zwino ndi u wanala ha tshiphiri tshawe na tshiphiri tsha vhana vhawe. Ni a vhona, ri a pfesesa zwino kokotolo zwe zwa mu ita phombwe: ngauri o itela Ipfi ḥa Mudzimu vhupombwe. Huno izwo ndi zwa mu ita dzangano. O kundelwa u dzula e tshivhidzo tsha Bivhili huno izwo a zwi ḥanganedza. Huno na dzangano linwe na linwe-vho ḫi sa dzhii Ipfi linwe na linwe Layo (nga ndila ye La ñwalwa) ḫi nga si vhuye ḥa vha tshivhidzo tsha Bivhili. Huno a hu na na lithihi lao nga iyo ndila, line nda qivha tshinwe tshithu nga halo, na lithihi zwaño. Ngauralo henehafho, ni a vhona, zwenezwo ḫi tshi dzudzanya zwithu zwine ḥa ita, (nga Luñwalo na vhuñanzi vhuvhili hazwo) ḫi fela henehafho, ḫi ḥanganedza dogima. Zwino sedzani, zwino izwo ndi zwa zwa bvelela.

²⁰⁶ Mudzimu o ruma, kha iyi ndima ya vhu18, muruñwa wa maanda, nga murahu ha musi itsyo tshiphiri tsha no dihwa, muruñwa wa maanda, kana, muñinda. Sedzani hafha.

...nga murahu ha izwi zwithu nda vhona muñwe muruñwa a tshi tsa a tshi bva ḥadulu, e na maanda mahulwane; huno liphasi ḥa vhone tshelwa nga vhugala hawe.

Huno a vhidzelela...nga ipfi ḫi pfalesaho,... Babele (ndado) lihulwane ḫi khou wa,...huno lo no vha vhudzulo ha vhodiabolo,...tshitaha tsha mya muñwe na muñwe wa dzitshika, na kheidzhi ya tshinwe na tshinwe tsha kunaho na u vhengiwa... tshinoni tshi songo kunaho na tshi vhengiwaho.

Huno tshakha dzothe dzo nwa waini ya mbiti dza vhutondolo hawe, huno khosi dza liphasi...dzo ita vhupombwe nae, huno vhavhambadzi vha liphasi vho pfuma nga vhuando ha lupfumo lwave.

²⁰⁷ Sedzani, nga u ḥavhanya nga murahu ha musi tshiphiri tshalo tsha no dihwa, we ḥa vha li ene, zwe ḥa vha li zwone, zwe vhananyana vhalo vha vha vhe vhone, tshiphiri tsha no divhadzwa, zwenezwo Mudzimu a ruma muruñwa, mudinda kha (mini?) u vhidzela nn̄da. "Ibvani!" Mulaedza wa awara!

...Ibvani khalo, vhathe vhanga, uri ni songo vha vhahura vha mabulayo alo...

U khou yo li sema. Sedzani.

²⁰⁸ Ibvani khalo! Mudzimu o rumela vhanzhi... muruňwa wa maanda, kana, mudinda. Huno Tshedza tshawe tsho vha tshi si khudani, Tsho balangana kha lifhasi. Ibvani khalo! Mini? Lone, na khaladzi dzalo, na dzone-vho. U vhotnetshela lifhasi, huno A vhidzela vhathu Vhawé nnđa halo. Zwino, ni a zwi divha uri izwo ndi Ngoaho. Mudinda o ruňwa a tshi bva Tađulu, u vhidzela vhathu vha Mudzimu nnđa ha Babele. Huno Tshedza tshawe tsho vhotnetshela lifhasi, Muya Mukhethwa muhulwane.

²⁰⁹ Dzhielani nzhele, Bivhili yo ri, "Ndi lone kheidzhi, huno lo fasha zwiñoni zwi vhengiwaho, zwi songo kunaho." Hu si magoni, zwino, hai, hai, hai, hai. Maanga, "zwi songo kunaho, zwiñoni zwi vhengiwaho," izwo ndi zwone zwe la zwi dzenisa kheidzhini u mona naļo. Ndi lone kheidzhi yo ḳalaho zwone, kheidzhi yothe yo ḳalaho. Nga mini? "Madzina a nyefulaho," o fhambanaho na Luňwalo. Timotheo Ya Vhuvhili 3 yo amba, Muya Mukhethwa u tshi khou amba, "Mađuvhani a u fhedzisela vha do tuwa kha Lutendo huno vha thetshelesa mimuya ya vhuffura." Nahone wo amba, Muya Mukhethwa wo amba uri "Mađuvhani a u fhedzisela vha do dihudza, vhadzia-u-łonga, vha u vhenga ('Fhađutshedzani Mudzimu, ni washu, kana a ni na dzina ḳanu kha bugu yashu, no xela'). Zwi vhengiwaho! Zwi songo kunaho!" Ndi fhulufhela uri a thi khou vhaiṣa, ndi a fhulufhela uri ndi khou ita zwavhuđi. Zwiñoni zwi vhengiwaho, zwi songo kunaho, lo zwi dzenisa kheidzhini.

²¹⁰ Elelwani, Mudzimu ndi goni. O Divhidza goni. Huno O vhidza Yakobo goni. Huno riñe ri magoni matuku Awe. Amene. O vhidza vhaporofita Vhawé "magoni." Huno uyu muruňwa u a tsa uri a ḳane na u vhidzela nnđa!

²¹¹ Vhunga mulaedza wanga muļuku nga ha *Goni Li Fudulula Tshiṭaha Tshalo*. Ilo goni liļuku la kale lo vha li tshi khou tevhela iyo phambo ya kale u mona na dzharata ya dulu tshifhinga tshothe, i tshi ita kukuliko u mona hothe, fhedzi la kundelwa u la izwo zwithu zwe ya vha i nazwo, zwa matshilisano, na vhasadzi vho penndaho zwifhaļuwo, mavhudzi o fhungudzelwaho, na dzishothi. Lo kundelwa u ita hezwo. Fhedzi a lo ngo divha tshińwe tshithu-vho nga nnđa ha kukuliko ya iyo phambo ya kale. Fhedzi lińwe duvha mme goni vha li wana. Vha zhamba, vha tshi li vhidzeļela, vha ri, "Murwa, a ni muńwe wavho. Ibvani khalo!"

Ha pfi, "Mma, naa ndi nga ita mini?"

²¹² Ha pfi, "Babamedzani phapha dzaļu huno ni thome." U fhufha ha u thoma, la rwa pala, henefho vhukati ha dzangano. Ha pfi, "Murwa, ni do tea u da nňha u fhira afho kana ndi nga si kone u ni fara. Ni tea u takusa milenzhe yanu mavuni." Vha khou yo li fhufhisa. La zwi wana uri li nga fhufha. Vho da u li vhidzela nnđa. Izwo ndi zwone.

²¹³ Fhedzi uyu Mme Babele o difarela tshivhalonyana tsha dzikhukhwana, zwikukwana zwi suvhaho, zwo penndwaho, mavhudzi o fhungudzelwaho, zwi dīvhidza "Vhakriste." Li na kheidzhi yo dalaho zwone. Vhoinwi vhareri vha no ima kha phuluphithi huno na tendela avho vhasadzi u bvela phanda na hezwo, liwani nga thoni, u ita uri dinomineisheni yanu i engedzee. Mudzimu u do toda hezwo tshandani tshañu. Ibvani khalo! "Nngu Dzanga dzi pfa Ipfi Langa." Kheidzhi ya vha vhengaho, vha u dīhudza, vhadzia-u-tonga, vha funaho zwa madakalo u fhira u vha vha funaho Mudzimu, vha nga namba vha fana na shango u fhira u fana na Kristo. Musi ni tshi v̄hona musadzi o dola zwidolo zwinzhi, zwi sumbedza uri ha na tshithu nga ngomu. A si wa ngoho nga ngomu. Izwo ndi zwone kokotolo. Arali musadzi... Ndo vhona muñwe liñwe dūvha, e na mavhudzi madala, izwo ndi zwone, e na izwo zwithu zweithe zwidala heneffo mañoni awe.

²¹⁴ Zwino, arali inwi—arali—arali no vha ni si na mañwe mavhudzi-vho, huno—huno no ḥoda u ambara mañwe mavhudzi, zwo vha zwi tshi do vha zwo luga, fhedzi, ambarani ayo a no nga a muthu. Huno arali no vha ni si na dziñwe ɣala-vho, huno—huno no ḥoda u wana dziñwe ɣala, ni songo wana idzo dzi no nga makanda a ɣawa dza lutombomađi, wanani—wanani ɣala dza vhukuma. Arali ni si na zwiñwe zwa izwi zwithu-vho, zwo luga. Arali ni si na mañwe maño-vho, diwaneleni mañwe arali vha tshi ni itela mañwe, a waneni. Fhedzi ni songo kula maño aŋu e na ɣewa nga Mudzimu ngauri fhedzi o kombama zwiñku, nahone e maño avhuđi, u wana mañwe. Ni songo daya mavhudzi aŋu, kana tshiñwe tshithu, huno na vhonala vhunga tshiñwe tshithu tshi no bva thophemi huñwe fhethu. Ni songo ita! Arali ni si na muvhala, huno ni tshi ḥoda u ɣiita uri ni vhonale vhunga ni na muñwe muvhala, zwo luga, ndi a humbulela. Fhedzi ni songo ɣiita uri ni vhonale vhunga Jesebele, vhunga dulu li no khou penndiwa huñwe fhethu.

²¹⁵ Huno vhoinwi vharathu vha Pentekoste, ni tshi tendela avho vhasadzi u ɣunya mavhudzi avho, ngeno Bivhili yo ri ndi vhugala hawe! Huno nahone a zwo ngo tea uri a rabele mavhudzi awe e nga iyo ndila. Huno nangwe zwo ralo na mu tendela u da n̄tha kha phuluphithi huno a rera Mafhungo-madjifha, a imba kha khwairi, a funza tshikolo tsha Swondaha. Liwani nga thoni! Ni tea u dishonela. Ndi ngani ndi tshi lwa na dzangano? Ni elekanya uri ndo vha ndi tshi nga vhuya nda disedza tshiñwe tshithu tshi no nga tshenetsho? Ndi a dīvha tshi no ni itisa uri ni zwi ite, mukomana. Ni dīvha zwa khwine, fhedzi arali no vha ni tshi do funza ni tshi lwa na hezwo, ni do iswa musanda, huno vha do ni khaula. Fhaṭutshedzani Mudzimu nga nthani ha tshivhindī tshañu arali ni tshi do zwi ita. Izwo ndi zwone. Mudzimu u do ni hulisa.

²¹⁶ Naa uyu muruñwa o ri mini? "Ibvani khalo!" Ee, muñe wanga. Uyu muruñwa o da kha lifhasi, huno u da u disa

Tshedza, huno a penyisa Tshedza u mona na shango. O vha e muruňwa wa maanda. Huno u ḏa u divhadza mulaedza wa “Ibvani Babele! Ni songo kwama zwithu zwało zwi songo kunaho!”

²¹⁷ Li na kheidzhi yothe yo ḏalaho ngazwo, ha pfi, “Ndi lone kheidzhi ya tshiñoni tshiñwe na tshiñwe tshi vhengiwaho.” Iina, li na kheidzhi yo ḏalaho ngazwo zwino, Khoro ya Dzigereke Dza Lifhasi, kana nnđu dza vhuawelo. Li na tshivhalonyana tshothe tsho dzeniswaho kheidzhini zwino, zwi khou da fhethu huthihi zweithe. Li vha kheidzhi, zwo luga, lo dala zwiñoni zwi vhengiwaho. Izwo ndi zwone. Lingedzani u amba na linwe lao nga tshiñwe tshifhinga, itonu zwi lingedza, mutukana, lo thanya kha vhuṭali ha shango, fhedzi a li ḏivhi zwo engedzeaho nga ha Mudzimu u fhira muvhuda u tshi ralo malugana na zwienda zwa mahađani. Izwo ndi zwone. Fhedzi, izwo ndi zwone fhedzi, ni a vthona, zweithe zwine vha divha fhedzi ndi vhuńwe vhuṭali vhune vha nga kona u vhea *itshi* nahone vha ita *itsho* ngomu heneffo. Fhedzi musi zwi tshi da kha u Mu divha? Huh! Iina, lo farwa kheidzhini yaļo na dogima dzalo. Zwivhidzo zwa porotestanti zwi thoma nga ndila i fanaho, zwi vha vhananyana vhalo, lo vhanga izwi nga u landula Ipfi ja Mudzimu. Izwo li a ita. Li landula Ipfi. Huno musi ni tshi ḫanganedza tshiñwe tshithu-vho vhudzuloni ha Ipfi, ni a Li landula inwi muñe. Huno musi ni tshi vha murado kha linwe lao, nahone no no landula Ipfi. Mudzimu ha ni ḫodi ni nga iyo ndila, a hu na fhethu haļo kha Luńwalo.

²¹⁸ Dzhielani nzhele, uyu ndi muruňwa wa Tshedza, elelwani, muruňwa wa u fhedza, ndi muruňwa kha tshikhathi tsha tshivhidzo kha Laodikea. Ndi mudinda wa Laodikea, uyo, ndi wa u fhedza, ngauri ndima yeneyo i tevhelaho ndi ndima ya vhu19, ine ya vha Muselwa a daho. Huno uyu u, kha Luńwalo, muruňwa wa u fhedza we a ḏa u disa Tshedza musi Muselwa a sa athu ḏa u yo ḫanganedza Kristo. Ho vha hu Tshikhathi tsha Tshivhidzo tsha Laodikea, zwenezwo. Naa mudinda wa Tshikhathi tsha Tshivhidzo tsha Laodikea o vha e mini? U vha vhidzela nnđa ha Babele! Sedzani! Zwivhidzo zwo farwa kheidzhini naļo, na dogima dzalo, zwi tshi landula Ipfi huno zwi tshi ḫanganedza dzidogima. Uyu ndi muruňwa wa Tshedza kha tshivhidzo tsha Laodikea tsho landulaho Kristo na Ipfi Ławe, u itela dogima, huno tsho Mu vhea nnđa. Huno O ima vothini, u khou om̄ba-om̄ba, a tshi khou lingedza u dzhena. [Mukomana Branham u khokhonya kha phuluphithi—Mudz.] Ni a vthona? Tshikhathi tsha tshivhidzo tsho landula Kristo, huno Kristo ndi Ipfi, huno tsho Li landula, huno O vha e nga nnđa. Tshikhathi tsha tshivhidzo fhedzi tshire ra vha natsho tsha Kristo e nga nnđa, a tshi khou om̄ba-om̄ba, a tshi khou lingedza u dzhena. [Mukomana Branham u khokhonya kha phuluphithi.] Huno Mulaedza wa uyu muruňwa, muđinda

u bva ha Mudzimu, o vha a tshi khou humisa mubvumo wa Mulaedza kha lifhasi, u “Ibvani Babele! Ibvani kha madzangano!” Muya Mukhethwa ɳamusi, u vhonadzwa ha Muya Mukhethwa ndi uyo muruňwa a tshi khou lingedza u ita uri vhathu vha vhuyelete kha Ipfi, ngauri Muya Mukhethwa u do khwaṭhisizedza fhedzi Ipfi. Ü nga si kone u khwaṭhisizedza dzidogima, a hu na vhutshilo khadzo. Ene u Vhutshilo. Dzhielani nzhele, Tshikhathi tsha Tshivhidzo tsha Laodikea tsho Mu landula, tsho Mu hana, huno vho Mu vhea nga nn̄da.

²¹⁹ Dzhielani nzhele, uyu muruňwa ndi mudinda wa u fhedza u da ha Kristo hu sa athu da kha ndima ya vhu19 ya Nzumbululo. Ipfi la mudinda! Arali ri tshi dzhieila nzhele, musi A tshi nea Ipfi lawe kha lifhasi, ho vha na Ipfi lo humisaho mubvumo hafhu ngei Tađulu. Ndimana ya vhu4, arali ni tshi todou i vhala. Zwo luga, ndimana ya vhu4, ndima ya vhu19. Uyu mudinda kha lifhasi o vha o tshingamela kha Mudzimu u swika, musi a tshi zwi amba kha lifhasi, Mudzimu o humisa mubvumo wa zwenezzo zwithihu u tshi bva Tađulu. Naa thalutshedzo iyo ya ndimana ya vhu4 ndi mini? Naa i amba mini? Ipfi la Mudzimu li tshi amba na vhathu vho tiwaho Vhawe, li tshi ri, “Ibvani khalo!” Zwi tou vha kokotolo zwe Ipfi la vha li zwone! U na vhathu vhothe nn̄da ngomu henehfo, vhothe nn̄da kha la Babele. “Ibvani khalo, uri ni songo vha vhahura na zwivhi zwalo,” ee, muñe wanga, nn̄da ha iyo dogima na dzindaela, kha Ipfi lo itwaho Muya na Vhutshilo. Amene.

²²⁰ Dzhielani nzhele, ndima ya vhu19 ndi i tevhelaho, “Nga murahu ha izwi zwithu.” Naa no zwi dzhieila nzhele hafha kha ndima ya vhu19, “Nga murahu ha izwi zwithu”? Sedzani mini? Nga murahu ha mini? Nga murahu ha Mulaedza wa “Ibvani khalo!” “Nga murahu ha izwi zwithu,” sedzani, “ndi u ḥavha mukosi ha vhakhethwa vha Muselwa, vhe na Muhwe, vha tshi khou ya kha Mbingano ya Ngwana.” Naa ri tsini hani-ha, mukomana? Naa mbidzo ya u fhedza ndi ifhio? Ibvani Babele!

²²¹ Zwino, vharathu vhanga, itscho ndi thone tshi itisaho uri ndi lwe nało. A li manwaloni. A si la lutendo kwalwo. Lo sumbedzwa u vha li si la ngoho. Muđzimu haho khalo, na kathihi Ho ngo ralo, na kathihi A nga si do vha nga u ralo. Zwino, a thi khou ri a hu na vhathu kha aya madzangano, afho ndi he tshivhidzo tsha itwa ngao. Fhedzi, samusi ni tshi dzula ngomu ha iyo sisteme, ni tshipiда tshayo.

²²² Arali ndi tshi dzula kha la United States, ndi Muamerika. Samusi ndi mudzulapo kana murado wa ili United States, ndi tshipiда tshało. Arali nda ya Dzheremane huno nda landula vhurado hanga fhano, kana vhudzulapo hanga, nda dzhia vhudzulapo kha la Dzheremane, a thi tsha vha Muamerika, ndi Mudzheremane. Huno arali nda ya Japani, kana huňwe-vho, Rashia, ndi vha mudzulapo henengei.

²²³ Huno musi ni tshi vha murađo wa mudzulapo...sisteme, huno na vha mudzulapo wa iyo sisteme, ni khou sumbedza zwine na vha zwone. Huno kha aya maduvha a u fhedzisela, Mudzimu u khou vhidzela vhathe nnda halo. Bivhili yo amba ngauralo, "Ibvani khalo, uri ni songo vha vhahura nađo, huno Ndi do ni tanganedza. Ni songo kwama zwithu zwi songo kunaho zwalo, ni a vthona, huno Ndi do ni tanganedza. Huno ni do vha vharwa na vhananyana kha Nne, huno Ndi do vha Mudzimu kha inwi." Ni a vthona?

²²⁴ Itsho ndi tshone tsho itisaho uri ndi ambe ndi tshi lwa na tshivhidzo, yone—yone nnđu ya vhuawelo. Ndi nga si i vhidze tshivhidzo. Hu na Tshivhidzo tshithihi fhedzi, itsho ndi Tshivhidzo tsha Muvhili wa Kristo. Fhedzi idzi nnđu dza vhuawelo dzi no vhidzwa "tshivhidzo," Bivhili yanga i mmbudza uri ndi madzina a nyefulaho, one othe, madzangano othe. Naa a khou nyefula mini? *U nyefula* ndi u "vha o fhambanaho na," kana, "u amba ni tshi lwa na." Musi Mudzimu a tshi ri "idani ni bebwe," huno vha ri "idani ni vhe murado." Ni a vthona? Musi ndovhedzo dza Muya dzi tshi dzhiwa nga ndila i si ya ngoho u itela kokisi tshivhidzoni tsha Katolika, u khadana tshivhidzoni tsha Porotestanti, na nyanyuwo tshivhidzoni tsha Pentekoste, vhudzuloni ha Muthu wa Kristo a tshi dzhena na itsho tshifhađo tsha phiramidi tshođe tshe ra vha natsho liňwe đuvha.

²²⁵ Kha lutendo lwańu engedzani nga, maanda, na zwińwe-vho, izwi zweithe zwi kha Petro Ya U Thoma, ya 1... Petro Ya Vhuhili, ndi a tenda, ndima ya 1, hune zweithe zwi engedzwa kha lutendo lwańu, zwithu izwi zweithe, u ofha Mudzimu, na lukuna, na vhukhethwa, na tshińwe na tshińwe, huno zwenezwo no swaiwa nga Muya Mukhethwa.

²²⁶ Fhedzi zwi tou nga muńwe muthu ane vha...vhathe vha dzhia uri vha na itshi ngeno vha si na, ngauri vho funzwa nga ndila i si ya ngoho. Vhamethodisi vha wana vhudipfi vhu takadžaho, vha tshi anzela u ralo, huno vha didzinginyisa zwiętuku, kana—kana vha tshina Muyani. Vhapentekostała vha amba nga dzindimi, kana—kana vha ita tshińwe tshithu tshi no nyanyula. Ndi tenda izwo zwithu, zwa vhukuma, fhedzi izwo zwithu zwi si na izwi zwinwe a si zwavhuđi.

²²⁷ Vhunga ndo amba lińwe đuvha, zwi nga phikhokhonduna...kana tshińoni tshitswu tshi tshi khou lingedza u dzenisa mithenga ya phikhokhonduna kha tshone tshińe, kana lińoni li tshi khou lingedza u shumisa mithenga ya liivha. Na kathihi a yo ngo alutshela afho, lo tou i sukumedzela ngomu ha lone līne. A a tavhiwa, ndi one dinomineisheni. Fhedzi musi Mudzimu a tshi dzenisa tshińwe tshithu ngomu benefho, ndi tsha mvelo. Inwi ni a diita u ri, "Ndo vha murađo wa tshivhidzo madekwe. Ndi nga si tsha ya,

ndi nga si tsha nwa, ndi nga si ite *itshi*. *Ndo vha murado wa tshivhidzo.*” Ni a vhona, ni khou lingedza u dzhenisa mithenga ya phikhokhonduna mutumbuni waṇu wa līnoni. Izwo ndi zwone. Ni a vhona? Ni a vhona? Ni tea u bebwa hafhu! Ni tea u tanganedza Kristo. Huno musi ni tshi tanganedza Kristo, ni nga si tanganedze Kristo hu si na u tanganedza Ipfi Lawe, ngauri Ndi ene Ipfi. Huno musi ni na tshifanyiso tsha u nga ni ofha Mudzimu, huno Ilo na li landula, zwenezwo ndi a mangala. Ni a vhona? Huno ni nga kha di vha wa madzangano othe ane na ḥoda huno na vha na tshifanyiso tsha u nga ni ofha Mudzimu, huno na di vha ni si Nało.

²²⁸ Zwino, khezwo, dzikhonani. Ngetsho tshithu tshothe. Mudzimu a ni fhatutshedze. Mudzimu a ni thuse. A thi khou amba izwi u vha o fhambanaho. Ndi khou dītalutshedza. Aya e mađuvha a u vhea mapfumo phasi, a thi khou saina mulangano wa mulalo na vhoiñwi vhashumeli, na luthihi, ndi elekanya uri ni tea u da na saina na nñe; hu si ni na nñe, fhedzi na Mudzimu, Ipfi. Izwo ndi zwone. Izwo ndi zwone. Ambani zwine Bivhili ya amba, Li ambeni nga ndila ine Ya Li amba. Ngauri Bivhili yo amba, “Ane a do tusa kana a engedza kha lenelo līthihi.” Huno ni a vhona, dzangano a si la mañwalo, huno musi ni tshi tanganedza dogima ya u thoma ndi khwine ni tshi tou ya murahu ndilani yothe, ngauri no pfuka mukano henehafho. Musi ni tshi vhuya kha mbebo ntswa, zwenezwo ni do tshimbila ngomu ha Luñwalo.

²²⁹ Huno ni dzhena kha dinomineisheni, vha ri, “Ndi a divha, a ri tendi kha *Itshi*. Vhabishopo vhashu tshivhidzoni tshashu vha funza uri ri tshiñwe tsha zwivhidzo zwa kalesa. A ri funzi...” A thi londi zwine vha sa funze. Arali Bivhili i tshi tshi funza, Muya Mukhethwa kha inwi U do dīkanzwa nga Ipfi. A hu londwi uri munna o thanya hani na nga ndila ine a nga lingedza u Li tālutshedzela kule, vha nga di tālutshedzela kule. Mudzia-u-sa-tenda a nga dzhia Bivhili huno a tālutshedzela Mudzimu kule na inwi.

²³⁰ Ngauralo-ha, a hu na munna a re na pfanelo ya u rera Mafhungo-madjifa nnđani ha musi, vhunga Mushe, o vha murahu hangei kha iyo miñavha wo khetheaho he ene na Mudzimu fhedzi vha ima, u swika munna o no bebwa hafhu huno a ima heneffo na Mudzimu vho sedzana zwifhañwo, huno a divha. A hu na mudzia-u-sa-tenda, a hu na saikholodzhi, a hu na u tālutshedza, a hu na tshikola shangomi ane a nga dzhia Izwo kha inwi. No vha ni hone musi zwi tshi bvelela! Ee, muñe wanga. Ni a zwi divha zwe zwa itea.

²³¹ Zwenezwo inwi ni ri, “Ndo vha na ulwo lushaka lwa tshenzhemo, huno ndi na maya kha nñe.” Huno arali u tshi landula Ipfi nga iñwe ndila, ni na maya u si wone. Inwi ni ri, “Ndi—ndi nga si yele izwi zwithu zwi no nga Itshi. Ndi a divha,

fhedzi tshivhidzo tshashu . . ." Uh-uh, hu na maya u si wone. Ngolwo luswayo lwaṇu lwa u faedza. Kaini, no swaiwa. Ee, muṇe wanga.

²³² Efa o timatima fhedzi Ipfi lithihi lituku; hu si zwe the zwothe Zwe Mudzimu a amba, Ipfi lithihi lituku fhedzi, huno zwo vhanga liłambilu lińwe na lińwe na thambudzo, na lufu, na tshivhi, na dzind̄wa, na tshińwe na tshińwe-vho, tshalo tshińwe na tshińwe, ambulentsi ińwe na ińwe ye ya vhuya ya zhamba, sibadela tshińwe na tshińwe tsha fhatelwa vhalwadze. U timatima lithihi hułku hawe ha Ipfi lithihi lituku la Mudzimu, ho vhanga izwi zwe the. Huno a vhewa nnda, ngeno izwi na kathihi zwo vha zwi sa tei u bvelela. Naa ni khou yo dzhena hani, ni tshi timatima Ipfi lithihi Łalo? Hu pfi, "Ndi a zwi dıvha uri Łi a amba Izwo, fhedzi Łi . . ." Łi amba Izwo fhedzi!

²³³ Zwino sedzani. Mudzimu u tea u haṭula shango nga tshińwe tshithu. Ni nga si kone u vha na khaṭhulo nndani ha musi ni tshi thoma na vha na mulayo. Hu tea u vha na tshińwe tshithu, ni tea u kwasha tshińwe tshithu uri ni kone u haṭulwa. Ni a vhona? Huno zwenezwo hu nga si kone u vha na khaṭhulo, nga ndila yone, hu si na tshigwevho. Zwino, ni a vhona, ni nga si vhe na mulayo doroboni une wa ri "faini ya dołara thanu kha u pfuka tshedza tshitswuku," huno mulayo u tēvhelaho wa ri "hai, a nga vhofhololwa." Ni a vhona, ni nga si kone u ita hezwo. Ngauralo hu nga si kone u vha na milayo mivhili nga tshifhinga tshithihi. Huno hu na mulayo muthihi, Mudzimu muthihi, Bugu nthihi, Kristo muthihi. Ndi zwenezwo fhedzi. Lutendo luthihi, fhulufhelo lithihi. Ndi zwenezwo fhedzi. Iyo ndi Bivhili, Kristo.

²³⁴ Dzhielani nzhele zwino, kha itshi, arali hu na tshińwe tshithu tshi no engedzwa kha Itshi, tshi tea u engedzwa nga muthu. Tshi nga si vhe tshi no fhira . . .

²³⁵ Huno arali Mudzimu a tshi khou yo haṭula shango nga tshivhidzo, sa Katolika i tshi amba, zwenezwo U khou yo li haṭula nga tshivhidzo tsha Katolika tshifhio? Hu na zwo vhalaho; hu na tshithihi, tsha Roma; tshithihi, Tshigerika; huno, oo, hu na tshakha dzothe dzo fhambanaho. Ndi tshivhidzo tshifhio tsha Katolika tshire A khou yo li haṭula ngatsho? Kana, khamusi U khou yo li haṭula nga ya Łutere? Zwo ralo, zwenezwo, huno khamusi U khou yo li haṭula nga Puresbiterieni? Ni a vhona? Naa U khou yo itani? Ha khou yo li haṭula nga tshivhidzo. U khou yo li haṭula nga Ipfi Ławe. Zwo ralo, zwenezwo, na kathihi Ho . . .

²³⁶ Ni a vhona, A nga si kone u vhulunga tshigwada tsha vhathu, vhunga bono la khaladzi vhuńwe vhusiku, Muya Mukhethwa wa shululela ngomu, Wa ya wa fhira nga kha ilo bogisi. Ngoho, a hu na tshi no fara Hoyo. Ndi muthu. Wo newa u kunakisa tshivhidzo, fhedzi tshi nga si kone u U fara. Å hu na dzangano line li nga U fara. Ndi zwenezwo fhedzi. Łi

nga si tou zwi ita. Ni na tshiñwe na tshiñwe ngomu heneffo, huno ni nga si kone u zwi ita. Dzangano lī nga si kone u zwi ita. Fhedzi ndi muthu ane a vha na Muya Mukhethwa. Zwino dzhielani nzhele.

²³⁷ Zwenezwo arali Mudzimu a tshi khou yo haṭula shango nga Ipfi Lawe, zwenezwo zwa vhukuma O Lī sedzesu huno a Lī vhulunga kha madzulele. Kana, arali Lī tshi timatimiwa, naa U khou yo disa hani khathulo? Ni a vhona? Hu tea u vha tshiñwe tshithu. Huno na kathihi Ho ngo ri, “Ane, nga tshivhidzo.” O ri, “Ane a do ḥusa Ipfi lithihi kha Iyi, kana a engedza nga ipfi lithihi Khayo, onoyo muthihi u do vha a tshi khou dzhia (mukovhe wawe) kha Bugu ya Vhutshilo.” Ngauralo, kha nne, ndi Mudzimu, Ipfi Lawe na khaṭhulo. Zwino, arali ndi tshi haṭula huno nda ḥanganedza Ipfi, huno nda zwi vhona uri Kristo o mpfela, zwenezwo ndi do humbela Vhutshilo Hawe uri vhu dzhene nahone ha nnyendedza. Huno arali Vhutshilo Hawe vhu Ipfi, huno O nwala Ipfi, naa Vhutshilo Hawe vhu nga vha hani kha nne, huno nne ndi tshi dzhia uri ndi na Muya Mukhethwa, huno ndi tshi engedza nga dogima vhudzuloni ha Ipfi? Zwi nga si tou shuma. Naa ndi nga engedza nga dinomineisheni ngeno A tshi lwa nayo, huno o zwi sumbedza, nahone a zwi ḥana nga kha divhazwakale, uri tshifhinga tshiñwe na tshiñwe vha tshi vhumba dinomineisheni vha a fa, nga lwa maya? Oo, vha alusa mirađo, ngoho. Izwo ndi zwone. Vha alusa mirađo. Fhedzi, nga lwa maya, na kathihi a vha yi fhethu. Ntsumbedzeni, mmbudzeni kha divhazwakale he tshivhidzo tsha vhuya tsha...Nga murahu ha musi tsho no dzudzanya, tsho fa henehafho, Muya Mukhethwa wa tshi tutshela. A hu tshe na mađembe na zwiga, huno tsho sokou dzhena heneffo kha ndađo.

²³⁸ Izwo ndi zwone kokotolo zwe zwa bvelela kha zwivhidzo zwashu zwa Pentekoste. Zwo ita zwe mme azwo a ita. U rangani, vho bva, vhatu vhe vha hana dzidinomineisheni. Zwino, vhañwe vha vhoiñwi vharathu vha no khou thetthelesa theiphi iyi, vhañwe vha vhoiñwi vhanna vho aluwaho, ni a zwi divha uri miñwaha yo fhiraho, ya fuña, ya fuñhanu yo fhiraho, arali vho amba na inwi nga ha dzangano, no vha ni tshi do vha no ri ho vha hu u nyefula. Fhedzi ɬamusi ni wa tshithu tshe na elekanya uri tsho vha tshi u nyefula. Vhoiñwi vhasadzi vha no fhungudzela mavhudzi aŋu huno na pennda tshifhătuwo tshanu, mme aŋu vho vha vha tshi lwa na hezwo, uyo mukhethwa wavhuđi—wavhudi o aluwaho wa pentekoste. Naa ho bvelelani kha vhoiñwi? Paulo o ri, “No gidima zwavhuđi, ndi mini tsho ni thithisaho?” Ni a vhona? Murahu hangei no vha no vhofhololwa kha izwo zwithu, fhedzi no ṭoda unga vhañwe vhothe.

²³⁹ Kokotolo zwe Samuele a amba. Israele yo vha i na Khosi, huno iyo yo vha i Mudzimu. Huno vha ri, “Samuele,

u khou aluwa. Ri itele khosi, ri ṭoda unga vhañwe vha shango lothe. Ri ṭoda unga dziñwe tshakha. Ri ṭoda khosi ya u ri isa nndwani, ri ṭoda khosi ine i nga lwa nndwa dzashu.” Huno zwa sa takadze Samuele.

²⁴⁰ A ri, “Naa ndo no vhuya nda dzhia tshiñwe tshithu kha inwi? Naa ndo no vhuya nda dzhia tshelede yanu kha inwi? Naa ndo no vhuya nda ni humbela phulu kana tshiñwe tshithu? Naa ndo no vhuya nda ni humbela tshiñwe tshithu?”

Vha ri, “Hai. A wo ngo ri humbela tshithu na kathihi.”

²⁴¹ Kana u ri, “Naa ndo no vhuya nda amba tshiñwe tshithu kha inwi nga Dzina la Murena nga nn̄da ha tshe tsha khunyelela?” Naa ndi zwone? A ri, “Zwenezwo ni songo ḥanganedza iyo khosi, ngauri zwi khou yo amba n̄daño kha inwi.”

²⁴² Zwino ndi todou ni vhudzisa tshiñwe tshithu, Thaberenakele ya Branham. Ni khou ṭodou aluwa na vha thaberenakele khulu zwino. Ndi nga di vha ndi siho lwa tshifhinganyana. Ndi nga di ya huñwe fhetru. Zwi a konda u amba uri ndi ngafhi hune Murena a ḫo mmbidzela hone; khamusi kule na vhupo, khamusi murahu ngomu tsimuni, khamusi A nga mmbidzela ngomu sogani. A thi ḫivhi hune A ḫo mmbidzela hone u swika Yesu a tshi ḫa. Ndi todou ni vhudzisa tshiñwe tshithu. Naa ndo no vhuya nda ni humbela tshiñwe tshithu? [Tshivhidzo tshi ri, “Hai.”—Mudz.] Naa ndo no vhuya nda ni humbela tshelede? [“Hai.”] Naa ndo no vhuya nda ni vhudza tshiñwe tshithu, kha zwithu zwa zwigidi zwe nda ni vhudza nga Dzina la Murena, fhedzi, naa a tsho ngo khunyelela? [“Amene.”] Zwenezwo na kathihi ni songo vha murado wa dzangano. Li lwa na Ipfi la Mudzimu. Ibvani khalo arali ni khalo, huno ni fhandekane naļo nahone ni ḥanganedze Ipfi la Murena.

Kha ri kotamise zwifhañuwo zwashu.

²⁴³ Mudzimu muhulwane wa vhaporofita, Mudzimu wa Abrahamu, Isaka, na wa Israele, engedza nga maanda, Murena, kha uyu Mulaedza muñuku wo tumulwaho we wa vha u kha mbilu yanga lwa tshifhinga tshilapfu, u ya kha vharathu vhanga. Vhunzhi ha avho ngei nn̄da, Murena, vha na mbonadzo i si yavhudí yanga. Vha elekanya uri ndi ṭodou vha o fhambanaho. Vha elekanya uri ndi khou lingedza u vha muñivhazwothe. Vho vhudza vhatuuri ndi fhura vhatu, nga maandamaanda kha ḫoho dzi no nga *ndovhedzo ya madini* nga Dzina la Murena Yesu, na kha *mbeu ya nowa*, yone *phombwe khulwane*, na kha vhunzhi ha idzo theiphi dzo yaho nn̄da dzi si na tshithu nga nn̄da ha Ngoho i songo vangwaho. Huno ndo vha humbela, “Vhañwe vhañu iđani huno ni ntsumbedze hune nda ita tshivhi, kana u sa tenda kana u sa ḫalutshedza Ipfi nga n̄dila yone.” Huno a hu na we a bvelela. Ndi a U rabela, Khotsi, tendela avha vhanna u

divha uri a vha khou talukanya awara. Vha khou yo lindela u swika tshifhinga tsho no ṭuwesa, arali vha sa sedzesi. Ngavhe vhone, muṇwe na muṇwe... .

²⁴⁴ Murena, ndi na ngoho ya izwi, mbilu yanga yo vha i tshi do kwashea arali ulu Luṇwalo lwo vha lu si lwa vhukuma kha nne, musi Iwe wo ri, "Vhoṭhe vhe Khotsi a Nnea, vha do da. Nngu Dzanga dzi pfa Ipfi Ḷanga." Zwenezwo, Murena, ndi a humbulela uri Muvhuso nga ngoho u nga ndila ye Wa amba, ndi a zwi divha uri wo ralo, u tou fana na munna we a dzhia mambule huno a ya ishani, a posela mambule ngomu huno a kokodza lushaka luriwe na luriwe. Ho vha hu na, a hu na u timatima, khovhe dzi no ḥa zwo faho, ho vha hu na zwibode, mabuvhi a mađini, dziṇowa, tshiṇwe na tshiṇwe tshe mambule a Mafhungo-mađifha a fasha. Fhedzi mafhedziselonii, hu si kale, khovhe ya khirei ya vhuyelela ngomu mađini hafhu, tshibode tsha ṭuwa, nowa ya swiswidza huno ya vhuyelela ngei dindini ḥa thophe, vhunga mmbwa kha maṭanza ayo kana nguluvhe ya mboho u vhumbuluwanii hayo. Fhedzi ho vha hu na khovhe ya vhukuma benefho, Murena. Huno ndi na iyi khuthadzo, ya u divha, zwauri na musi mambule a sa athu wela khadzo, dzo vha dzi khovhe nga itsho tshifhinga. Dzo thothonyiwa, dzi khovhe dzo tiwaho. Huno na mambule a Mafhungo-mađifha o ralo a no fasha nn̄da ngomu ha dzimvuseledzo. Ú divha Vha Iwe muṇe. Tshithū fhedzi tshirewa vha na vhudifhinduleli khatsho, Khotsi, u ya nga hune nda divha, ndi u dzula ndi wa u fulufhedzea kha ili Ipfi. Iwe u Ane A dzhia tsheo ya uri tshifhio ndi tshifhio. Huno ndi a zwi divha uri tshibode tsho vha tshi si nga vhi thirautu, ngauralo na munna kana muthu, a re na ndevhe dzo dzingaho kha Mafhungo-mađifha, a nga vhuya a pfectesa Ngoho. Ngauri Khotsi o no zwi vhona izwi, nahone Wo fulufhedzisa uri vhoṭhe vhane A U nea vha do da.

²⁴⁵ Khotsi wa Tađulu, ndi a U rabela uri muthu muṇwe na muṇwe a no pfa uyu Mulaedza muṭuku, uri Tshedza tshe wa rerwa ngatsho, na ḥhaluso ine nda vha nayo mbiluni yanga kha muthu wa hashu, vhathu vhe Iwe wa vha fela. Huno vhanna, vhaṇwe vhavho ngei nn̄da, Murena, vhunga kha tshivhalonyana tsha Kora, vhanna vha vhukumakuma, vho rangwaho phanda nga ndila i si ya ngoho, vhe na ludongo lukhethwa tshandani tshavho, fhedzi vha lovha. Mulandu, vho vha vha si nga vhui vha tendela ludongo lwa mulilo lu tshi dzhena ngomu navho; murwa wa Aroni, Eliasara, o do tea u zwi kuvhanganya. Huno vho ita tshilumbo tsha alitari nga idzo gedela, tshiṭangu, u sumbedza, na u vha tshihumbudzo tsha itsho tshithu tshi ofhisaho, tshe Kora a lingedza u vhumba tshigwada tsho dzudzanywaho a tshi lwa na muđinda wa Mudzimu. Kha zwi vhe kule na riṇe, Murena. Ngavhe Muya Mukhethwa u tshi ri tsireledza tshifhinga tshoṭhe.

²⁴⁶ Ri a U livhuwa, Murena, uri tshivhidzo tshashu tshiṭuku, uhu hukhethwa huṭuku ho khetheaho. Miñwaha minzhi yo fhiraho, miñwaha ya furaru na zwithu, ndo gwadama kutivhani hafha kwo ḳala dzitshene na muñunu, huno ra kumedzela aya mavu kha Iwe, itsi tshifhaṭo tshiṭuku. Huno hangei kha iyo khuda ya thaberenakele hu na ilo bono. Illo lo khunyelela kokotolo. Tshi kha di vha hone. A vha khou yo tshi thuthekanya, Murena, vha khou tou ya u...tshi khou vha tsha kale, huno vha khou tou yo tshi londola nga u vhea tshiñwe nga n̄tha hatsho. Mudzimu, tendela uri aya Mafhungo-madifha avhudisa o rekhodiwaho kha masiaṭari hafha, ngavhe na kathihi Ā sa tutsheli itsi tshivhidzo tshiṭuku u swika Kristo a tshi vhuya. Ngavhe murado muñwe na muñwe, murado muñwe na muñwe wa Muvhili wa Kristo, vha dzhena ngomu hafha vha tshi bva kha lushaka lwothe na u mona na shango, ngavhe muñwe na muñwe wavho a tshi ṭanganedza Tshedza, Mafhungo-madifha, huno a mbo di tshimbila ngomu Hao huno a ṭanganedza Kristo.

²⁴⁷ Huno ngavhe zwi tshi vha zwa vhukuma nga maanda uri Maipfi Awe a do khunyelela, "Mishumo ine Nda ita, na vhone vha do ita. Ane a pfa Maipfi Anga, huno a tenda kha Uyo we a Nthuma, u na Vhutshilo Vhu Sa Pheli." Huno musi Vhutshilo Vhu Sa Pheli vhu tshi dzhena, vha bebwa zwi tshi bva N̄tha, huno mishumo i bvaho ha Mudzimu i a divhonadza, ngauri ndi Vhutshilo honoho vhuthihi he ha vha vhu Khae. A vhu koni u ita tshiñwe tshithu-vho.

²⁴⁸ Ngauralo, Khotsi, u songo tendela itsi tshivhidzo tshi tshi vhea vhuyo hatsho ha U Ya Nga Hu Sa Pheli kha munyanyuwo na kathihi, kha dzangano, kha tshiñwe tshithu tshi re phasi ha Kristo Ene muñe khavho, a tshi khwathisedza Ipfi Ḳawé nga kha vhone na pfulufhedziso Yawe. Ngavhe, u bva kha ḥwana muñukusa fhano madekwana a ḥnamusi, u swika kha muthu o aluwesaho, a tshi ṭanganedza iyi tshenzhemero. Huno ngavhe munna muñwe na muñwe kana musadzi, mutukana kana musidzana, a pfaho iyi theiphi, ngavhe zwi tshi vha nga u ralo khavho, Murena, huno wa vha ḥnea pfeseso ya uri ndi khou lingedza fhedzi u tsivhudza na u vhidzela nn̄da, ngauri iyi awara yo no ḥtuwesa u fhira zwine ra elekanya.

²⁴⁹ Huno ri vhone Babele, mme a re phombwe, na vhothe vhananyana vha vhurengisamuvhili vhawé vha tshi khou kuvhangana fhethu huthihi. Mudzimu, ri a limuha uri Mañwalo a amba zwauri mifhunga i bvaho tsimuni ya goroi i do thoma ya vhoxwa, nga dziñanda. Huno vho no vhoxwa nga dziñanda, vha tshi divhidza nga madzina a nyefulaho ane zwa vhukuma a si vha tee, ho ngo tea kha Tshivhidzo, na tshone; ndi nn̄du dza vhuawelo, a si zwivhidzo. Hu na tshithihi fhedzi tshazwo, Khotsi, huno itsho ndi tshe Iwe wa tshi fela.

²⁵⁰ Huno ndi a rabela, Khotsi, musi ri tshi vha vhone vha tshi khou vhoxwa vhothe zwino u itela mulilo wa atomo hu si kale,

ndi a rabela, Murena, uri U do tendela goroi u ḫala na u lemela. Zwi tendele, Murena. Ngavhe ri tshi aluwa huno ra penyisa Tshedza, nahone ra nga Yesu, "Arali Ndi sa iti zwithu zwe Mudzimu a toda uri Nne ndi zwi ite, zwenezwo A thi na Vhutshilo kha Nne. Fhedzi arali Mudzimu a tshi amba nahone a sumbedza Vhutshilo Hawe, zwenezwo Uvho vhu a Diambela." Zwi tendele, Murena. Ndi kumedza uyu Mulaedza kha Iwe, na uri Iwe u U sedzese, huno wa disa vha mahumi a zwigidi, Murena, kana, vhana Vhau vho tiwaho vhothe kha Mafhungo-madjifha. Nga Yesu Kristo, A re Ipfi, nga Dzina ḥawe ndi a rabela. Amene.

Ndi a Mu funa, ndi a Mu funa
 Ngauri O mpfuna u thoma
 Huno a renga tshidzo yanga
 Murini wa Khalivari.

²⁵¹ Ndi khou yo vhudzisa mbudziso. Ndi vhangana madekwana a ḫamusi kha avha vhathetshelesi vha vhonalaho fhano, vha itsi tshivhidzo tshi takadzaho tshihulu tsha vhatu, kana nn̄du ya vhatu, kha ndi ralo, kha fhano fhethu ha u luvha, vha no tenda nga mibilu dzavho dzoṭhe, vhutshilo hanu vhu konana na ḫodea (inwi) ya Mudzimu na Bivhili, huno inwi ni a tenda uri, nga u sedza kha vhutshilo ha inwi muṇe, huno ni tshi vhona ndila ine Muya wa khou shuma kha inwi, uri vhu tenda Ipfi liñwe na liñwe nga ndila ye ḥa nwalwa, huno ha ḥi vhulunga? Naa ni a ḥi tenda? Mudzimu a ni fhaṭutshedze. Ngavhe A tshi vhulunga Muya Wawe kha inwi.

²⁵² Huno kha khonani yanga kha theiphi, ndi tama ngavhe no kona u sedza hafha kha avha vhathetshelesi madekwana a ḫamusi, ndi humbulela uri kaṭukuṭuku phesente dza fuṭahe dza vhatu vho imisaho zwanda zwavho, uri vho tenda huno vho sedzesu Bivhili, (hu si zwine tshivhidzo tsha amba) zwine Bivhili ya amba, (hu si zwine nn̄du ya vhuawelo ya amba) zwine Bivhili ya amba, huno vha vhona Vhutshilo ha Kristo vhu tshi ḥi vhonisa.

²⁵³ Ni a ḫivha, mađuvhani a kale musi vha sa athu vha na dzināndo, mu—mushumi musukuni o vha a tshi anzela u sinda musuku nga hamula. Ndi humbulela uri no no pfa nga hazwo. Musi u sa athu ya nandoni, vha a u sinda. Huno musuku ndi matheriala u lemelesaho, u lemela u fhira mutobvu. Huno ngauralo ndo ita tsedzuluso ḫukhu, huno ni nga dzhenisa muṭavha kha u ḫanzwa dziphangani, huno na huṭa tshanda tshaṇu kha muṭavha, huno zwenezwo (whoosh) na vhudzula nga u ralo, huno buse na tshiñwe na tshiñwe zwi ḫo fhufhela kule, matombo, fhedzi musuku u a lemela nga maanda lune wa vha heneffho. Huno zwenezwo musi ni tshi doba uyo musuku, u vha wo no vhubuluwa kha tshika nnzhi u swika wo no kuvhanganya nga maanda. Huno kha zwikhathi zwa thavhandubi musi i tshi kuvhanganya ḫha,

wo wana thophe ndenya na tshiñwe na tshiñwe, tsimbi ya phairiti na mañwe matheriala o ḥanganaho nawo. Musindi o vha a tshi anzela u dzhia ili gwada la musuku huno a li sinda nahone a li rembulusa, huno a li sinda nahone a li rembulusa, u swika a tshi sinda tshika yothe ya bva khawo. Huno ni a zwi ḫivha uri o zwi ḫivha hani uri o bvisa tshika yothe? O kona u vhona tshifanyiso tsha ene muñe tshi tshi vhoniswa khawo.

²⁵⁴ Huno iyo ndi ndila ine Mudzimu a ita Tshivhidzo. U sinda ndaela iñwe na iñwe, dinomineisheni iñwe na iñwe, dogima iñwe na iñwe yo itwaho nga muthu, u swika A tshi vhona Vhutshilo Ha Ene muñe vhu tshi vhoniswa kha inwi. "Arali Ndi sa iti mishumo ya Khotsi Anga, ni songo Ntenda." Ni a vhona? Arali zwi re na ndivho kha Tshivhidzo, Vhutshilo he ha vha vhu kha Kristo vhu sa vhonis kha inwi, ni songo ima na tokomelwa arali ni si na vhusifhelembilu, maanda, izwi zwithu zweþe, na u kondelela, na—na zwithu, na u ofha Mudzimu, na u funa vharathu, na izwi zwithu zweþe zwi no todea kha inwi. A hu londwi zwe na ita, a hu londwi uri no ḥavha mukosi zwingafhani, no vha murado wa zwivhidzo zwingana, no ḫitomela mithenga mingana, ni songo zwi ita. Lindelani u swika zwa vhukumakuma, zwi tshi bva mbiluni, ni tshi nga hangwela, u swika mbiluni yanu ni na u funa vharathu. A hu londwi arali vha tshi kokodza tshidalatshanda tsha ndebvu u bva thungo nthihi, ni nga nekedza linwe shama lu ḫifhaho, ni a vhona, u swika ayo maanda, hu sa londwi zwine vha ni vhudza zwone.

²⁵⁵ Musi vha tshi vhea dzadza u mona na tshifhaþuwo Tshawe huno vha Mu rwa kha thoho, vha ri, "Zwino, vha a mmbudza uri U Muporofita." Zwino vha khwiða dzadza la bva Khae, huno muñwe wavho o fara lubada, a ri, "Naa ndi ufhio washu o U rwaho? Porofita huno u ri vhudze, nga iñwe ndila, zwenezwo ri do tenda uri U Muporofita." Ho ngo vula mulomo Wawe na kathihi.

²⁵⁶ Musi ni tshi pfa muporofita a tshi takuwa, a re na phindulo dzoþe kha vhukwila vhuñwe na vhuñwe vhune ni nga vhu ðisa, elelwani, a si muporofita. Namusi vha tea u ḫivha tshiñwe na tshiñwe, musi ni tshi khou yo vha na lino na musi ni tshi khou yo vha na thumbuni, na tshiñwe na tshiñwe-vho, huno a ni vhudza zweþe nga hazwo. Iyo a si mvelo ya Mudzimu washu. Sedzani vhaporofita, sedzani Yesu.

²⁵⁷ Sedzani Paulo, musi o kona u rwa munna a vha bofu, huno a litsha mufuli a tshi mu pandela shangoni, "Ndi humbulela uri o xedza maanda awe a u rwa nga vhupofu."

²⁵⁸ Yesu, We a kona u vusa vhafu, huno nangwe zwe ralo a ri swole lo kambiwaho lo pfela mare tshifhaþuwoni Tshawe, la bvisa tshilangwa huno la tshi pfa nahone la khwiða ndebvu

kha tshifhatuwo Tshawe, huno la Mu rwa kha thoho, nga dzadza u mona Nae, la ri, "Porofita huno u ri vhudze we a U rwa." Huno a sa vule mulomo Wawe.

²⁵⁹ Ni songo sedza avha vhashumi vha vhukwila vhothe. Fhedzi elelwani, vha khou tou amba fhedzi, dolara ya mafanedza i amba fhedzi uri hu na ya vhukuma huwe fhethu. Musi ni tshi vhona zwithu zwa ili dzangano zwi tshi aluwa na u anda, vhunga lo ri "vhutsila vhu do anda tshandani tshawe," itonu elelwa, hu na Tshivhidzo tshițuku tsha Mudzimu huwe fhethu, zwa vhukuma tsho dala Muya Mukhethwa, tsha vhukumakuma, tshi no khou gonya leri. Ni songo sedza dzangano lihulu.

²⁶⁰ Naa ndi tshifhio tshivhidzo tshihulwane tshi no ambiwa Bivhilini u fhira tshikhathi tsha tshivhidzo tsha Efeso? Huno musi Paulo o fhira khunzikhunzini dza n̄ha dza Efeso, huno a da kha tshino tshivhidzo, ho vha hu na vhanna vha fumimbili khatsho. Izwo ndi zwone. Huno vhone vhothe vho vha vhe vhathu vhavhudi, vho tavha mikosi huno vha vha na tshifhinga tshi fushaho, fhedzi vho vha vha sa athu ḥanganedza Muya Mukhethwa. Paulo a ri, "A ni athu ḥanganedza Muya Mukhethwa tshee na tenda?"

Vha ri, "Mulandu, a ro ngo zwi ḫivha uri hu na Muya Mukhethwa."

²⁶¹ A ri, "Zwenezwo no lovhedzwa hani?" Arali zwi songo ita phambano, naa o ri mini kha itsho tshivhidzo henefho?

²⁶² Vha ri, "Ro no di lovhedzwa nga muwe wa vhanna vhahulwanesa vhe vha vhuya vha ima kha ḫifhasi, Yohane Mulovhedzi, we a lovhedza Murena washu. Naa uho u lovhedza a si havhudzi lwo eðanaho?"

²⁶³ A ri, "Hai, muñe wanga. Ni tea u dovha na lovhedzwa, ngauri Muvhuso wo shatelwa kha tshiñwe na tshiñwe-vho." Huno musi vho pfa izwi...Ha pfi, "Yohane o lovhedzela kha tshanduko, hu si u itela khangwelo ya zwighi, a tshi amba zwauri ni tea u tenda kha Uyo a no do da, ndi uri, kha Yesu." Huno musi vha tshi pfa izwi, vha lovhedzwa hafhu nga Dzina la Yesu Kristo. Izwo ndi zwone. Kokotolo. Vho tevhela Luñwalo.

²⁶⁴ Ni a ḫivha, kha u kumedziwa matsheloni ano, Mushe o tevhela vhuitele he a vhu vhona ngei Tađulu, huno a toká dennde u vhu imela. Musi Salomo o fhaṭa thembele, ene (naa o ita mini?) o tevhela vhuitele he Mushe, nga dennde, a vha a tshi khou vhulunga Luñwalo lwo teaho.

²⁶⁵ Huno musi Mudzimu a tshi da kha Thembele Yawe u itela maduvha a u fhedzisela, iyi Thembele, Muya Mukhethwa, "muvhili Iwe wo Nndugisela wone," Muya Mukhethwa wo wa nga Duvha la Pentekoste, mulaedza wo vha u, "Shandukani, muwe na muwe wañu, huno ni lovhedzwe nga Dzina la Yesu Kristo u itela khangwelo ya zwighi, huno

ni do ḥanganedza tshifhiwa tsha Muya Mukhethwa. Ngauri pfulufhedziso ndi yaṇu na vhana vhaṇu, na kha avho vha re kule, na kha vhanzhi vhane Murena Mudzimu washu a do vha vhidza.” Arali ni tshi ḥodou vhidza mushumeli waṇu dokotela, Dokotela Simoni Petro o ḥwala ndayamushonga, ndayamushonga ya U Ya Nga Hu Sa Pheli. Itsho ndi tshone tshi no alafha vhalwadze.

²⁶⁶ I ri ni vhaṇwe vha avha vhaṇa-ṇanga vha no khou lingedza, nga dinomineisheni, u i dadza nga iṇwe ndila, itsho ndi tshone tsho itisaho uri vha vhe na... Ni a divha, arali ni sa engedzi... ni engedza lwo kalulaho kha ndayamushonga, ni nga di... mulimo wo kalulaho, ni nga di vhubala mulwadze waṇu. Arali ni sa sheli wo edanaho khayo, ni... hu si u itela tshivhulahamulimo, arali ni sa iti, i nga si farise mulwadze waṇu. Nanga yaṇu i a zwi divha uri ndayamushonga i ḥwalwa hani.

²⁶⁷ Huno Kristo, Muya Mukhethwa, ndi Muṇwali wa Ndayamushonga, huno O I ḥwala. Ni songo engedza Khayo kana na I ḥusa Khayo, itonu dzhia Mushonga nga ndila ine wa vha ngayo. Ndi Dzilafho ḥa maṭhupho othe. Mudzimu a ni ḥaṭutshedze. Ni a Mu funa? Amene.

Ndi a Mu funa, ndi...[Tshikhala kha
theiphi—Mudz.]

Ngauri O funa nne u thoma
Huno o renga tshidzo yanga
Murini wa Khalivari.

²⁶⁸ Zwino musi ri tshi lu ḥuna, zwino rembuluwani huno ni khaḍane na mudzulatsini waṇu heneffo. Oo, ndi mufhiri na ene-vho, u khou fhira.

Ndi a Mu funa, ndi a Mu funa
Ngauri O funa nne u thoma
Huno o re-...-dzo.

[Mukomana Branham u amba na muṇwe—Mudz.] Ndi a ni livhuwa, mukomana.

Ndi a Mu funa, ndi a Mu funa
Ngauri O funa nne u thoma
Huno o renga tshidzo yanga
Murini wa Khalivari.

Ndi a Mu funa, (kha ri lu imbe zwino), ndi a
Mu funa
Ngauri O funa nne u thoma
Huno o renga tshidzo yanga
Murini wa Khalivari.

²⁶⁹ Zwino kha ri kotamise zwifhaṭuwo zwashu, ri vale maṭo ashu, ri imise zwanda zwashu na maipfi ashu kha Mudzimu zwino, musi ndi tshi ni kumedza kha mufunzi. Ro takala u vha na inwi fhano. A ri dinomineisheni. A ri na mulayo nga nn̄da

ha lufuno, a hu na ndaela nga nn̄da ha Kristo, a hu na bugu nga nn̄da ha Bivhili. A hu na vhurādo; ndi vhūtama fhedzi nga Malofhā a Yesu Kristo a no ri ḥanzwa kha u sa tenda hoṭhe.

²⁷⁰ Zwo luga, roṭhe khathihi zwino. “Ndi...ndi...” Mudzimu a ni fhaṭutshedze. Vhuyani huno ni ri dalele hafhu.

Ngauri O funa u thoma . . .

Zwo luga, mufunzi, mukomana. Murena a vhe... Mudzimu a ni fhaṭutshedze. “Huno . . .” 

NDI NGANI NDI TSHI LWA NA

VHURERELI HO DZUDZANYWAHO TSV62-1111E

(Why I'm Against Organized Religion)

Hoyu Mulaedza nga Mukomana William Marrion Branham, u rangani wo ḥewaho nga Tshiisimane nga madekwana a Swondaha, Lara 11, 1962, Thaberenekejeni ya Branham kha ja Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gaṇdiswa u songo pfuhifhadzwa nga Tshiisimane. Heyi ḥhalutshedzo ya Tshivenḍa yo gaṇdiswa huno ya phaḍaladzwa nga vha Voice Of God Recordings.

TSHIVENDA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
 58 DISA ROAD, ADMIRAL'S PARK, GORDON'S BAY 7140 WESTERN CAPE
 REPUBLIC OF SOUTH AFRICA

VOICE OF GOD RECORDINGS
 P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuṭuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org